

KA  
MARIANG HA U KHASI  
BAD  
KI PURINAM PURISKAM



Da  
H. Dhirendro Ramsiej, M.A., M Phil

Acc No. 9828/8

Class No. 895.93 R.

Author Ramsley D. R.

Title Ka Marung ha u  
Khasi

Borrower's Due Date

Acc. No. 9828/8

**STATE CENTRAL LIBRARY**  
**GOVERNMENT OF MEGHALAYA**  
**S H I L L O N G**

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

**Help to keep this book fresh & clean**

# **KA MARIANG HA U KHASI**

**BAD**

**Ki Purinam-Puriskam**

**DA**

**K. Dhirendro Ramsiej, M.A., M. Phil.**



**Lecturer**

**Department of Philosophy**

**SHILLONG COLLEGE**

**Shillong - 3.**

---

Published by **Smt. I. Mylliem Nongpathaw**  
**B.P.O. Diengiei, East Khasi Hills.**

***Ha***

***I Mei Baieit jong nga,  
Smt. Sabon Ramsiej, Iba ia  
pynsan pynrangbah bad ba ia kyrshan  
Skul ia nga.***



# JINGKDEW

<b>Lynnong</b>		<b>Page</b>
	<b>Ka Jingkynthoh</b>	... (i)
	<b>Shikyntien</b>	... (iii)
	<b>Jinglamphrang</b>	... 1
<b>Lynnong - I</b>	<b>Ka Kolshor bad ka Mariang</b>	.. 13
<b>Lynnong - II</b>	<b>Ka Mariang ha ka rukom pyrkhat u Khasi</b>	... 49
<b>Lynnong - III</b>	<b>Ka Mariang ha u Hume Rigveda bad ki Khasi</b>	... 87
<b>Lynnong - IV</b>	<b>Ka. Jingpynshongnia</b>	... 122
<b>Lynnong - V</b>	<b>Ki Purinam - Puriskam</b>	... 135
	1. <b>Ka Lyngdoh Marshilong bad u Tyngriang</b>	
	2. <b>U Mawlieng</b>	
	3. <b>Ka Tyut, u Shrieh bad u Myrsiang.</b>	
	4. <b>Ka Kriah Sapja</b>	



## Ka Jingkynthoh

U Nongthoh ha kane ka kot u pynnoh ia la ka bhah sha ka lypung ka thoh ka tar khasi ka ban kysiew sa shisien pat ia ki nongpule ba u khasi um shym duna ei ei ha ka pyrkhat pyrdain bad ka rukom pynshongnia shaphang ka Mariang. Kumba ka paw hangne i kumba u khasi u kham iadei kur jan bad ka mariang ban ia kiwei kiwei pat ki jaitbynriew.

Ngi iohi ia u nongthoh hangne kum uwei na ki nieweit mariang namar ba la pynsan pynheh ia u hapneh ka Mei Mariang. Imat dei ka jingiohlad jong u ban iasyllok bad ka Mariang kaba ktik ia ka pyrkhat jong u ban kdew ia kine ki jingshisha kiba kordor shibun ch. Lada uno uno uba ong ba u leit ia la ka kolshor (Culture) u dei ban don ka jingiasyllok bad ka mariang (Nature). Ha kane ka kot ngi iohi ia u saiong saisaw hapteng ka kolshor bad ka mariang (Culture and Nature). Ka jingstad science jong u khasi shaphang ka mariang ka paw tyngkrein hangne. Kane ka pynpeit mat ia kane ka juk mynta ioh ba ngi niewbein ne lyndet ia ka science jong u khasi mynshuwa. Ngi iohi ia u scientist khasi ba ka jingiathuhlypa ia ka jinghap slap kam dei tang ka presumption (ka jingshup daw), hynrei ka don la ki jingshisha. Kat kum ki dak ba Paw ha ka mariang. Ka jingialong kur bad ka mariang ka don la ki jingmyntoi kiba iarap ia ki briew. Haba ngi iohi ia kine ki jingshisha ha kane ka kot ngim dei ban tep eitmasi noh ia ki mawkordor jingstad bad jingstad bad jingshemphang jong ka jaitbynriew jong ngi.

Ka iit khmih jong u nongthoh ka long kaba kor-  
dor shi katdei, haba u iit bniah ia kiwei pat ki stad  
pyrkhat jong ki jaitbynriew ba pher ba pher. Kane ka  
long ban kham ai umphnang ia ka shalyntem jingpu-  
son jong u kaba la pynlah ia u ban thir bad thain  
haduh katne ryngkat bad ka tarajur ba thew ba woh  
ia ki rukom pyrkhat jong kiwei bad ka jong u khasi.

Kane ka thup kaba la suit rong ruh da ki khana  
puriskam ka kylla long khasi literature. Ki nongpule,  
khamtam kito kiba dang bat ha la ka kti ia u lyng  
ka ba nep ki donkam ban pule bniah ia kane ka kot  
katba ki dang tih jylhew ia la ka nan umpohliw jing-  
stad jong ki.

Nga kyrmen ba u nongthoh un nang sei shuh shuh  
ia la ki sap ban pynmyntoi shuh shuh ia la ka jait-  
bynriew.

Mawlangwir  
The 13rd August 1992.

S. S. Khongkham M.A.  
Lecturer in Philosophy  
S.S.M. College, Mawkyi wat

## Shi Kyntien

La kha ia nga ha ka snem 1958 ha ka nongrit ba khot ka Sakwang kaba don ha West Khasi Hills. Ia ka kyrteng jong nga la jer ha u klong bad u skaw da i Mei, i Kong Sabon Ramsiej bad i Pa, i Bah Klikshon Jahrin iba la iehnoh ia ka pyrthel haba nga dang 8 snem ei ei. Ha kata ka por ngam pat da sngewthuh bha ia ka jingieh khunswet i Pa bad ngam pat da nang bha ia ka Kot A. Ka jingduk ka la shon ia ka iing jong ngi ha kaba i Mei marwei i la dei ban bsa ia ngi ki hynriew ngut ki khun. I hynmen jong nga. I Kong Meris ha kata ka por i la dap 15 snem ha kaba i la nang ban iarap bad bud trei ia i Mei. Arngut ki hynmen shynrang ki leit ap masi sha lum. Ma nga pat nga shetja ha jing bad pelt ia ki arngut pat ki para shynrang jong nga.

Ki sngi ka jinglong khynnah jong nga ki her stet. Mynsngi nga leit ap masi sha lum bad mynstep pat nga leit skul. Ngam lah ban klet ha ka jingim jong nga ia ki sngi ba nga sharai masi namar teng teng ki long ki sngi basngewtriem ban ngam ha ki khlaw bad shah ha u 'lapbah 'lapieng jong ka Lyiur ryngkat bad ka jingtieng nongshohnoh. Ki Saw Atom ki Saw Samoi ki long ki diengpyngkiang ba ngi dei ban kiew shaphrang. Teng teng nga sngew sheptieng ialade ban pyrkhat ia ki krem ba ngi ryngkoh bad ki khlaw banyew ba ngi ngam ki riat baphieng ba ngi par.

Haduh kine ki sngi nga ju phohsniew ia ka por ba sngewsyier haba nga dang long tang u *Cowboy*. Katno nga sngewsih bym lah ban batai haba jah ka blang ne ka masi lane haba ki jingri jong nga ki leit bam ia ki symbal jingthung ha ki lyngkha jong ki briew. Nga ju lam haba ki jingri ki hap ha krem ne ki lap la kum la ki para mynsiem. Ngj ju leit bha ia ki jingri ba ngi sharai. Ngim ju kwah ba ki jingri jong ngi kin laid sakma ne shah pyniap. Ngj tur ia ki

shiah, ngi iuh la ki speh traw hynrei ki kjat jong  
ngi pat ki long kiba eh bad shrang bha.

Ka por sharai masi kam long kaba dum suda  
hynrei ka don ka dor kaba sngewtynnad eh ha ka  
jingim. Ka jingim ha kane ka por ka long kaba shi-  
sur, mynstep ngi niah ia ki masi ban sharai ia ki  
ha ki lum bad ki them, ki khlaw ki btap bad ki krem  
ki kroh, bad janmiet pat ngi wan niah ia ki sha la  
sem ha ka jingphumat bad ka jingkmn. Ka long  
kaba sngewbang ban kynmaw haba ngi iohi ba ki masi  
ki sngaid ki kdang bha bad ki ju ialum lang para  
ma ki ha ka por shiteng sngiynda ki la sngewkdang,  
ba ngi ju khot ba ki masi ki 'ialum iew.' Ha kum ka  
ta ka por pat ngi ias dang sa ka tangohle, phawar bad  
put sla byrhap ha kiba bun ki sur ryngkat bad ka  
siaw ka rwai hajrong ki maw bad ki diengbah. Ng  
ioh ruh ka lad ban iamareh kai ialympat para khyn-  
nah ap-masi (Cowboys), teng teng ngi khwai dohthli  
mar kylliang kylliang bad ka ia kheit tit kaba ngi  
sngewtynnad eh ban leitrah sha la iing. Ka por Syn-  
rai ka long ka aiom basngewtynnad eh ha ka ri jong  
ngi. Ng ju kynmaw ia ka khamtam eh ha ka por  
jong u lapbah uba da ki bun sngi bun taiew ngim  
ju iohi sngi. Tang shu poi ka Synrai ngi la don ka  
jingsngewkmn ka bym lah thew shuh. Ng sngewty-  
nad ban lajngi ha ki thwei bad katno ka mynsiem  
ka kmen haba ngi pynphai la ki khmat sha ki  
hali ba u kba ba byrtem u khaweh la u soh bad ki  
sla da ka jingbeh hir hir jong ka lyer Synrai. Nangta  
ngi sdang sa ka iariam khli. Katno ngi ia kmen la  
rkhie ha ka por ba ngi iabam sohleng, sohlyngkait  
bad khwai thambah na ki wah dult bapynngad. Jan-  
miet pat ngi sdang sa ka leit riam khnai ha ki khlaw  
bad ki dymmiew. Haba nga kynmaw ia kito ki sngi  
kumba ong u Babu Soso Tham, "Sa shisien pat nga  
kwah ban long u khynnah." Ki sngi sharai masi ki kut  
noh tang hadien ba nga la pass la ka Class-III ha  
ka snem 1971. Hadien kane nga ju leit iarap apmasi  
teng teng ia ki para ha ki por ba lait shuti na skul,

Ka jingsdang leit skul jong nga ka long kaba artation bad duh jingkyrmen. Naduh ba nga dang rit nga don ka jingangnud ban leit skul. Ki ummat jong nga ki jaw haba nga pyrkhat ba ngam ioh leit skul. Ynda nga la pass ia ka Class-III, i mei bad ki hynmen ki la ong ia nga ba nga dei ban leit trei lyngkha noh namar ba kim lah ban kyrshan skul ia nga bad ia i hynmen jong nga, i Bah Deng Kolendro Ramsiej, namar ba im da don ka met kaba khlain naduh ba i dang rit. I pa ruh i la ong shwa ban khlad na ka pyrthei ba la kumno kumno dei ban buh skul ia i namar ba im lah trei lyngkha bad i long ruh iba tipsngi Kumta baroh shi iing la ia ong ia nga ba nga dei ban pep skul noh namar ka jingban jong ka jingduk ia ka iing ka sem. Ha kata ka miet ngam shym la pynpaw ei ei bad ngam sngewthuh kumno ka miet ka laid stet khlem da iohthiah bad ka kut noh ha ka jingsngewdiaw.

Hadien katto katne sngi nga la pynpaw ia ka mynsiem ba nga thrang ban leit pule Class IV noh ha ka San Balang M.E. School, Jakrem. Ki hynmen jong nga ki pynpaw ia ki jingeh ha kaba kyrshan skul ia nga bad ia i Bah Deng. Nga la kyrpad da kaba jawummat ba kin sngewbha ban laleh shitom ban phah ia nga tang mynta shisnem. Nga la kular ba nga dei ban trei shitom naduh ba sdang haduh bakut jong ka snem, da kaba noan iarap trei ki kam iing kam kper ha ka por mynstep bad janmiet, ha ki por shuti pat ngan leit sha lyngkha kumba ki para nongrep ki leit trei. Hadien nangta pat ynda ki la iohi ia ka jingthrang jur jong nga, i mei bad i hynmen balai jong nga i Dralen ki la pynkmen ia nga da kaba ki ong ba ki ruh ki sngewbha shibun ban ia khun iap bad ban kham trei shitom shuh shuh.

Naduh basdang jong ka snem haduh bakut ngan shym pynlehnohei wat tang shisngi ruh. Shwa ban mih ka sngi, nga la khreh shet ja, tong um bad khreh kot; ynda ka sngi ka la syaid bha nga sa leit trei

sha kper bad leit lum sboh eit masi. Kumta ki iaid ki sngi jong ka snem bad ynda ki la iohi ia nga ba nga trei smat ki la ai jingmut ba nga dei ban pynlut kham bun ka por ha kaba pule kot. Ha ka examina kutsnem nga la pass bha kham ha khmat ban ia ki para khynnah na shnong. I mei bad ki hynmen jong nga ynda ki la tip ia ka result ki la nang kham sngewtynnad bad ki la ong ia nga ba nga dei ban leit skul biang sa katno katne snem.

Ynda nga la pass ia ka Class-VI, nga la kham long samla rit bad nga la lah ban leit bylla kitnong sha Hat Mawdon, Hat Rangku ha ka por ioh shutl Tlang. Shisien ma nga bad i Bah P. Sohphoh, ngi da ia-leit kitnong nyngkong na Hat Mawdon sha Lawbah. Nga, nga kit da u ktung, ma i pat da u kwai im. Ka jingthngan ka lap kynsan kynsan ha thiep Mawdon bad la kum ban iap tyrsaw. Kumta ngi la sdang ban bam ktung im bad ka kiew thiep ia iaid arted lyntl. Ynda ngi la sngewjlep ka bam ktung ngi ia bam sa da u kwai im haduh ba ngin da poi ha Lawbah.

Nga bad i Bah Deng ngi la wan pule skul miet noh ha Mawkhar Christian High School, Shillong namar ha ka snem 1974 ka don ka jingkyrduh ha ling kumjuh ruh ha ka Ri Khasi baroh kawei, ha kaba niar eh ki brlew kin ioh bam ja. kiba bun ki ia bam da u atta. Ngil leit skul janmiet bad mynsngi pat ngi leit thoh-dieng na sha lyndet Mawtawar, Mawdiang-diang bad khlaw Umsaw bad wan die pat ha lewduh. Ki paralok ki nang pyndie ia ki dienglap jong ngi bad ynda la wai skul pat ngi sa wan ladie lang. Nga teng teng nga ju rah ia u star bad ka ratap shapoh Class hynrei ki nonghikal jong ngi kim ju kren ei ei. Ha kato kajuha ka snem 1974 la pynkylla noh ia ka por long Class na ka janmiet sha ka mynstep. Ynda la kylla ka por long skul ka jingbylla jong ngi ruh ka dei ban kylla. Ha ka jaka ba ngi dei ban leit thoh dienglap, ngi la dei ban shu bylla khalasi noh hapoh Sor. Katto katne sngi ngi latrei surok, la tih painkhana, la niad-



rong bad teng teng pat ngi ia bylla dai. Ka snem ka la kut noh ha kaba i Bah Deng i la loh pang noh shwa ka por eksamin kutsnem bad nga pat nga la loh pyndep ia ka eksamin kutsnem bad nga la pass bha ia ka Class-VII.

Hadien kata, ngi ia iakut ban leit phai noh sha la shnong bad ban ia leit pule noh ha Maharam High School, Mawkyrwat. Namar kane ka jingim kyndoi jakpoh ka la palat pud, la kum kito kiba bsa khunrei. Ngam shym la pynlehnheh ia ki snem baroh bad nga la pyndep ia ka H. S. L. C. ha ka snem 1978 bad nga la pass tang ha ka Third Division. Kiba ha iing ki la sngewtynnad eh ia ka jingpass Matric jong nga namar ym pat ju don ba pass Matric na ka Shnong baroh kawei. Ki don kiwei pat kiba la pass Matric tangba kim shym la shong ha shnong, ki la shong ha Sor bad sha kiwei pat ki Tharn.

Kiba ha iing jong nga ki la dap da ka jingphuhmat bad ki la buh skul ia nga ha Union Christian College da ka jingai jingmut i Rev. F. N. R. Tiewsoh ban pynbit de artad ha ki kam niam. Nga ruh ha ka ingpyrkhat khynnah nga la mut ban pynbit ialade ha ka niam. Te nga la leit sah hapoh U. C. C. ha Khwan naduh u bnai July ka snem 1978. Ka jingleit pu'e jong nga sha Khwan ka long kum ka jingphalang jingshai ia ka jingim jong nga. Nga wan na ka ung baduk bad ka Shnong ba dang sah dien. te bun klei klei kiba pynlew jingmut ia nga ha ki sngi basdang ha ka College. Ka kren phareng ruh ka long kawei ka jingduna jong ngi ki khynnah Nongkyndong. Teng teng ngam loh bat ia ki jingpynbna hapoh lingmane (Chapel). Nga hap kylli na ki paralok hadien ka jingiaseng. Ka riam ka beit lei lei ynnai da ia kren namar nga long tang u kup kumbor bad tapmoh khlieh da ka jainsem. Ha kata ka por ki para Class kiba bun eh dei ki Mizo ki ju ia rkhe sin ia nga namar ka kren phareng jong nga ka long kum u Moina bym pat pait shkor. Hynrei kine ki jingrkhe

bein ki la iarap ia nga ban da pyrkhat bha kumno  
 ha nga dei ban leh bad kumno ba nga dei ban du-  
 riap ia la ka jingpule. Ki paratok Tripura kiba ia sah  
 lang ha ka High Hall Hostel ki ju iarap ia nga ban  
 kham roi ha ka ktien ka thylleij bad ki ju iarap ia  
 nga da kaba ai present da ki sopti bad blanket.

Ynda nga la pass ia ka Promotion nga la kham  
 bit (improve) shibun bad nga la jan lakot rynneng bad  
 kiwei pat ki khynnah. Nga la lashim bynta ha ki  
 NCC, Choir bad ha ki jingialehkai Sports. Nga la  
 pyndep ia ka Pre - University (Arts) ha ka second  
 Division.

Ka jingim hapoh UCC ka long kaba pynsah jing-  
 kynmaw bad kaba kordor eh ia nga Nalor ba nga  
 san ha Nongkyndong ha pneh jong ka Mei Mariang,  
 ki Ranab Lum jong ka UCC ki long ka mat sama  
 ia nga ba ngan peit sha ka Pung Uniam bad ki  
 rud jong ka. Katno ka mynsiem jong nga ka kyndeh  
 haba nga iaid ha ki ranab lum ha ka por janmiet  
 bad teng teng ngi ialeit khwai bad tong shalynnai  
 Katno ka long kaba sngewbang ban pule kot ha  
 kllar jong ki lum ha syrngiew jong ki dieng Ka Ko-  
 lej ka long kum ka ring ka sem kaba heh ha kaba  
 ki Nonghikai bad ki khynnah skul ki don ka jingla-  
 del bajan eh. Lada don ba kylli ia nga shaphang  
 ka jinglong jingim khynnah skul ba paka ngan shu  
 ong beit khie leit sha UCC bad mad ia ka jingim  
 khynnah skul kaba shisha. Dei hangne ba nga loh-  
 lad ban pule ia ka Logic bad ka Philosophy kaba la  
 ialam ianga sha ka jingthrang ban pule ia ka. Dei  
 hangne kaba la pynshlur ia nga ban shim ia ka  
 Philosophy (Honours) ha ka B. A. ha Shillong College,  
 Shillong. Ha kajuha ka por haba nga shong shathie  
 sha Khwan nga ju leit bylla thohdieng-iap bad trei  
 lyngkha bad i Bah Toberson Marbaniang, Assistant  
 Librarian ka UCC iba la long u Kni jong i Lok jong  
 nga mynta. Ha kato ka por ka jingthmu jongnga ka  
 long la kumno kumno nga dei ban pass M. A. bad  
 ban loh kam Lecturer ha College.

Nga la pule noh ha Shillong College, 'namar 'fra 'U.C.C ym pat don Honours ha ka Philosophy. Hangne ruh nga la shim bynta ha ka N.C.C. bad ki jingia-lehkai sport kum 'ha ki jingiamareh jngai (long distance). Hangne nga mad sa la ka jingim kaba thym-mai ha Sor Shillong. Nga ioh ban'sah 'ha Meghalaya Government Hostel, Laltumkhrah ha iwei i kamra rit. Donbok ba ha ka B.A. (Hons.) ha ka Philosophy, nga don tang marwei ha kato ka snem 1980-82. 'Nga ioh ia ka kabu ban la ithuh ithaw bha bad ki nonghikai Philosophy bad ma ki ruh ki pynpaw ka jingsngew-iet la nga Ki ju khot ia nga sha ling bad ki ju ia kren ia nga haba ki iakynduh ia nga shane shatai. Te nga la pyndep ia ka B.A. (Hons.) ha ka Second Class 'ha ka snem '1982. Ka jingthmu ba kongsan jong nga ha kata ka por ka long kumno ba ngan ioh pyndep sa ia ka M. A. ha ka Philosophy. Tang shu mar iakut ka Examin Final nga la leit bylla thohdieng pen bad puh-kper. Kiba ha ling jong nga ruh ki la shem jingeh ban lai buh skul ia nga hyn-rei wat la katta ruh ki la iakut jingmut lang ban la kyrshan ialap iaim ia nga. Kumta ki lad 'ki lynti ki la plie ia nga ba nga dei ban pyndep ia kane ka jingthmu.

Kumta ha ka Department jong ka Philosophy, NEHU Shillong kaba la nangal jingshai ia nga sha-phang ka subject ba nga dei ban leit la ka jingstad bad ba ka jingai mynsiem la nga ba ngan trei minat bad tur shaphrang. Ki nonghikai ruh ha ka University ki long kiba kloi ban iarap la kano kano ka jingshem jingeh, kim ju tyngkal 'ne bynnud ia la ka bor ka bult. Katba ki don ki la ai ha ngi. Kumta nga la pyndep ia ka M. A. ha ka high Second Class ha ka snem 1984.

Nga pynpaw ka jingsngewnguh ia ki nonghikai jong nga kum u Professor Mrinal Miri, Dr. (Mrs.) Sujata Miri bad Dr. S. C. Daniel kiba la btien lynti ia nga ba nga dei ban pyndep sa ia ka M. Phil. Nga la ioh ia ka Junior Fellowship na ka Himalayan Eco-Development Project, NEHU, ba la peit da i 'Dr. (Mrs.

S. Miri hapoh ka Department jong ngi. Kumta hadien ha nga la pass ia ka Course Work Examination, nga sa thoh sa ka thesis kaba kyrteng "KHASI-PNAR CONCEPT OF NATURE" hapoh ka jingialam bad peit i Dr. (Mrs.) S. Miri ia kaba nga la loh ia ka result ha u bnai May. 1987 ha ka First Class ne Grade 'A'.

Ha kajuh ka por katba nga dang ialeh ia ka M. Phil nga la leit alti ialade ban shakri ia ka dong la jong ha Mawkyrwat ha kaba ma nga bad i Bah Rowell Lyngdoh, MLA ngi la ia shiniti nyingkong ban pyntreikam bad ban sdang ia ka Sngapsing Syiem Memorial College, Mawkyrwat. Ha ka Public Meeting jong ka Thain Mawkyrwyat kaba la long ha ka 11 tarik January, 1985 la rai ba ngi dei ban sdang noh bad la jied ia i Bah Rowell Lyngdoh kum u President bad ia nga kum u Secretary jong ka College ha kaba i Dr. S.C. Laloo, Minister ka Pule-Puthi i la wan ban plie ia ka

Hadien ba ka College ka la nang laid, la jied ia nga kum u Principal banyngkong eh (Founder Principal). Nga la shimti ia katel ka kam naduh u bnai April 1985. Da ka jingiatrei lang ki Member ka Governing Body bad ki paidbah jong ka Dong, ka College ka la loh Provisional Affiliation na ka NEHU ha u bnai July 1986. Da kane la plie lynti ba ka College kan nangialid shaphrang. Ka Sorkar ruh ka ia pynpaw ka jingiarap Grant naduh u bnai December, 1986 ter ter.

Da ka jingthmu ban nang pyndep ia la ka jingpule kata ka long ia ka Ph. D., nga la lehnoh ia ka kam Principal jong ka Sngapsing Syiem Memorial College, Mawkyrwat naduh ka 31 tarik u bnai July, 1987 bad nga la leit long noh tang kum u Lecturer jong ka Philosophy ha Shillong College, Shillong namar ba nga kham jied ruh ban hikar ban ia kaba trei office.

Kane ka long ka jingim kaba ladai bad ka jingshong skul jong nga kum u briew uba duna tam uba la wan na ka ling ka sem kaba duk.

Kaba tam ka long ka jingnguh ia la U Blei Nongbuh Nongthaw Uba la kyrkhu ia ka jingim battot johngna, bad ba Un nangiai btien haduh ka bakut ka jingim jong nga.

## Jinglamphrang

Haba shu kren kyllum, ka ktien Mariang ka thew ia kiei kiei kiba long met jong ka pyrthei baiar kaba iamarpyrshah bad ka ktien 'Kolshor' ne kiei kiei kiba kynja mynsiem. Hynrei kane kam iabap satia bad ka jingmut jong ka Mariang ha ki Khasi bad ha kiwei pat ki 'riewlum ba shaphang Shatei Lam-Mihngi jong ka Ri India. Kan long lehse kaba donkam ban kylli bad ban jubab ia ka jingkylli ba la ka dei ne kam dei ha ka jingpyrkhat jong ki Khasi-Pnar shaphang kine kiei kiei bad ka jinglong bapher bapher ha ka Mariang ba ki long ar jait kiba iapyrshah. Nga la shem ba ym don jingiapher ei ei hapideng ka pyrthei jong kiei kiei bad ka pyrthei jong ka Kolshor ha ki Khasi. Kawei pat kumba pynbud ia kajuha kata ka long ba ka Kolshor jong u Khasi ka dei ban batai ha ki jinglong bapaw jong ka Mariang. Ngim lah ban sngewthuh thikna ia ka jingmut jong ka Kolshor u Khasi khlem da sngewthuh ruh ia ka Mariang jong u. Namarkata, ka jingmut ha paka jong ka Mariang ha u Khasi ka long ka jingmut kyllum jong ki Khasi bad Pnar kiba shong ha Meghalaya shaphang ka pyrthei bah baroh kawei. Kan kynthup ruh ia ka jingpyrkhat jong ki shaphang u briew, U Blei bad ka Mariang.

Ha ka Lynnong ka banyngkong jong kane ka jingthoh jongnga, nga pyrshang ban

pynshai ia ka jingmut jong ki ktien 'Kolshor' bad 'Mariang'. Ia ka ktien Kolshor la batai kumne harum ha ka Encyclopaedia jong ka Philosophy. Ka Kolshor ka mut: (1) ka jinglong kyllum ne ka jugpynmlie ia ka jingmut jingpyrkhat bad kaba don ka jingiadei kaba jan bad ka jingmut jong ka jinglong brieve kaba janai. (2) ka jinglong kyllum jong ka jingroi bashemphang (stad) bad ba hok ha ka imlang sahang baroh kawei. (3) Ka met bah jong ka jingstad kaa iadei bad ka pyrkhat pyrdain bad ka trei ka ktah. Bad (4) baroh ka rukom im kaba iadei bad kaba long met, bapyrkhat bad ba kynja mynsiem jong kano kano ka imlang sahang; ka Kolshor ka long kumba ka imlang sahang ka long, ka long ka jingim kaba kynthup ia ka jingtip, ka jingngeit, ka jingstad, ka jinglonghok, ki rukom ki dustur bad ki ain ba iadei lang, ka pyrkhat pyrdain, ki jingmlie, ki jingthmu bad ka thong jong ka jingim, ka niam ki rukom leh bad rukom bud na ka imlang sahang bad kiwei kiwei de. Ki riewstad jong ka imlang sahang haba ki ruidlain ia ka phang jong ka Kolshor katkum ka jingsngewthuh jong ki teng teng ki batai ia ka Kolshor ba ka long ka kynja met bad teng teng pat kaba kynja mynsiem bad kumta ter ter. Ka Kolshor ha kane ka rukom, ka plie ia ka phang ka bajar jong ka jingim kaba don la ka jingthmu bad jingmut bakongsan.

Ha kawei pat ka liang, ka Mariang ka ieng na ka bynta ka jingkhein lang ia kiei

kiei kiba paw ha ka pyrtnei bah. Ka kyn-  
thup ia baroh ki kynja met kum ki Lum Rit,  
ki Lum Bah, ki Wah, ki Dieng-ki Siej, Met  
Bneng bad kiwei kiwei de. Ka Mariang ka  
long kum ka met ba im lad ba san kaba ia-  
roi lang lem bad ka jingim bad ka bor pyr-  
khat. Katto katne ki ong ba ka Mariang ka  
long ka Kor ka Bor banylla kaba la pyniaid  
da ka jingstad Blei. Kawei pat ka jingbatai  
ka long ba ka Mariang kam long ba pynmih  
da ka jingmut lymne ka long ka bor ha ka  
kti u nongpyniaid, hynrei ka long ma ka hi  
ka met ba la buh ryntih ia, kiei kiei baroh,  
khamtam kaba iadei bad ka por, kaba ia ka  
jingroi jong ka la sngewthuh lyngba ki jing-  
iasyriem jong ka jingsan jong ki jingthung  
jingtep bad ka histori jong ki briew.

Halor katei ka jingbatai haneng, ka jing-  
kylli ba lah ban mih mynta ka long la u briew  
u long ka bynta barit jong ka Mariang ne  
um dei. Ban buh ia u briew ha pyrshah ia  
ka Mariang ka long ban batai shai ia ka  
jingiapher jong u kum ka bor sngewthuh, ka  
rukum treikam bad ka mon laitluid, ba kaba  
ka Mariang ka dunz ia kine ki jinglong. Ban  
niew ia u briew kum ka bynta jong ka Ma-  
riang ka long ban iai bishar ia ka jingbteng bad  
jingroi jong ki briew, ki mrad, kiei kiei kiba long  
met bad ki bym long met, bad ka ai jingmut  
ia ka rukom im jong u briew ka lah ban  
ialam sha ka jingwad bniah ia kiei kiei kiwei  
pat ki bynta jong ka Mariang. Kaba sngew-  
tyonad ha kaba ka jingmut jong ka Mariang

ka kynthup ruh ia u briew, nangta ka long kaba iapyrshah ia ki bor ba na jrong. Ka jingmut jong ki bor ba na lyndet ka wan paw na ki jingjia kiba phylla, kiba long palat ia ki bor pyrkhat briew bad ha lyndet ka Mariang. Hangne la shim pyrkhat ia U Blei U ba long ka bor na lyndet kum Uba long hajrong ka Mariang bad Uba long ruh bad ka Mariang.

Ki khraw pyrkhat bapher bapher lyngba ki juk bapher ki la pyrshang ban shim pyrkhat ia ka jingeh hapteng ka jingiadei jong u briew bad ka Mariang kum ki jong u Aristotle, u Confucious bad Spinoza ha kawei ka kynthun, bad ki jong u Galileo, J.S. Mill bad Paul Sears ha kawei pat. Ngan pyrshang ban batai lyngkot ia ki ha kane ka jingthoh.

Ha ka lynnong ka ba-ar, nga la pyrshang ia ka jingpharia ia ka jinggeit u Khasi shaphang kiei kiei kiba long met (objects) jong ka Mariang ryngkat bad ki lad ban wad jingtip shaphang jong ka. Nga shem ha ha ki Khasi ym don ar jait ki kyrdan kiba iapher hapteng ka Kolshor bad ka Mariang. Ki puriskam jong ngi ki pynjan ia ka jingaphylliew jingmut hapteng u briew bad ki sawdong sawkun jong ka Mariang. Ka jingiadei jong ki ka long kawei da kaba ia ai bad da kaba iashim bad kaei kaba iadei ia ka Mariang ka iadei ruh ia u briew. Ki Khasi ki niew burom ia ki lum, ki wah, ki Khlaw Kyntang ki Mawmot Mawbynna, bad kiwei kiwei de kum ki Ryng-



kew ki Basa ha kaba ki pyneh rngiew na  
 ki ksuid ki khrei kiba sniew Ki jingthung bad  
 ki mrad ki long ki nongiarap bad ki para-  
 lok ba donkam eh jong ki 'riewtymmen. Wat  
 haduh kine ki sngi ba mynta ruh, ki Dieng,  
 ki Siej, ki Mrad ki Mreng, ka Sngi u Bnai  
 ki don la ki jong ki dor ba ki iai trei. Ki  
 riewtymmen kum u Soso Tham, Victor Bareh  
 bad kiwei kiwei ki sngewsih shibun ia kane  
 ka jingduh noh ia ka jingiattyli hagdeng u  
 Briew, U Blei bad ka Mariang. Ka Mariang,  
 ha u Khasi kam long ka Kor ba lah ban  
 trei hi kumba la batai da ki riewstad saian  
 kum ki jong u Newton, Galileo bad kiwei  
 pat hynrei ka kynthup ia baroh kiba long  
 mynsiem bad don ka jinglong babha. La kumno  
 kumno, ka jingdkut noh ka jingiadei hagdeng  
 ka Kolshor bad ka Mariang ka la urlong  
 khamtam eh ha ki jak ba la long Sor jong  
 ka Meghalaya. Kane ka long ka jingpynjot  
 kulmar jong u briew ia kiei kiei ki jong ka  
 Mariang. Kane ka la pynlong ia u Myllung  
 jong ngi u Bah Victor Bareh ban iam sngew-  
 sih ha ka jingrwai jong u. "Ka Wah Umkhrah,"  
 kumne harum :

"Ki dieng ki siej ba kah syrngiew  
 Ki law-kah tngen ka ri dymmiew  
 Da kti u khun bynriew b'la ktah,  
 Narud jong pha mynta ki jah,  
 Te pha, ko Wah Umkhr ah bapli  
 Pha stait katba nangiaid ki sngi. 1

Uno uno um lah ban sngewthuh ia ka jingmut jong u Khasi ia ka Mariang lynda kdew ruh ia ka Niam Khasi. Ka Niam Khasi ka long kaba ngeit tang ha uwei U Blei, don tang uwei hi U Blei Uba long U Nongbuh U Nongthaw ia ka pyrthei bad ia kiei kiei baroh. U long ka tynrai ia baroh bad dei ma U, Uba la buh ia ka jinglehniam leh rukom. Ka long ka Niam tip-briew t'p-Blei. Ka hikai ia ngi kumuo ban tip ba ia ki parabriew bad ban burom ruh ia ki namar ngi long ki jingthaw ba iaryngkat dor. Ka hikai ruh ia ngi ym tang ban tip ia u parabriew hynrei khamtam eh ia U Blei Uba la thaw ia ngi bad ba ngi dei ban kohnguh bad bud ia ki hukum jong U. Namarkata, ngi dei ban ia ieit, burom bad iarap ia u para jingthaw katba ngi dang im ha kane ka pyrthei shongbasa.

Ia ka Niam Khasi la pynshong nongrim ha ki ar-bynta - kita ki long ka Nia bad ka Jutang. U Khasi um ju leit sha U Blei khlem ka Nia bad ba U Blei hi ruh un nym shahshkor ia u briew lynda u wan da ka nia ka daw kaba biang. Kano kano ka jinglehniam la pynshong nongrim ha ka nia ryngkat bad ka jutang ba U Blei U la buh. U briew u la wan sha kane ka pyrthei da ka bor U Blei bad U dei ban bud ia ki jutang jong U Blei, kata ka long ba u dei ban im hok, leh hok bad kamai ia ka hok katba dang m ha ka pyrthei khnang ban poi sha dwar U Blei.

U Khasi u im ha syndah jong ka Mei-Mariang bad ka ruh ka im ha u. Ka Mariang

ka ju ai mynsiem ia u ba u dei ban im ka  
jingim kaba jon bad kaba nangkiew shaphrang.  
Ka Mariang ka long kum ka Kot Pule bad  
ka Spah jong ki jingtip baroh Ka long ruh  
kum ka ting ka sent, ki dawai dashia bad  
kum ka Kalendar ban niew ia ki Sngi ki Bnai  
bad ki Snem. U briew bad ka Mariang kim  
lah ban ia khlad da lei lei ruh em.

Ha ka lynnong ka ba-lai, nga la pyrshang  
ban pyni ia ka jingiapher hardeng artylli ki  
jingpyrkhat shaphang ka Mariang; kata ka long  
kaba katkum u David Hume, u philosopher  
jong ka ri Sepngi bad jong ka Rigveda, ka-  
wei na ki Kot Niam jong ka riam Hindu.  
U David Hume u la batai ia la ka jingmut  
jong ka Mariang ha ka kot kaba kyrteng ka  
"Dialogues Concerning Natural Religion. Ha ka  
ki rukom jong ka jingiatainja hardeng ki laingut  
ki nongiashim bynta, kita ki long, u Philo, u  
Cleanthes bad u Demea; (na kine ki laingut  
la long kaba eh ban bishar bad ban rai ba  
uno u dei u nongmih bajli ia u David Hume).  
U Cleanthes u pyni ba kane ka pyrthei ka  
long kum ka kor ka bakhraw kaba kynthup  
shibun ki kor kiba khamrit kiba iatrei lang  
ha la ki jong ki jong ki kam. Na kane lah  
ban ring jingmut ba ia kine ki kor la thaw-  
dur da u nongdro dur uba palat liam bad  
kham khraw ban ia ki jong ki briew, pyn-  
ban ha ka jinglong kam long kaba iapher  
na ka jong u briew.

U Cleanthes u ianujor ia ka pyrthei bad

ia ka kor kaba khraw. U kdew ba baroh naduh basdang haduh bakut ba ka Mariang ka don ka jingiasyriem ia ki jingthawbuit bad jingstad ba kynja briew. U tainia ba kumba ki jingmih ki iasyriem ia ki jingpynlong ne jingjia kumta ruh ki iasyriem iwei ia iwei pat. Nangne u ring jingmut bad pynkut ba u Nongshna ia ka Mariang u iajan syriem bad ka jingmut jong u briew. U Philo u tainia ba ka hukum, ka jingbuh ryntih ia kiei kiei baroh, kam long kano kano ka jingpynshisha jong ka jingdro dur, tang ka jingshem ka pynshisha ba ka nongrim baskhem jong ka jingbuhbeit ha ka jingmut ym dei ha kaba long met. Kum kane ka jingpynshongnia ka lah ban long kaba artatien, kam long kaba da janai. Ka jinglong jong ka jingmut jong u briew bad ka jinglong jong ka jingmut jong U Nongpynlong ki long kiba iapher bak-ly-bak. Lada ngi khmieh sawdong ia kane ka pyrthei bah, ngi lap ba don ka jingbymbiang bad bym shai naduh tynrai ha baroh ar la ha ki dak ki dur jong ka Mariang bad ha ka jinglong jong u Nongshna. Ban shu buh ha ki kyntien balyngkot ia ka jingmut jong kane ka jingpynshongnia ia kaba nga la pyrshang ka long ba tang na kiei kiei kiba paw shabar jong ka Mariang kumba ka long ngim lah ban pynshisha ia u Nongthaw bastad bad janai tam jong ka.

La kumno kumno ym shym la paw kano kano ka nia ha ki Khasi hyndai ban pynshisha ia ka jingdon ka jong U Blei ha ka

nongrim jong kiei kiei kiba paw ha ka Mariang. Ha ki ka don ka jingidei kaba jan eh hapdeng u briew, U Blei bad ka Mariang bad kaei kaba la bat lang ia kine ha ka Niam Khasi ka long ka Hok ha kaba imat ka don ka jingidei kaba bun bad ka Rita jong ka Rigveda.

Ngan kdew lyngkot katto katne ia ki blei jong ka jingrwai ha ka Rigveda tang ban pyni ia ka jingaid lang, jingidei dur bad ka jingmut jong ki Khasi. Ka jingthmu jong nga ka long tang ia ka jingmut jong ka Rita. Ia ka Rita ia pyni da ki Scholar ba ka dei kum ka ain jong ka Mariang bad jong ka jinglong hok. Ka long ba lyngba ka Rita, 'Ki Wah Ki Tuid,' 'Ka Step ka Mih' bad ka long ruh ha ka jingiasoh bad ka Rita ba U Blei bad u briew ki ioh ia ka Bor Blei jong ki.

Kumjuh ruh, ka Hok ka long ka jing-  
shisha ba don hapoh, ka tynrai bad ka tyl-  
long jong u briew bad ka Mariang ha ka  
jingpyrkhat u Khasi. Ka Hok kam dei tang  
ka ktien kaba don ha ka jingmut, ka long  
kaba don met, kaba donbor bad kaba shisha.  
U Khasi u ju ong, "Nga wan sha kane ka  
pyrthei ban kamai ia ka Hok." Hadien ba la  
 ioh ia ka ngin sa leit sha dwar U Blei. Ka  
 Hok ka long ka ain jong ka Mariang bad ka ain  
 ba kynja mynsiem. Ka long ka ain ka Mariang  
 namar ki sawdong sawkun ka Mariang ki  
 tnei katkum ka Hok. Ka long ka ain Blei  
 namar baroh ki briew ki kohnguh bad bud

ia ka. Ha kiwei pat ki ktien, ka Hok ka ia-syriem ia ka Rita, kaba long ym dei tang ia ka hukum ba kynja mynsiem hynrei ka long ruh ka ain ba rynt h jong ka Mariang. Ki Ryngkew ki Basa ki dei ban kohnguh ia ka ain jong ka Hok. Bun ki riewtymmen ki iohi ia ka jingiasohlang hapteng ka Hok bad ka hukum U Blei hynrei kim shym la pynrit ia ki kawei ia kawei pat. Ka hukum U Blei ka ia iaid lang bad ka Hok, ka lah ban khein ruh kum ka jingmih na ka hynrei ym lah ban pynrit sha ka. U Blei U ai jingmut ia u briew ba u dei ban leh hok kaba long ka jingiohi uwei pa uwei u briew, naba kumta un ioh rung sha ka iing U Blei hadien ka jingiap. La kumno kumno, lada ngim lah ban shim ia ka jingkohnguh sha ka hukum U Blei kumba ka lynti bakhuid, ngi lah ban ioh ia ka jingpynim da kaba ngi shu sumar ia ka jingkhuid bad ka jingkyntang jong ka Hok. Ka hukum jong U Blei ka long kaba donkam bha kumba ki briew ki thmu ban khlad na ka lynti ka Hok bad sangeh ban bud ia ki ain jong ka.

Ki jingbatai bapher bapher ia ka Kolshor ba nga la kdew ha ka lynnong banyngkong, nga ngeit ba ki long ki sakhi ia ka jingshisha ba ka rukom pyrkhut jong shibun aa ki nongsepngi khamtam eh hadien jong u Galileo ka la paw ba u briew bad ka Kolshor jong u ki long kiba lapher na ka Mariang. Ia ka Kolshor la ju pyrkhut kum kaei kaei, kaba long tang ha ka jingmut

bad ha kiwei pat tang kum ka jingshisha ba<sup>1</sup>  
 dei ia ka imlang sahlang. Hynrei ka la long  
 dangshen ba ka rukom pyrkhat ki nongsep-  
 ngi ki la pyn asohlarg ia ka jingmut u briew  
 bad ka Mariang. (Ka jingtrei jong u Paul  
 Sears ka long ka nuksa na ka bynta kane).  
 Ka jingpaw kynsan jong kane ka jingpyrkhat  
 thymn ai ia ka jinglong briew ka pynlong ia  
 u br ew ba u iaroh ia ka jaka la jong ha ka  
 Mariang. U Briew u long tang ka bynta jong  
 ka Mariang, um lah ban khate ia lade na ka pyr-  
 thei bah khlem da ot noh na ka Mariang jong u.

Sngewlyngngoh, ba ia kane ka jingshisha la  
 sngewthuh da ki Khasi naduh hynda: hynthai  
 ha kaba ki iai ban kdup hapoh ka Hok ia  
 u briew bad ka Mariang. Kane lehse ka long  
 ka jingtynnian bakongsan jong nga ha ki lyn-  
 mong baar bad ba lai.

Ki riewstad shaphang ki jingthaw baim  
 (Ecologists mynta ki sngewsih shibun ia kane  
 kaba ngi khot ka juk shai ha kaba u briew  
 u la pynsniewdur bad bam duh ia ki saw-  
 dong sawkun kiba ker ia u. U pom pathar  
 bad thang ia ki d'eng ki siej kiba don ha  
 ki ranab lum bad ki them U ot palat ia  
 ki phlang bad pynjot ia ki pyntba phlang ba  
 bsa ia la ki jingri. U pyniap ia ki shibun  
 na ki mrad khlaw ka ryngkew bad shibun  
 na ki dohkha bad kiwei kiwei ki mrad um.

Ha ka jingshisha, u Khasi mynta kumba  
 nga la kdew ha khmat um da iapher ha ka

jingpynjot jong u ia ka Mariang na kiwei  
 pat ki para jait bynriew. U la bakla ban  
 sngewthuh ialade ba ka jingiaid shaphrang  
 jong ka jingim bashai la ka long mynhyndai  
 ne mynta ka shong eh ha ka jingdon jong  
 kiei kiei ha ka Mariang. Shibun ki law kyn-  
 tang jong ka kur ka jait ka shnong ka thaw,  
 ka it ka hima ki la lyngkhuid lut lait tang  
 sa katto katne kiba darg iai pynsah.





## Lynnong I

### Ka Kolshor bad ka Mariang

Ka jingmut tynrai jong ka "Mariang" la ju khein ba ka long pyrshah ia ka jingmut jong ka "Kolshor." Ka lypung jong ka Kolshor ka long ka pynta ba la pynraw shynna ia ki kam ki jingleh jong u briew kaba long shisha ka jingpynlong ba kyrpang jong u briew, katha ka pynta jong ka Mariang pat, wat la khlem artatien ka iasnoh lang bad ka lymnung jong ka kolshor hyarei dei ban sngewthuh ba ka long pyrshah ia ka kolshor. Ha shuwa ba ngan poi sha ka thong jong kane ka rukom pykhat, ka long kaba donkam ia nga ban tainia shuwa halor kane ka phang jong ka kolshor. Ia kane ka ktien ba la ju pyndonkam la kumno kumno, ka donkam ia nga ban batai shai bha ha kane ka jingthoh jong nga.

Kane ka ktien "Kolshor" ka wan nyngkong nongshap na ka ktien Latin, "Cultura" kaba mut ban lur bad ban thung ban tep ha ka khyndew. Kane ka Ko'shor (ka riti) ba kaba iadei bad ka imlang ka sahleng bad ha ka pyrkhat pyrdaiu la ju ring dur ia ka rukom im rukom long jong ki riw shemphang kumjuh ruh ia kito ki bym pat don ka jingtip jingshemphang. Ha ba shu ong noh da kawei pat, ka ktien kolshor (riti) ka long ka jingsain-

dur ialade da ka ain tipbriew tipblei. Haduh ka spah snem kaba 18th bad 19th la ju sngewthuh ia ka jingmut tynrai jong ka kolshor ha ki saw bynta. Ka Kolshor ka mut :-  
 (1) Ka rukom jinglong ne jingmlen jong ka jingmut jingpyrkhat (mind) kaba iasnoh bad ka jinglong briew ba janai. (2) Ka kyrdan jinglong (state) jong ka jingtip jingshemplang kumno ban long tipbriew tipblei ha ka imlang ka sahlang. (3) Ka metbah jong ki kam kiba ni bad ba bniah (Arts) kaba ia said lang bad ka jingtrei kam ka jabiang bad  
 (4) Ka shikyllum (Whole) jong ka jingim baroh kawei la ha kaba kynja doh ne kynja mynsiem jong ka imlang sahlang.

Kane ka jingnangkiew ba jyrwit jyrwat halor ka jingmut jong ka kolshor ka phalang sha ka jingpyrshang ban pyrkhat ha ki rukom kiba pher shaphang ka imlang sahlang, ka rukom pyntrei kam ia ki buit bapher bapher, ka rukom saindur ka jabiang ha ka ioh ka kot jong u briew ha kane ka juk jong ki jingkylla. Ka dei ka bynta jong ka jingainia pyrshah ia ka jingpyrkhat tang dep rukom, bad kumjuh ruh pyrshah ia kiei kiei kiba la ju long ha ka imlang sahlang, ha kane ka juk jong ka jingnangroi ha ki kam karkhana bad kiwei pat ki jingroi ba stet.

Halor kitei ki jingbatai shaphang ka kolshor lem bad ka jingiadei jong ka bad ki rukom im, ki briew ki la mih bluit ha la ki kynhun kynhun ban batai ia ka jingmut tyn-

tai jong kane ka ktien Kolshor. Ki riew-pyrkhat  
 shaphang kici kiei kiba kysai tam ki kubur  
 ba ka Kolshor ka long kata ka jingia imsngi  
 ia kaba bha tam kaba mut ba ka dei bar  
 long ka "jinemut salonsar" ("Universal idea),  
 Ka jingpvntreikam ia kane ka don ka jing-  
 long tipbriew tipblei bad kaba kynja myn-  
 siem kaba la pynpaw ia ka jingiadei lang  
 ia u paibbur Ka long ba ka kolshor ka dei  
 ka jingpyniadei lang jong ki kam ki kti kiba  
 ni lem bad ki jingtreikam jong ka jabieng.  
 Ki kti bad ki kam ka jabieng bunsien kim  
 lah ban pyniadei dur bad ka jinglong ba ja-  
 nai jong ka bor mynsiem kaba don ka jing-  
 iasroh bad ki rukom batai bad ki dor jong  
 ki pateng ba la leit. Kumta la i donkam ban  
 pynshongdor hapdeng ka kolshor bad ka bor  
 pyrkhat bad ka kolshor jong u paibbur bad  
 kumjuh ruh bad ka rukom pynshong dor ha  
 ka spah snem kaba arphew: Ha kawei pat  
 la liang lada ngi niew ia ka kolshor kum ka  
 jingtreibani bad ki jingtrei jong ka jabieng la  
 long kaba eh ban pdiang ia ka jingpyndonkam  
 ia ki ktien kolshor da ki stad ba dei shaphang  
 u briew bad shaphang ka imlang sahlang na-  
 mar ba ia ka dor jong ka la pynshong lyng-  
 ngeit tang ba ki bor jabieng. Ka nia kaba  
 lai ka ong ba ka long ka bymshongnia bad  
 kaba khun ranab than ban pyniapher ia ka  
 jingmut tynrai jong ka kolshor bad ban iuh-  
 roit ia kiwei pat ki nia. Ka kdew halor ka-  
 wei ka phang ba dei ban peit thuh ia ka im-  
 lang sahlang kaba thymmai baroh kawei, ha

ka rukom pynshongnia kaba thymmai ha ki  
liang bapher bapher.

Katkum u E.B. Taylor ka kolshor ka long  
ka shi kynhun jong ka rukom im u briew  
baroh kawei, u ong kumne "Ka Kolshor ne  
ka lympong longbriew manbriew ha ka jing-  
mut ba iar jong ka ka dei kata ka jingia-  
syrdoh lang jong ka jingtip, ka jiagneit, ka  
art, ka ain, ki riti dustur bad kino kino ki  
rukom jingleh bad jingmlien jong u briew  
kum u dkhot jong ka imlang sahlang." U  
Taylor u shiin ba ka kolshor bad ka lym-  
pong longbriew manbriew ki ia long kumjuh.  
Kane ka jingbatai ka khun ranab sha ka jing-  
im u briew bad kam shym pyniapher ha-  
pdeng ka seng bhalang bad ka seng ai kol-  
shor. Kane ka mut ba ka kolshor ka kyn-  
thup ia baroh ki kam pynroi ia ka imlang  
sahlang ka longbriew manbriew, ki rukom  
pateng la pateng, ki niam ki rukom bad ki  
wei kiwei kiba jadei bad ki rukom im. Lane  
ha kiwei pat ki kyntien, ka kolshor ka long  
ka jingim na ka hi jong kano kano ka im  
lang sahlang ne ka kynhun jaitbriew.

Kat kum u Alfred Weber, ka kolshor  
bad ka jingroi ka longbriew manbriew kim  
long kaju kumba pyrkhat u Taylor. Kat kum  
une u nongthoh ka jingroi ka longbriew man-  
briew (Civilization) ka dei ka jingmih jong ka  
Science bad ka Technology, ka long salonsar  
kaba ialumlang nyngkong eh bad ka mariangban  
ha ka jingiadei bad u briew. Hynrei ka kolshor

pat ka long ka jingpynshongnia kaba pynpha-  
lang ia ki jingmut bad ia ki jingkordor ha  
ka philosophy, ka niam bad ka art ne ki  
jingthmu ha ka jingim tad ka imlang sah-  
lang. Kane ka nia ka slim ia ka jingmut  
kolshor na ka shang jong ka philosophy (ka  
jiangstad da kaba pynshongnia) na ki jingleh  
niam leh rukom, bad ki jingleh jingkam jong  
ka art kiba long ki sakhi satar jong ka long-  
briew manbriew.

U R.M Maciver u kam ba ka kolshor  
ka iadei bad ka thong ne jingkwah jong u  
briew, katba ka jingroi jong ka longbriew  
manbriew pat ka iadei bad ki kam ki jam.  
U batai ruh ba ka jingbit ha ka treikam  
treijam ka kvrsoi na ka thymnei ka pyrkhut  
pyrdam shaphang ka kolshor. Kumta ka Kol-  
shor ka kynthup ia ki skit ki sker jong ka  
jingim u briew bad ka dei ka thong jong ka  
jingthmu jong ka jingim u briew. Kat kum  
ka nia u Karl Marx, ka kolshor ka kynthup  
eh ia ka jingim bad jingroi ba kynja doh bad  
kam lah ban shu snoh tang ha ka jingpyn-  
shongdor tang ha ka bor pyrkhut. Katto katne  
pat ki iai ban ba ka kolshor ka long ka shi  
lynglun jong ki jnit ki jnat baroh khoit. Wat  
la ki len ia ka tynrai jong ki bor pynroi ia  
ka ioh ka kot kiba don hapoh jongka. Ki  
bynta ka ioh ka kot bad ba kynja doh ki  
la kynthup ruh ia kito ki bor pynroi ia ka  
imlang sahlung kaba ong kawei ka shi lyng-  
lun jong ki jnit ki jnat ka jingim.

Kat kum u Bronislaw Malinowski, ka Kolshor ka long ka jingiatylli lang ba biang ba bit, ba ryntuh bad ba iai trei kam bha, kaba ngi dei ban pyniabynta ha ki bynta trei-kam ba ia pher, ha ka jingiadei uwei .bad uwei pat, ha ka jingiadei bad ka jingthmu bad jingkwah u briew, bad ruh ha ka jingiadei bad ki sawdong sawkun jong ka jingim la ki jong ka mariang ne jingthaw stad u briew. Kat kum ka nia jong une u briew ka Kolshor ka long ka nongxynti hiar pateng jong u briew, kaba kynthup ia ki sap ki phong ba hiar pateng, ki mar ki mata, ki buit shna jingshna, ki jingmlien ba kynsa bad kiei kiei kiba kordor. U kubur ba ka Kolshor ka long ka jingshisha ba tang maka hi bad ka long ka methah jong ka jingthaw dur jong u briew bad jong ka imlang sahlang. Ki briew ki donkam ia ka bam ka dib, ki jingpynroi parum pareh ka jaka shong jaka sah, ki pynlong ia la ki jingmlien, ki riti ki dustur, ki pynlong ia ka iing ka sem, ka jait ka kynja, ki pyn-donkam ia ka ktien ka thylliej kum ka lad ban ia sngewthuh parabriew; ki don la ka jingpynshongnia shaphang ka jingpynmih ia ki mar ki mata, ka jingshalan bad ka jingpyn-donkam ia ki.

Halor kitei ki jingbatai haneng, ar kynhun ki stad pyrkhat shaphang ka kolshor ki mih madan ha America ha ka jingbatai jong ki shaphang u briew bad shaphang ka imlang sahlang: kawei ka kynhun pyrkhat ka ong ba ka kolshor ka long ka sap ka phong joug

ka imlang sahlang, bad ki don kiwei pat ki  
ba ong ba ka long ka jingpynlong jong ka  
imlang ka sahlang.

Katkum u A.L. Kreober bad u Clyde Kluc-  
khohn. ka kolshor ka doq la ki jong ki sap  
ki phong.

“Ka Kolshor ka kynthup ia ki sap ki  
phong kiba raw bad kiba rich na ka bynta  
ka jinglong ba la pynlong bad ba la pyn-  
phriang da ki dak ba paw, kiba kynthup ia ki  
kambah bapaw jong ki kynthun briew bad kiba  
kynthup ia ki dak ki shin jong ki. Ka tyllong  
ba kongsan jong ka kolshor ka kynthup ia  
ki jingtip ba hiar pateng (kane ka mut ha kito  
kiba shu shim na ki history) bad khamtam  
ch ia ki jingkordor kiba iadei bad ki; ka  
dur ka dar jong ka kolshor ha kawei pat ka  
hang, lah ban ong ba ka long kaba mih na  
ki kam ne ki jingleh, ha kawei pat ka liang  
ka long kum ka bor kaba lah ban pynjia  
long ia ki jingleh jingkam ki ban dangwan.”

“Ka kolshor kam dei ka jinglong lane  
ka jingbisha sani ia ka jinglong, ha ka dur  
kaba janai bad ba paw shynna. Ka bynta jong  
ka kolshor ka kynthup ia ki kyndon bad ia  
ki jingthew jingwoh ia ka jinglong. Kawei pat  
ka bynta ka kynthup ia ki rukom pynshong-  
nia ia ki katto katne ki jait jinglong ba  
kongsan. Khatduh iawai, kawei pa kawei ka  
kolshor ka kynthup ia ki rongrim ba salon-  
sar jong ki jing ied bad jingpynbeit ryntih. “Ka

jingpynlong ba hakhlieh tam eh" halor ki daw ba ki sap ki rhong jong ka bad na ka bynta jong ka jinglong ha ki jaka bad ki riti ki dustur ba iapher jong ka ro'shor la shu pynkut nia roh tang shiteng shihang." 2

Kat kum kane ka jingainia, ka kolshor ka don la ki dur ki d r ha ki imlang sahlang bad ki jingleh jingkam. Ka kolshor kam shym mut tang ka lon briew manbriew hyurei ka dei ka thup jong ki rukom im baroh. Kat kum u Kreober bad u Klukhohn, ka sap ka phong ba salonsr jong ka history u briew ym pat shyn la lap thikne hyareilah ban lap suki suki lyngba ka jingwad bad ka jingbisha bniah lyngba ki history naduh li por barim bajah lyngba ki dak ki shin kiba paw ha kito ki riwhyndai. Kane ka nia ka kubur ha ka kolshor ka mih na ki briew bad na ki kynhun briew ha ki ia kynduh para maki bad kumjuh ruh bad kiei kiet kiba ker sawdong ia ki bad liba iadei ia ki rukom im bad rukom pyrkhat pyrlain. Ka kolshor ka long ka jingpyniathap tar lang u khun bynbriew lem bad ki sawdong sawkun ha ki sla pyrthei.

U. Radcliffe u batai ba ka kolshor ka dei ka jingpynlong jong ka imlang sahlang. U batai ba ka jingpynlong ia ka imlang sahlang ka long ka jingiathain lang jong ka jingiadei parabriew kaba kynthup ia ki kynhun jaitbriew bad ki rukom jinglong ba iapher ha la ki rukom rukom. Kat kum



ka nia jong u, ka jingstad ha 'hatei shap-  
 phang ki dur ki dar bad ki jingsdang jong  
 kiei kiei ka iadei shaphang ka jingbishar  
 bniah bad ka jingpyniabynta ia ki rukom ha  
 pher jong ka jingpynlong ia ka imlang sah-  
 lang bad ka metbah jong ka imlang sahlang.  
 Ban pynsbisha ia kane ka Hypothesis (ka  
 jingshvantad), ki dur ha raw jong ka imlang  
sahlang, kum ka jinglong tipbriew tipblei, ka  
ain, ka akor, ka niam, ka synshar ka khad-  
dar, ka ioh ka kot, ka jingnang jingstad, ka  
kten ka thylliej ki bym da dei eh ban da  
 bishar syrtap ha la ka jong ka phang hyn-  
 rei ban da bishar heit ia ka jingiadei jong  
 ki tad ka jingthaw dur jong ka society ia  
 ki briew. Katto katne ki stad shaphang ka  
 'ong briew manbriew ki pyndonkam ia ka  
 kten jingpynlong ia ka imlang sahlang bad  
 ka don ka jingiadei tang bad ka kynthun  
 jaitbriew kum ka kynthun jaitbriew bad ki jait  
 ki khong kiba bat ia la ki niam ki rukom  
 bad ki riti ki dustur, wat ia ki ia den ki  
 ngkylia ha ki jinglong ukhot jong ki. Hyn-  
 rei ka jingpynlong baroh kawei jong ka im-  
 lang sahlang ka kynthup ia baroh ki jait  
 jingiadei para briew bad para marjan marpa.  
 Kata ka nut ha ka jingiadei deh dei snam  
 ka kynthup ia ki jingiadei haddeng u kpa  
 bad u khun lane haddeng u kni tad u pyr-  
 sa. Kumta ka jingstad shaphang ka jingpyn-  
 long ia ka imlang sahlang ka kynthup ia ki  
 dur ki dar jong ka society kum ki dor iong  
 ka jinglong tipbriew tipblei, ki niam ki rukom

ki ain ki kanun jong ki bor pyniaid ba ha-  
khlieh bad ki bor kiba kyrshan ia ka pule  
ka puthi, kiba long ki bynta jong ka bor  
ba ia syrdoth lang ha kaba ia ka jingpynlong  
ia ka imlang sahl lang ka im bad ka iatrei kam.

Kumta ka kolshor ka don la ka jing-  
pynlong kumba, kano kano la jingtei ka don  
la ka jong ka jingkyrshan jong ka. Ki bynta  
jong ka jingpynlong ia ka imlang sahl ng  
dei ki briew, ka jingiaibteng jong ka imlang  
sahlang ka shong lynggeit ha ka bor la  
pynlong ia ka jingiaibteng, kum ban shu  
ai nuksa ka jaitbynriew, ka kynhun jait-  
briew, ka skulbah, ka Balang, ki lah ban  
iaineh bad iaisah kum u kynjri ba tehsong  
ia ki briew wat lada iapher ki dkhoh lane  
ki kylla katba nangiaid ki por. Te kumta  
ha ka imlang sahl lang don ki ain ki kanun  
kiba la buh beit buh ryntih kiba u khun  
bynriew u dei ban bud. Ka jingpynlong jong  
ka imlang sahl lang ka long ka jingbuh beit  
ia ki briew ba la synshar da ki bor pyniaid  
kum ka jingiadei hapteng u Syem bad ki  
khun ki hajar jong u, lane ka jingiadei hapteng  
u tnga bad ka tnga bad kumta ter ter.

Kat kum ka jingpakhang na kitei ki jing-  
batai haneng, ka la shai kdar ba don ki  
soh kyrdot ha ka rukom pynshong nia ia ka  
kolshor haduh ba ia ka kolshor lah ban pyr-  
khat ba ka long ka jingmaian bad kumjuh  
ruh ka jingshisha. Kumta ngi lah ban jer  
kyrteng ia ki jait kolshor kum kine: ka kol-

shor ba kyrja doh, ka kolshor ba ia dei bad ka imlang sahlang, ka kolshor jong ka jingmut jingpyrkhat, ka kolshor ba kynja mynsiem, ka kolshor jingtip, ka kolshor jinglong jingim, katto katne ki kolshor kiba shu paw tang ki dak bad kiwei kiwei. Ka kolshor, namarkata, kumba ka paw hangne ka phalang sha ki skit ki sker bad ki jnit ki jnat jong ka jingim lem bad ka thymmei jingpyrkhat ne rukom jinggeit. Napdeng ki jingpynphalang ia kitei ki nia kiba pher bapher bad ki jingbatai shaphang ka kolshor a kumno kumno, don ka jingiamynjur lang hapdeng ki lai tylli ki met ba kongsan kiba pynlong ia ka kolshor Kita ki long kaba kynja jingmut jingpyrkhat, kaba pynpaw ha ki jingleh jingkam bad ba kynja jingtbit ban shna ia ki tiar ki tar. La kumno kumno don hi ki jingiapher ha ka jingiapynshongnia a ki. Ki stad shaphang ka longbyrriew buh byrriew jong ka America, ki khunranab ia ka jingmut jongka sha kaba sdang jong ka jingpynlong, ki dak ki shin kiba paw ki don ki jingmut lem bad ki dur ki dar ba paw kiba don la ki jingmut, kum ki bor ba saindur ia ka rukom im rukom long u khuntynriew. Mar pyrshah ia ki jingbatai jong kito kiba pynshongria ia ka kolshor halor ki rukom im rukom long. U Leslie White pat de u khunranap sha ka jingstad ban thaw ia ki tiar ki tar ha ka jingpharia ia ka jingbatai shaphang ka kolshor bad ka jingroi jong ka. U pynshai ba ka jingtbit ban shna ia ki tiar

ki tar ka don ka bor ban kyrshan ia ka jingim.

U Marvin Harris u iahap jingmut bad ka rukom pynshongnia ba kynja doh ha ka jingbatai ba ka kolshor ka mih na ki jingdonkam ba kynja doh. Kat kum ka nia jong u, u ong ba ka bor ba pynlong ia ka kolshor ka donkam ia ka jingiatreilang jong ki lai tylll ki bor ba paw: kita ki long, ka jingtbit ban shna ia ki tiar ki tar, ka ioh ka kot, bad ki sawdong sawkun. Kumba la baitai na ki jingleh kiba paw, kare ka jinghi-kai jong ka bor jingpynmih bad jingpynroi, kumba la ong da u Harris, ka kam ba ki juh ki rukom kiba treikam ha ki sawdong sawkun jong ka mariang lah ruh ban pyniadei bad ki sawdong sawkun jong ki jing-iabynta ia ka imlang sahlang kiba ia ia id ryngkat bad ki jingpynshongdor bad ki jingngeit. Na ka bynta jong kito kiba snoh ha ka bor jabieng, mar khongpong ia ka rukom im, ka jingpyndonkam ia ka kolshor da ka jingiatreilang, ka lait neh na ka kolshor ba kynja doh.

U Linton u ong ba don ka jingshishe ha ka kolshor ba da ka jingiatreilang bad ka kolshor ba kynja met pat ka sah hi kum ka bynta jong ki sawdong sawkun ba kynja met.

Ki riewstad shaphang u briew ha kane la juk ki pyrshang ban ring nia ba ka kolshor ka kynthup lut ia baroh, kynthup lang ia ka akor ka burom, ka ioh ka kot bad ki

rukomp pyrkhath pyrdain. U Osgood kum ka nuksa, u batai ba ka kolshor ka mut ki jingpuson ba la pynioh da u stad pyrkhath shaphang u briew, nyngkong eh shaphang kiei kiei k'ba shabar kiba paw ha ki kam jong u briew (Kolshor ba kynia doh); kaba ar, shaphang ka imlang sahlang jong ki briew hi (ka kolshor ba dei ia ka imlang sahlang); bad kaba lai pat, shaphang ka jingpuson jingpyrkhath ba la iarp da ki jngiatreilang jong ki katto katne ki riwestad (Ka kolshor jabieng.)

Ki riwestad shaphang ka imlang sahlang ki pyrkhath shaphang ki kolshor ba iapher kiba phalang na ki brew ba iapher bad na ki jaka ba ia pher. Kawei pa kawei na kine ki jaka ba iapher ki pynpaw tyngkrein ia ki riti ki dustur jong kito ki briew kiba im ha kito ki jaka. U Herokovites u ong ba ki briew ba ia shong marjan ki kham ioh ka lad ban ia shim kyllang na kiwei pat ia ka rukom im jong ki briew ban ia ki o kiba iashong jngai. Dei na kane ka daw ba haba shu peit pyrman ia ki kolshor i kumba ki ia dait lang syrtap syrtap da kaba iakhleh lang ha kato ka rukom ba ngi lah ban buh dak ha ka map. Te ka jaka ha kaba lah ban shem ia ka kolshor ba ia syriem lah ban ong ba ka dei ka lypung kolshor

Ka Mariang, ha ka jingmut ba iar jong ka, ka lah ban mut ia kiei kiei baroh ha ka pyrthei, kynthup lang ia kiba lah ban iohi bad shem ha ka haw haw. Ka Mariang (nature)

ka kynthap lut ia baroh ki phngit ne tynrai  
jingpynlong jong kiei kiei baroh bad ka mut  
ruh ia ki lum ki wah, ki dieng bad kiwei  
kiwei. Ngi lah ban thwet ia ki daw tynra  
kiba iadei bad ka kolshor bad ngi lah ban  
kylli: kiei kiba ia pyrshah ia ka mariang ne  
kiba shu long hi)? ka jubab kaba best ka  
long ba ka mariang ka ia pyrshah ia kiei  
kiei kiba shu thaw nang thaw stad da u  
khun bynriew (artificial). Ka mariang ka lah ban  
thew tang ia ki kynja ba long met, kum ki  
lum ki wah, ki maw ki dieng, ki phlang ki  
kynbat, ki syntiew ki skud bad kiwei kwei.  
Katba kito pat kiba la shu thaw nang thaw  
stad ka mut ia kito kiba la pynialong na ki  
daw kiba shabar, kata ka mut, ki shap ki phong  
jong ka rukom jinglong ba pher. Kata kaba  
shu long hi (natural) ka long ka bym pat  
biang bad ka long tang kum kaba la shu pyn-  
khreh bad ka donkam ban dang pynbiang bad  
pynjanai da ka jingthawnang thaw stad da  
kiwei pat. Ka Mariang ka long kum ka kynja  
jingthaw ba im ha kaba don lang ka jingim  
bad ka bor jingshemphang, katto katne ki  
ong ba ka mariang ka long tang ka machine  
(ka kor) ba la pyniaid da ka bor jingstad ba  
kynja blei. Kawei pat ka nia ka ong ba ka  
mariang kam long kata kaba lah ban sam  
lyngba da ki bor jabieng lane kam dei ruh  
ka machine ha ka kti u nongpyniaid machine  
(Machanic), hyndrei ka jingbuh ryntik jong ka  
por ha kaba ia ki jingnangroi jong ka lah ban  
tip lyngba ka jingkylla na ka por sha ka por.  
Ka mariang (nature) ka long ka jingshong syr-

tap lang jong kiei kiei baroh kiba lah ban shem  
ha ka pyrthei mariang (Universe) baroh kawei.

Ha ki katto katne ki khep u briew u ia  
pyrshah bad ka mariang, bad ba ki katto katne  
pat ki khep lah ban ong u long shi bynta  
na ka mariang. Ka jingiapher kam long tang  
ha ki rukom jingiapher ki ktien. Ban ong ba  
u briew u ia pyrshah ia ka mariang ka mut  
han ia ban ia ka jinglong bapher jong u kum  
ka bor pynshongnia (rationality), ka bor thaw  
ne saindur (Creativity) bad ka jinglailuid,  
katba ka mariang pat ka duna ia kine ki jing-  
long Ban niew ba u briew u long shi bynta  
na ka marang ka iai ban ia ka jingiaibteng  
jong ka jinglong briew, ka jinglong mrad bad  
kiwei ki jingthaw ba long met bad ka thew  
ia ka rukom im u briew kaba lah ban pule  
ne bishar buiah kumba leh ha kiwei pat ki  
toad jong ka mariang.

Don sa kawei shuh shuh ka phang ba  
lada ka mariang ka kynthup ia u briew, te  
kan sa long ia pyrshah bad ka bor ba maian.  
Kane ka phang jong ka bor ba maian ka wan  
mih na kita kiba ki ong ki jingjia ba maian  
(miraculous events), kiba ki bor jong ka ma-  
riang kim lah ban pyumih ne pynjia long.  
Kam long kaba eh ban pyniapher hapdeng  
ka mariang bad ka bor ba maian (super nature)  
Ka jingiapher ba kongsan eh ka shong ha-  
pdeng ki bor jinglah jong ka mariang bad ki  
bor ba sha lyndet jong ka. Ka jingtip jong-  
ngi ia ki bor bad ki ain jong ka mariang

la shim na ka jingshem jingmad jongngi ia ki jingjia. Kaei kaba ngi bishar kaba lah ban long, ka shong ha ka jingpynshongnia jongngi ia kaei kaba jia bad kaba la jia. Ngim lah ban pyniakhle khaw lang bad kito kiba ngi shem ba ki long li jingjia ba maian, k ba ngi shem jingeh ban mad ne sngewthuh. Ban iaid lait noh na ki jingjia kiba ngim tip ka mut ba ngi la tip lypa kiba kumno ki bor jong ka mariang, ba don ka nongrim ha shuwa ka jingshem jongngi ba nei lah ban batai ia ki jingit bniah jongngi. Hynrei ban nym iaid-lait pat ia ki ruh ka pyniakynduh mawsiang ia ngi ban niew ia ki ba hadien kum ki jingjia ba maian shabar na ki ain mariang.

Da shisha kam long kaba shongnia ban ringnia ia ka jingong, "la kane ka jingjia ym lah ban batai katkum ka jingtip na ka ain ka mariang" sha ka jingong, "Kane ka jingjia ka mih na ka bor ba maian." U stad saian um lah ban dawa ba u lah ban batai lut ia ki jait jingjia baroh khoit. Ha ka jingshisha u dei ban pynbiang shuh ialade da kaba bsut shuh shuh ha ka jirgtip jong u ia kine kiei kiei. Namarkata ym shym la pynbor ia ngi ban pynkut nia ba ka jingjia ka don ki tyllong ne kynja bor ba maian halor ki nongrim ba kan long kaba lah ban batai ne ba ki long kiba khyllah kiba ym lah ban batai da ka jingstad saian kat kum kane ka juk. Da shisha ka long lyngba ka jingiarap jong ki katto katne ki jait jingngeit shaphang



u Blei ba u briew u lah ban batai ia kano kano ka jingjia ba maian.

Wat la, la kdew haneng ba U Blei u long shabar na ka mariang kane ka lah ban dei tang lada u Blei u long uba palat ham ban ia baroh bad um dei ban long hapoh jongno jongno. Kat kum ka jingbikai ba U Blei u kynthup ia baroh kiei kiei kane ka jingpyn-iapher ia U Blei na ka mariang, ka dei tang ka rukom pynshongnia ia ka juh ka jingshisha.

Ka phang halor kane ka jingtainia ia ka mariang ka shong ha ka jubab ia kane ka jingkylli. Hato ia ki dor ba shisha (values) lah ban loh na ki jingbatai ia ka mariang? Ka Philosophy shaphang kaba bha bad kaba sniew (Moral philosophy) ka la thir ksai bha halor ka phang la ki jingiashah sha ka mariang ki don ki dor ia kaba bha kaba sniew ne ia ka jingthit (artistic) ba thaw stad. Ki nia pat na ki stad pyrkhath ia ka akor long briew man briew kat kum ka mariang ki pynmih ia ki jubab bapher bapher. Ha kawei pat ka liang ka mariang ka paw kum ka jingthain sohkyrdot, ka lypung ha kaba ym dei tang shisurjeng ka bor pyrthei, hynrei ki bor kiba laiphew jait, bad lada kine ki bor ki pynmih ia ka bor jabieng (mind) ym shym la ialam da ka bor jingshemphang, kumta don tang khyndiat ch kaba dei kaba la ring nia na ka mariang sha ka 'jingtha' lane ka kamram ba dei ban leh. Ha kawei pat ka liang, hata ia ka mariang la niew ba

la pynlong da ka kynja bor blei ba bha tam, ba stad bad ba donbor baroh, ban long kaba kynja mariang ka dei ka bynta ba hakhmat eh, kaba la dei hok shisha ban da pynlong da kumta kata ka bor blei.

Don artylli ki nia kiba kham pawkhmat ha ka jingiadei u briew bad ka mariang. Ka wei ka nia ka niew ba ka mariang ka kynthup lang ia u briew ruh, kawei pat ka nia ka ban ba u briew um don bynta ha ka mariang. U Aristotle (384-322 B.C.) u pyrkhath ba ka mariang ka dei ka kynja metbah ha kaba u briew ruh u kynthup lang "Ka mariang kam shym leh thurmur lymne kam ju leh kai." Kat kum u Confercius 661-479 B.C.) ka ain tip briew tipblei bad ki ain mariang ki dei kiba ia trei lang ha kajuh ka rukom. Kiwei pat ki stad pyrkhath jong ka mariang kum u Lao-Tzu & u Epictetus, ki pyrkhath ba ka mariang ka ialang lok bad u briew bad kumta ki ai jingmut ba u briew uba stad u dei ban pyniadei bad ka mariang U Galileo (1564-1642) u khein ba ka mariang ka long ka bor ba iaid beit kumto khlem don jingiadei badno badno lait noh ba don ha ka ka jingbun bad jingkhia lem bad ka jingkhiah. Nangta shuh shuh kat kum u Rene Descartes (1596-1650), u ong ba ka mariang bad ka jingsngewthuh briew kim iadei, ka bor pyrkhath briew (mind) ka iapher na ka mariang. Ka mariang ka long ka jingbuh ryntih (system) bym don jingim ha kaba u briew um don bynta eiei ruh em. Hynrei u Spinoza

u ong ba u briew u iasoh lang bad ka marang.

Kat kum ki stad pyrkhath barim bajah, ka pyrthei ka long ka tiar ia'ehkai jong ki blei thala bad ka jingkwahbrai ba laiphew-jait jong ki kat kum ki jingsngewthuh jong ki hi. Ka pyrthei kaa lah ban ia sngewthuh lang ka long kato ka pyrthei ha kaba kiei kiei baroh ki jia long kat kum ka ain. U Heraditus u ong:

"Kane ka pyrthei kam shym dei kaba la thaw na ki blei ne na u khunbynriew; hynrei ka la long, ka dang long bad kan dang-iailong kum ka ding ba iaineh junom la junom. Baroh kiei viei ki ieng na ka bynta ka ding bad ka ding na ka bynta ia baroh, kumba ki mar ki mata ki mih bujli ia ka ksjar bad ka ksjar ka mih bujli ia ki mar ki mata." 3

Katto katne ki ong kumba ong u J.S. Mill, ba ka jingtreikam jong ka mariang ka long hi kumjuh (Uniform). U Francis Baion u ai jingmut ba ka long ka jingkhyllew jong ka saian ba ka lah ban bishar bad iit bnian ia ka mariang da kaba suk, khlem da peit kynriang ne khlem da ka jingmutdur lypa.

U Aristotle u kubur ba ka mariang ka kynthup ia baroh kawei ka Universe (Ka pyrthei bad baroh ka haw haw) kaba long ka jingbuh ryntih ia kiei kiei kiba iaikyalla; ki dieng ki siej, ki briew bad ki planet, ba ka-

wei pa kawei na ki jingthaw kin shakri ia la ki jingthmu bad ki jingkut jong ki jingthmu (ends) lem bad ki jingtrei jong ka mariang baroh kaba shah pynshongdor ha ka jin stad jong u briew. Ki jingstad bad jingtbrit jong u briew ki shu pynwandur ia kaei kaba ka mariang ka thmu ban pyndep. Ban sngewthuh ia kaei kaei dei ban tip ia ka rukom juiatreikam jong ka. U Aristotle u pynieng ia ka (theory) jingbatai jong ka daw jingpynlong (causation). Don saw tylli ki daw jingpynlong (causes) kat kum ma u (1) ka jingpynjialong ba khatduh haba u leh ia kano kano ; ba la khot ka daw kaba khatduh. (2) ka daw tynrai (material cause) ba kaba la mih kiei kiei. (3) ka daw kaba ju long (formal cause) kaba long ka dur ba kaba la shua dur ia ka jingpynlong bad (4) ka daw ba pura. (efficient cause) kaba ha pyrjia long ba ka daw tynrai ka lah ban pynlongkam. U briew u long u jingthaw ba ha khlieh eh jong ka Meiramew namar ba u lah ban sngewthuh ia ka jingtrei jong ka mariang. Ki briew bad ka mariang ki dei ha kajuh ka jingbuh ryntih ba lah ban sngewthuh. Ka meiramew kam ju lehnobei lymne kam ju leh thurmur. Kumta ia kiei kiei baroh la pynlong da kano re kano ka daw lane ha kiwei pat ki ktien kano kano ka jingmih ka don jingiadei bad kano re kano ka daw, kum ka nuksa, u khiew khyndew u don jingiadei bad u nongthawkhiew. Ka mariang ka long kum kawei ka thup jong ki daw jingpynlong ia kaei re kaei. Kumta lah ban ong ba ka trei ia la ka kam kat kum ka jingdonkam

ba kongsan tam. Ka long ka jingtreikam da ka jingshemphang ban pyndep ia la ka jingthmu. mynta kane ka jingtreikam da ka jingshemphang ka long na ka bynta kano re kano kaba kut jong ka jingthmu (end); namarkata, ka jing'long jong kiei kiei baroh ki long ha kajuh ka rukom. Kum ben shu ai nuksa, lada ka iing ka long kata kaba la thaw pynlong da ka mariang, yn jin da la pynlong ia ka ha kajuh ka rukom kumba ka long mynta da ka buit bad lada ia kiei kiei ba ia thaw da ka mariang la pynlong ruh da ka buit, kin long kumba kumba leh da ka mariang. 'Namarkata, kine baroh ar ki long ki jingthaw jong u biew lane ki jingthaw jong ka mariang ki thew ia kajuh ka jingthmu. Kat kum u Aristotle, kam long kaba shongnia ban shu tharai ba ka jingthmu kam don ba ka mariang namar ng'm shym bishar bnjah ia kiei kiei.

Kat kum u Confucious, ka ain tipbriew tipblei ka ia iaaid ryngkat bad ki ain jong ka mariang. Kat kum ra u, ia ka ain tip briew tipblei lah ban shem hangno hangno ruh. Kane ka ain tipbriew tipblei ka don lut wat ha ki bneug shajrong ne ha ki um duraw shapoh. Ka jinghikai jong u ka noh tarajur beit beit sha ka jinglong briew bad ka imlang sahlang ym sha ki ain khyllah ne sha ki ain ba kynja blei. Don katto katne ki nongbud jong u Confucius kiba ong ba ka meiramew ka long kaba la pyniaid da ka jingbuh beit buh ryntih. kaba iai iatreilang da kiwei pat ki bynta ba iadei lang. Ha ki ka

long kaba lah ia u briew ban wad ia kine ki jingshisha ba la buhrieh bad ban pynlut ia la ka por ha kata kaba ki khot ka jingthwet bniah (systematic study) ia baroh kiei kiei. U riewdon burom u long uta uba ai ia la ka bhah ha kaba lumlang ia ka jingtip ha ka thup treikam jong u.

Ka phang pdeng jong u Confucious ka long ka jingit bniah ialade (self cultivation) kaba ialam sha ka jingshemphang ialade bad ruh sha ka jingiaidbeit bad ka jingiatylli ha ka pyrtnei. Ka don ka jingiatreilang hapdeng ka jingshemphang ialade lem bad ka meimariang baroh kawei. Kane ka phang ka jadei eh bad ka jingkhos sha ka jinglong nongialam ha ka liang ka sain hima sima bad ka riti ka dustur jong u briew kum u jingthaw ba halor baroh. Kat kum u Confucius, ia ki briew dei ban hikai namar ka long kaba eh ia ki ban ioh ia kane ka jingmlen ban iaimti ban ithuh ne shemphang ialade. Ka long kaba shai ba tang kito ki heh ki hain ki lah ban leh ia kiei kiei kiba khraw ban pyniaidbeit ia ka imlang sahleng. U Confucious uong ba u briew ba ha ha khlieh eh u iaimti ialade khwang ban pynioh ka jingsngewtynnad ia ki briew. U briew uba ha khlieh u dei ban kot shaduh ka jingithuh ialade tang ha ka jingshakri paitbah. Ka jingim jong u riew tip briew tipblei lane u briew uba ha khlieh ka long ka jingieng sakhi ia ka jinglong tipbriew tipblei, katba ka jingim jong u riewpaitbah ka long markhongpong bad ka jinglong tip-

briew tipblei salonsar. Ha kiwei pat ki kyn-tien, ia ka imlang sahlang lah ban pyniatylli bad ban buhbeit buhryntih tang haba ki briew ki lah ban kot shaduh kata ka kyrdan ban ithuh ialade ha ka kam shakri paidbah. Ban wanrah ia ka imlang sahlang kaba beit ba ryntih baroh kawei, ngi donkam ia ka jingbtin lynti jong u briew uba ha khlieh lyngba ka nuksa tipbriew tipblei bad ka jingnang jingtip.

U Blei u thaw ia ki jingthaw ba im kat kum ki jinglong jong ki. Kumta ia u dieng uba dap da ka jingim u nang pynheh pynsan shuh shuh, katba ia uto pat uba la jan kyl-lon u khet noh syndon. U ong ba ka jingai ia ki jingknia jingkhriam ia ka bneng ka khyndew ka mut ka jingshakri ia u Blei. Ha u Confucius tang kito kiba don ka jinglong ba janai ha kane ka pyrthei ki lah ban pynurlong ia la ka jingkwah ha ka pyrthei ; tang kito kiba lah ban pyntreikam ia la ka jingthmu ki lah ban pynurlong ia ka jingthmu kiwei pat, tang kito kiba lah ban pyntreikam ia ka jingthmu jong kiwei ki lah ban pyntreikam ia ka jinglong jong kiei kiei, tang kito kiba lah ban pyntreikam ia ka jinglong jong kiei kiei ki lah ban long ka jingiarap ia ka Meiramew (Mother Nature) ha kaba pynsan bad kyrshan ia ka jingim; tang kito kiba lah ban iarap ia ka Meiramew ha kaba pynsan bad kyrshan ia ka jingim ki long kiba iadei dor ha ka bneng bad ka pyrthei. Hangoe ngi iohi ba don ka jingiadei ba jan hapdeng ka jinglongbriew bad ka Meiramew

baroh kawei. Ha kane ka rukom u khun hyn-  
 riw u iarap ia ka Meiramew ban pynman  
 bad kyrshon ia ki jingthaw baim ha ka py-  
 thei kaba long markhongpong ia ka jingthom-  
 bor bad jingpynjot ia kiei kiei kiba don ha  
 ka pyrthei. Ngi lah ba iarap ia ka Meiramew  
 tang lada ngi la kot sha kata ka long rymeng  
 ban ithuh jalade.

/ U Confucius u ong, ha ka jingshisha ka  
 long kaba sdang bad kab kut jong ka jing-  
 im ha ka pyrthei. Ka jingshisha kam long tang  
 ha ka jingdapbiang jong ka jingim jong ngi  
 shimet, hynrei ka long kata kaba kiei kiei  
 sawdong jong ngi ki im bad ki roi lang. Hyn-  
 rei ka jingiapher ka long ha ka jingdapbiang  
 jong ka jingim jong ngi ka thew ia ka jing-  
 long tipbok tipsot, katba ka jingdapbiang jong  
 kiei kiei sawdong jong ngi ka dei tang ka bor  
 sngewthuh (intellect). Ka jingshisha ha kane  
 ka rukom ka long ha kaba shapoh bad sha-  
 bar kumjuh. Ha u, ka jingshisha ba ha khlieh  
 duh kam ju duh shuh, ka long kaba bymjukut  
 bad kaba iainch bad iaileng hi, ka jingshisha  
 ka long ruh ka bym lah ban thew kaba pa-  
 lat liam ha ka bor sngewtnuh; bad ka long  
 kum ka jingiar bad jingjylliew jong ka pyrthei  
 kat ka jingshemphang ba palit liam jong ka  
 bner gshajrong. Ka jinglong jong 'a jingshisha  
 ba ha khlieh duh ka long ban pynpaw ia lade  
 khlem da lah ban iohi bau pynmih ia ka jing-  
 jia khlem da don ka jingiakhieh bad ban pyu-  
 urlong ia la ka jingthmu jongka khlem ka  
 jingpyepaw ha ka jingleh.



Ka mariang ka bud ia la ka ain khlem bakla bad ha la ka lynti jingtreikam, ka pynmih laiphewjait kiei kiei kiba ym lah ban thew. Ki briew kim lah ban peiphang ia ki kyrnit kyrnat jong ki jingjia ha kane ka mariang.

### U Confucius u ong :-

“Ka mariang ka long kaba iar, kaba jrong, kaba shemphang, ka bym lah ban thew bad ka bym kut shuh. Ka breng kaba ngi iohi ka dei tang ka pyntha ba shai bad ba phyrnai, hyrrei ha ka jingjlan bynlah ban thew jong ka, ka srgi. u bnai, ki khlur bad ki met breng la shu sdien ha ka, bad baroh kiei kiei la kynthup lang hapoh jong ka. Ka pyrthei kaba ngi iohi ka dei tang kum shiliham ka khyndew hynrei ha baroh ka jingiar bad jingjyllew jong ka ka kyrshan ia ki lumbah khlem da jelsrgew ia ka jingkhia jong ki; ki duraw bad ki wah ki la lymbub ia ka khien da pynlong ia ka ba kan poi. Ki lun la rgi iohi ki long tang ka khyndew bad ki khlaw kltap ki san ha ki, ki mrad bad ki sm kldch ki ia im; bad ki jingkyrshew jong ki mar potkhyndew ba kordor lah ban shem. Ka um ba rgi iohi ka long tang shiliang ka um; hynrei ha baroh ki jingjyllew bymlah thew, ki kynja mrad ba heh tam, ki iakiakor, ki dobkha bad ki dkar la pynmih ha ka bad baroh ki jingnaih ba donkam ki don sawdong ia ki.”<sup>4</sup>

Dei u Galileo, ha ka pyrthei seyngi, uba pyrshat ba ka mariang ka long ka jingbuh-

beit-buh-ryntih kaba pynjia long ia ki laiphew-jait ki jingkylla kiba lah ban batai da ka Mathematics. Tang kito kiba lah ban niew bad ban thew ki long kiba lah ban sngew-thuh bad kiba shai, lait nangta kiwei pat ki don shabar jong ka mariang. Kiei kiei ba kynja met ki don ki jingheh (size), ka dur ka dar (shape), ka number bad ka dor jong ka jingkbih kiba lah ban niew bad iohi; ki rong jongki, ka jingsawa, ka jingsma, bad da shisha, kito baroh kiba ka jabieng briew ka lah ban shemphang ki long kat kum ka jing-long (Qualitative) bad shapoh ka bor pyrkhat (subjective).

Kat kum ka jingstad saian U Galileo, ia ka Mariang dei ban pyniaid bad synshar. Kane ka jingpynbeit kaba u Galileo u buh halor ka mariang ka long kaba don ka dor ha kaba pynmih ia ka jingstad (science) ban iathuh lypa ia ki jingjia ha ka mariang. Kum ka nuksa, lada ia kano kano ka jingjia lah ban shem ia ka jingiadei hapteng ka jingjngai jong ka jinghap jong kaei kaei bad ka jingshim por haba ka hap, kumta lah ban iathuh lypa ha kano kano ka por ban wan hangno kan sa hap. Lada kata kaei kaei kam hap thik kat kum ka jingiadei ia ki jingiapher lah ban batai da ki bor kiba pynwit kum kaba shu mutdur, kumta la pynlah ban ioh ia ka jingiathuh lypa kaba kham beit kham biang. Lada ia ka jingjia ha ka mariang lah ban tip lypa kumta lah ban synshar halor jong ka.

Na katei ba la ong, ka kdew ba ia ka mariang baroh kawei ym lah ban shemphang lut da ki briew, lait tang kata kaba lah ban batai kat kum ka Mathematics. Ka Mariang, ka bym don jingkut, ka long kaei kaei kaba matlah ba khlem don jingim kaba ym lah ban pynshongdor. Kumta, ia u briew la niew kum u nongwei ha kaue ka pyrthei, bad ka jingim jongka bor pyrkhath ka dei na kawei pat ka thup jong kiei kiei.

#### U Galileo u ong:-

“Kano kaba long met, haba ka wan iadei bad kawei pat ka bynta jong ka met jong nga ka pynmih ha nga ia ka jingsngewthuh ba ngi khot ka jingtba. Kane, wat la ka don ha ka met jong nga baroh kawei, i kumba ka shong eh ba ka sla kti bad ha ki shynriahti, da kiba ngi lah ban iohsngew ia ki jingrapher ha ka dur jong kaei kaei ia kaba ym lah ban sngewthuh da kiwei pat ki bynta jong ka met. Katto katne na kine ki jingsngew (sensation) ki kham sngewtynnad ban ia kiwei pat. Ka bor sngewthuh da ka jingtba ka kham long kaba kynja met ban ia kiwei pat ki bor sngewthuh, bad namar ba ka mih na ka jinglongmet jong kaei kaei, ka i kumba ka don jingiadei bad ki bynta ba kynja khyndew.” “Lehse ka jingsdang ka don ha ka jingshisha ba don artylli ki kynja met kiba lah ban ia khleh lang suki ha ki lyngkhot barit bha, kiba katto katne na ki ki kham khia ban ia ka lyer bad ki hiar katba kiwei pat kiba kham

sting ki kiew sha jrong ... Ban pyajur ha ngi ia ka jingmad, ki jingsma, bad ki jingsawa, nga ngeit ba ym donkam ia kiwei ki met ba shabar lait tang ki dur ki dar, ki number bad ki jingkluh ba suki bad ba stet. Nga ngeit ba lada ia ki sakor, ki thylliej bad ia ki khmut ia pyakynriah noh, ki dur ki dar, ki number bad ki jingkhieh kim jon, hynrei ym ki jingsma lane jingmad lane jingsawa." 5

U Spinoza u ieng pyrshah ia kane ka nia. Ha u, kaba bha tam ia u briew ka long ba u dei ban don ka jingtip ia ka jingdonbyn ta lang hapdeng ka bor pyrkhut jong u briew bad ka mariang baroh kawei. Ka long kaba kongsan ban sngewthuh kunta ia ka mariang khnang ban pynlah ia ngi ban poi sha katei ka jinglong ba la ong haneng.

Kat kum u Spinoza, ka mariang ka long ka jingshisha ba ha khlieh tam eh. Ka na jong u Spinoza ka long kaba shu tylli beik kawei (monistic) ba ym don jaka ban pharia ha ki ar bynta (dualism) lane ha ki bun bynta (plurality) ha ka mariang. Baroh ki laiphew-jait laiphewskit ba la shem ha ka mari ng ka dei na ka jingpynpaw jong kaba tang kawei ka jingshisha ha ki dur bapther bapther. Ka mariang ka kynthup ia baroh bad kam shym pyllait kawei ruh Ha kane ka rukom, u briew u long shibynta jong ka mariang lane u long u jingthaw ba la pynpaw da ka mariang. Ha u briew hi kano kano kaba jia ka ktah ia ka bor pyrkhut bad ka bor pyrkhut ka lah ruh ban

ktah ia ki jingjia. Kane ka pyni ba don kawei ka kynja met ba ia dei tang hapoh jong kine. Kata ka met (substance) kaba ha khlieh duh ka dei ban long kata laitluid bad kaba ieng halade. Kumta ka jingshisha kaba hakhlieh eh ka don tang kawei, lyni kumta kam lah ban long kaba ha khlieh duh. U Spinoza u ong ba lada u substance um donkam jingkyrshan iano iano nawei pat, kum ka nuksa, lada U Blei ne ka mariang u ieng halor lade bad kiei kiei baroh ki shanah ha u ka long kaba shai ba ym don uwei pat u substance shabar na U Blei ne ka Mariang. Kat kum u Spinoza ka jingngeit ba don bun ki substance ka dei na ka jingpyrkhat bad namarkata, ka long ha ka jingshisha kaba iohi bakla ki khmat lane ka shu long tang ki dur ba paw (appearance). U briew uba don ka jingtip u nang ba ka jingbun tylli jong ki jingshisha ka long kaba bakla.

Kat kum u Spinoza, U Blei bad ka mariang ki long tang uwei ne kajuh ka pyrthei ka long ka dur jong U Blei uba don lut ha ki jaka baroh U Blei u long baroh bad baroh ki long ha U Blei. U Blei u long 'natura naturata' bad 'natura naturanse,' kaba mut ba u long sha lyndet jong ka por bad ha ka jingiaid jong ka por. Ka long kumba ki jingdeng ksiar baroh ki jait jong ki ki dei na kajuh ka tyllong—ka ksiar. kumjuh ki jingthaw baroh ki dei na uwei u jingthaw uba dei U Blei hapdeng ki ar. Ban shu ban ktien biang, U Blei um lah ban long khlem ka mariang. Ha kawei pat ka liang, lah ban ong

ba ka mariang kam lah ban long khlem U Blei bad ka long tang ki jingpynpaw jong U. Kat kum kane ka jingong, rgi srgewthuh ba ka jabieng bad ka met ki dei ki artylli ki jingpynpaw na kajuh ka jingshai lane artylli ki nar syrwiang ia kawei ka shaka. Ka jingpyrkhat bad ka met ki dei ki jingshisha ba ha khlieh tam. Kane ka jingshisha ba ha khlieh eh ka pynleh ia ki jingtrei ha ki. Kurta, kat kum u Spinoza ki jingjia ha ka pyrthei mariang (universe) ki long thikna bad lah ban khein biang biang kat kum ki ain ka Mathematics. Ki jingjia laiphewjait ki long ka jingpynpaw jong ka mariang.

Ka mariang ka long ka metbah ba iar katba kano kano ka jingpaw ne jingjia ha ka mariang tang ka lad jingpynlong jong ka. Ka jingdon ba ka mariang ka shong ha ka jingdon jong kiei kiei, khlem u metbah (substance) ym lah ban don ki lad ne ki trad (modes). Kumta ki jingja k'm long kiba iaineh; ki long tang ki jingpynpaw ba tang shipor jong u substance (ka metbah). U Blei jong u Spinoza um long shabar na ka mariang (Kumba long U Blei u Descartes); hynrei u dei hi ka mariang. U long ka tynrai jong ka pyrthei. Kawei pa-kawei kaba don ha ka pyrthei ka don ha U Blei bad ia kawei pa-kawei la thaw dur da ki bor jong ka mariang. Kane ka pynpaw ba baroh ki jingtreakam ha ka mariang ki iaid katba kum ki ain jong ka mariang bad k ne ki ain kim shah teh lakam hangno hangno namar ym don ei ei kaba shabar na ka bor

jong ka mariang. Ki ain mariang ki long ki ain Blei bad ym lah ban pynkylla ia ki. Ki jingtreikam ha ka mariang ki ia'id namar ha ki ain jong ka mariang ki ia'id beit ia'id rynth. U substance (methah) ba ha khlieh tam u long ka daw tynrai ba laitluid jong ki jingpynlong. wat la ka jinglong laitluid kam shym thew ia ka jinglaitluid jong ka mon kat kum ka jingdonkan, ia ka hi. Ym lah ban don jingim khlem U Blei, namarkata U Blei u long u tynrai jong ki jingpynlong baroh ha ka mariang. Ym don u briew uba lah ban leh tang kat ba u mon. Kaei kaei 'ha kaba la pynshet da ka bor Blei ban trei ia kano kano ka kam ym lah ban leh lyndet na kata kaba la pynshet ha ka. Te kumta, baroh ki jingthaw baim ha ka mariang ki trei kam kat kum ki ain ka mariang.

U John Stuart Mill um ia mynjur bad ka nia jong u Spinoza da kaba u ong ba kaei kaba dei ia u briew lah ban ioh na ka jingpeit thuh na ka mariang kaba pynpaw ia ka jingiattylli bad jingiatreilang kaba pynlah ia ngi ban im ha ka jingjanai. U Mill u ong :-

"Ban ialam lynti ia ki kam jong ngi ryngkat ryngkat bad ka jingiaid jong ka mariang... ym don u ban lah ban ngeit ia u riewngeit niam ne u bymngait niam, ba ka bor pynsniew jong ka mariang baroh kawei kin pynroi ia ki jingthmu ba bha, ha kano kano ka rukom ban ia kaba pynbuid ne pynshoi ia u briew ban ieng ialeh pyrshah ia kitei ki bor.

Ki kam jong u briew baroh ki long ban pyn-  
kylla bad ban pynbha ia ki kam joig ka  
mariang. '6

'Baroh ar kine ki nia jong u (u Mill &  
u Spinoza) shaphang ka jingiadei u briew bad  
ka mariang, ki don la ki jong ki dor. U  
briew u long ka bynta jong ka mariang, kumta  
u dei ban im kat kum ki ain jong ka ma-  
riang. Lah ban ong ha kiwei ki kyntien ba  
u briew u ioh ia ka jingmanbha na ka mariang.  
Ia ka jinglong jong u briew lah ban shem  
ha ka mariang.

Ka saian ka long ka jingtreikam jong ka  
jingshem buit bad ka bor pynaid - ym don  
ban ong da kumwei pat shaphang kane. Ki  
sciences jong ngi ki pynmih ia ka jingtip ia  
ki lad, hynrei ym ka jingthmu ba ha khlieh  
eh jong u briew. Dei kane ka jingmut jong  
ka jingiadei u briew bad ka mariang U briew  
u don ha ka mariang kum u jingthaw ba  
khih bad uba trei kam. Hynrei ka sap jing-  
kwah jong u ka long ban synshar ia ka ma-  
riang lyngba ki kam ban saindur ia ki jingthmu  
jong ki ym lah ban pynthikna ha ka mariang.  
U briew u don hapoh bad kumjuh ruh sha-  
bar jong ka mariang. Ka jingiadei jong u,  
namarkata, bad ka mariang ka long arban  
(arbynta). Kumta ki jingkyrshan borbah jong  
ngi ban synshar ia ka mariang ki pynmih ia  
ki sawdong sawkun (environment) pyrshab ia  
ka jingiaidon jong ki bor saian ban control.  
Bad ka science ka dei ka bynta jong kine ki  
sawdong sawkun.



( Ka mariang kum ka nongrim ha ka jing-iadei bad ka long briew man-briew ka kylla long ka sohndung jerg ki stad pyrkhat (philosopher) ha kane ka juk, ki da pynshongnia bad sain dur bha ha kane ka phang. Kawei ka nuksa ka long ka jingthoh jong u Paul Sears ba u khot "Utopia and the living landscape." (Ka ri bajaranai bad ka jaka baim)

"Ki kynhun briew ba ju im ju long . Ki trei kam kat kum ka bor na ka sngi, ki pyn-trei kam ia ka ha ka rukom ba ka jingtrei kam ia ka kan long kaba 'ryntih, kaba kyrshan bad pynkhlain ia ka jaka shong jaka sah bad ban kyrshan ia ka jingim. Lyngba kine ki jylli ba laiphewjait, don ki kyrdon ba la plie lad ia ki jingthaw ba im (Organism) ba lah ban iohi bad bym lah ban iohi, ki-ba don la ki kam ki kam ban kyrshan ia ka jingim. Ki kynja met ba la pynmih da ki jingthung ba jyrngam na ka lyer, ka um bad ki jingbam bani, ki iai tyllun tad haduh ba ki bynta ba pynlong ia ki ki wan phai biang ha ka rukom ka jingtreikam jong ki." 7

Kumta ka mariang baroh kawei, ong U Paul Sears, lah ban ong ba ka long kaba thawdur hi ialade, kaba pynwan dur ialade kum kawei ka jaka ba iaid beit iaid ryntih khlem don jingpyathut ia ka jinglong jaijai jong ka. Te kumta, ka tarajur ba ia ryngkat jong ka mariang ka long ba ki jingtrei kam jong ka mariang kim iadei lang bad ki saw-dong sawkun jong ki lyngba ki jingiaityllun,

jong ki bor. Kito ki bym lah ban treikam ne jop, kim lah ban im. Ka jingpyrkhat shaphang ka jingpyniaryngkat ka mariang ka kylla long ka jingpyrkhat kat kum ki jingpynbeiryntih. Na ka bynta ka jingim jong ki jaitbynriew ba ki don ba ka mariang na ka bynta shibun kiei kiei kiba ka kynhun jaitbynriew ka dei ban pyndep, khlem pep ka lah ban pynioh ia ka jingiaryngkat ha ka dur jong ka jingpyntreikam ia ka bor. Ka shu long tang ka jingkren lyngkot na ki kynhun jong kiei kiei kiba ker sawdong sha ki kynhun jait kynriew jong ngi. Namar ba u briew bad la ki jait jong u ki dei ki bynta jong ka Meiramew (Nature), namarkata ki ruh ki long ka kynja mariang. Ka jingim jong u briew ka man long kat kum ki jingbuh beit buh ryntih ha ka mariang.

Ka jingpyniaryngkat jong ka mariang, ha kiwei pat ki kyntien, ka long ka jingkordor ba kongsan eb, ka trei ia ka kam pynbeit pynryntih jong uba ba kblich tam eh, ha kajuh ka por khlem da don ka kyrdan jinglong kordor ba ha kblich tam eh. Ka dei ka jingbuh beit jong ka mariang. ym ka jingthaw briew ne ka jingthaw dur da ki bor ba maian. Ka jubab ia ka jingkylli shaphang ka jingkordor, na ka rukom pyrkhat shaphang ki kynja baim ka long kumne: Ia ka dor jong ka longbriew manbriew la seng nongrim halor ka jingiatrie ryngkat bad ki jingradei bad ka Meiramew. Ki jingthmu ba la dawa ki dei ban ia iaid ryngkat ryngkat bad ki jing-

buh beit jong ka mariang Ka jingim jong u  
 biew ka long kaba don jingi-dei bad ki para  
 biew bad kumjuh ruh bad ka mariang, kumta  
 ka dei ban iaid kat kum ki jingbuh pud.

Ka nia kaba ong ba haba u biew u  
 long shitynta na ka mariang, ka jinglong tyn-  
 rai ba shapoh jong u ka ialeh katlah katiai  
 ban shim ia ki jingmyntoi na ki jingtreikam  
 jong ka mariang, ka paw kun ba ka la treikam.  
 Hangne ngi shem ba ka tiphok tipsot (mora-  
 lity) ka don ka nongrim ha ka mariang, ka  
 ba ai ha ngi ia ki jingserg nongrim ia ki  
 rukom pynshong nia ban pynmih ia ka theory  
 ba thymmai ia ka jingiadei u biew bad ka  
 mariang kaba pynlah ban pynshong dor kham  
 bniah ia ka jingroi ka long biew manbiew  
 ryngkat bad ki jingtreikam lang jong ki kynja  
 baim.

Halor kane ka phang, nga srgew ba ka  
 la dei ia nga ban phai noh sha ka rukom  
 pyrkhut u Khasi shaphang ka mariang, kum  
 ka jingtrei kaba bniah kaba idonkam ha nga  
 bad kaba nga la pyndep. Hynrei nyingkong  
 nyingshap eh. donkam ban iathuh ei ei sha-  
 phang ki Khasi, kum ka jait byariew ba don  
 shaphang sbatei lam mihrgi jong ka ri India.

**Reference :—**

1. Taylor, E.B. **Primitive Culture** Vol III. p.7, London, 1871.
2. Kroeber, A.L. 1952 **The Nature of Culture** University of Chicago Press. A collection of essays that were published between 1901 - 51, p. 181 & 189.
3. Stace, W. T. **A critical History of Greek Philosophy**, Macmillan, St. Martin Press, London, 1966, p 78.
4. Commins, Saxe & Linscoff, Robert N. **The World Great Thinkers, Man and Man; The Social Philosophers** Wisdom of conjucious, New york, 1947, p. 339.
5. Rachels, James & Tillman, Frank. **A Philosophical Issues; A Contemporary Introduction**, New York, 1972, p. 339-40.
6. Mill, John Stuart **"Nature"** in J. H. Randall Jr. Justus Buchler, Evelyn Urban Shirk, eds: **Readings in Philosophy**, New York, 1950, p. 57.
7. Ibid as 5. p. 360.

## LYNNONG II

### Ka Mariang ha ka rukom pyrkhat U Khasi

Ki Khasi ki dei ki jait bynriew riw lum ha shong basah ha ki lum Khasi bad Jaintia jong ka Meghalaya. Ki Khasi kiba shong shaphang mihng, kata ha ka District Jaintia Hills, la ju khot ia ki ki Synteng lane ki Pnar. Ia kito kiba shong ha ki thain p'deng bad ka thain Lum la khot beit ki Khasi, ia kiba shong ha ki shariang Lum phang shathie markhap bad ka Bangladesh la khot ia ki ki War, kito kiba shong shaphang shatei markhap bad ka Assam la khot ki Bhoi, bad ia kito pat kiba shong shaphang sepngi ch jong ka West Khasi Hills District la ju khot ia ki kum ki Lyrngam. Kine ki ioh ia la ki kyrteng kat kum ki thain ha kaba ki shong ki sah hynrei ki dei tang kawei ka jait bynriew Khasi kiba bud ia ka jingshim jait na ka kmie ha kaba u kni u long khlieh jong ka kur ne ka longing longsem. Baroh ki khun ki kti ki shim jait na ka kmie kaba pun kaba kha ia ki.

Ka ri Khasi bad Jaintia ka don hapdeng u Latitude ba shatei uba  $25^{\circ} 1'$  bad  $26^{\circ} -5'$  bad u longitude ba sha mihngi uba  $90^{\circ} -47'$  bad  $92^{\circ} -5'$  Ka jingheh jongka ka long kumba 144 3.6 Sq. kms. Ki Nongshongshnong baroh ki don

kumba 10,93808, kat kum ka khanasamari kaba 1091. La phiah ia ka ri Khasi bad Jaintia ha ki Saw tylli ki District Kita ki long, Jaintia Hills, East Khasi Hills, West Khasi Hills bad Ri Bhoi Districts. Ka Jylla Meghalaya hi baroh kawei la ju ong ba ka dei ka rynsan lum (Plateau) ba la neh paduh hyndai hynthai, ka jingkyngare jong ka ka long kumba 600 metre haduh 1800 metres na sla duriaw. U Lum Shillong uba jong tam eh na ki Lum baroh u don kumba 1951 metres na sla duriaw.

Ki Pud sawdong jong ka ri Khasi bad Jaintia ki long kumne harum :-

1. Shatei — Ka Ri thor Assam.
2. Shathie — Ka Bangladesh
3. Mihngi — Ka Cachar bad Mikir Hills
4. Sepngi — Garo Hills.

Ia ka jinglong ki lum ki wah jong ka ri Khasi bad Jaintia lah ban pynia bynta ha ki lai tylli ki thain kiba kongsan.

Ka thain ba shatei eh ka con markhap bad ka ri thor Assam. Kane ka thain ka long kaba syaid ha ka por tlang bad kaba shit bha ha ka por lyur. Ka long ka jaka kaba sei-soh bha. Ia kane ka thain la tip kum ka Ri Bhoi ne Ri Them bad ia ki briew kiba shong ha ka ruh la tip kum ka Ri Bhoi bad ki Mikir. Ia kane ka thain la tap da

ki khlaw kiba rben. Ki jingmih ba kham kongsan ha kane ka thain ki long, ki soh, ka kait, u khaw, u tymphew, u syieng, us ynsar, u sai ru om bad kiwei kiwei.

Ka thain kaba ar ka dei ka thain Lum kaba don haddeng ia kaba la ju tip kum ka ri Lum Khasi bad Jaintia. Kane ka thain ka long ka rynsan lum ba jrong tam Ka jinglong ka suinbneng ha ka por lyiur ka shu long pdeng, katha ha ka por tlang pat ka khriat bha. Ki briew kiba shong ha kane ka thain la tip kum ka Khasi bad ki pnar. Hangne ngi shem bun ki lumrit, ki mawsiang, ki lhuh bad ki them. Ki briew ki im da kaba rep phan, khaw, riwhadem, ki jhur ba bun jait, don ruh kiba kham pateng bad trei misteri.

Ka thain kaba lai ka don shaphang shathie ba la ju tip kum ka Ri War. Ka long ka jaka ba long padun naduh ki rynsan lum shaduh khappud Bangladesh. Ka jinglong ka suin bneng ha kane ka thain ka long kaba syaid ha ka por tlang bad shit bha ha ka por lyiur. Kane ka thain ka long kaba iadei eh ban thung kwai tymphew, ynsar, 'la tyrpat, sohmrit, ka kait, sohniamtra, bad kiwei kiwei. Ia kane ka thain la ju khot kum ka kper Eden jongka ri Khasi bad Jaintia. Ki mar khyndew ruh kum ka shun, u dewiong, u uranium bad kiwei kiwei de ki kynrei bha ha kane ka thain. Ia ki briew kiba shong ha kine ki jaka la jutip kum ki War. Ki tbit bha ban thain kriah thain shang,

ki knup ki trap bad kiwei kiwei ki rukom  
jingthain.

Lada u briew u iaid lynti naduh Sepngi  
shaduh Mihngi bad naduh Shathie shaduh  
Shatei jong ka ri Khasi Jaintia un shem ia  
ki jait mawbynna bad jingtei nam ba pher  
ba pher, ki wahduid ba ithiang, ki kshaid  
ba rymphum, ki wah kiba sungur bad ki  
syntai lum ba lymphuin, ki lumrit, ki 'law-  
kyntang bad kiwei kiwei ha kane ka ri  
baroh kawei. Haba nga kyrkhat bad khmih ia  
ka jingitynnad jong ki lum ki wah bad jong ki  
sim ki doh, ki syrtiew ki skud kibi don ha  
la ka ri, kine baroh ki pynmyllurg ia ka  
mysiem ban rwai kumne.

1. Ko Ri Khasi baicit ba thiang,  
Ban im hangae ia nga ka biang,  
Longshwa manshwa h'a kyrkhu Blei,  
Ban pynsah nam mawbynna tei,
2. Ha pha ko ri baicit ki blei,  
Ki lum kynshreng bad wah ki shlei.  
Ki kshaid rymphum ki nob arset  
Ki sim ha khlaw pat ki kynud.
3. Ko Lum Shillong Symper Kyllang,  
Marangksih Thangsyien baroh lang,  
Bah bo-Bah- Kong bad Lum Diengiei,  
Ki long ki khun shynrang i mei.
4. Riwiang Rilang bad wah Kupli,  
Ki long ki khun kynthei tipsngi,



Ah ban da lah ban ieit ia phi,  
Ban im ban pha namar ka ri.

Kine harum ki long ki lum ba Kongsah kiba la pynnoh ka bhah kaba khraw sha ka rukom pyrkhat u Khasi ia ki sawdong sawkun jongu, kum, ki Lum Kultraw, Niangram, Mianglor, lawpaw, Kyllai Lyngngun, Symper Kmawan, Symper Nongsynrih, Diengiei, Rableng, Lawbah, Marangsih, Iakersing, Sona Raja, Salim, Thang - Sviem bad Bah Bo Bah Kong jong ka ri Khasi Jaintia.

La ian baroh kine ki lum ki pynnoh ka bhah sha ka rukom pyrkhat pyrdain jong u long-shwa Lada ngi wad jingtip bniah iwei pa iwei na ki lum ki wah jong ka ri Khasi Jaintia, ki don la ki jong ki jong ki jingjia bad ki khana ba bang ba nysah jingkyrmaw. Ki la jia long ki jaka shong jong ki blei ki dkhen, kum u Lum lawpaw bad u Lum Shillong. Don ka kharatang kaba iathuh ba u 'lei Shyllong u shong u sah ha u Lum Shillong. Ki Khasi ki ngeit ba ki Sviem Shyllong ki hiar pateng na ka Pah Syntiew, ka khun kynthai jongu Lei Shillong.

Ia ki Syiem Shillong la ju n'iew ha baroh ka ri Khasi kum ki Syiem blei. Kane ka kyrteng 'Syem blei' ka mut ba u Blei u la sngewbha han ai bvn'ha ha u ia ka khyndew ha kham bun ch jong ka ri Khasi, kata ka long ka Hima Shyllong ha un synshar, wat la ngi shem ba ka don la jingbym thikna shaphang jong ka. La katta ruh ka don ka

jingneit pateng la paten; hapdeng ki Khasi kat kum kane ka jingathuh khanatang. Ha ki por barim bajah la don ka jingathuh khana shaphang kawei ka khyimah Samla kaba shong basuh hapoh ka krem MARAI kaba don ha jan ka Shnong Pomlakrai kaba mynta, ha tyllong jong ka wah Umiam Mawphiang bad Umiew. Ka la long ka thei Samla kaba bha briew kyntiah la ka jingshisha shaphang ka jingdon jong kane ka thei Samla ym lah ban pynthikna. La don bun kiba la pyrshang ban kem ia ka, hynrei kim lah, namar ka jingkhapngiah jong ka krem. La don shhsien ha kawei ka por uwei u briew u ba standi bha uba la kut jingmut ban pah ia ka da kaba pyni ia ka da u 'Tiewjalyngkteng' Kata ka thei samla haba la pynshoh bie j ia ka da uta u syntiew ka la wan tur shajin shata. Hynrei uta u briew u iaibat ia uta u Syntiew bad u ran shadien tad hadua bi ka la wan mih paw shabar bad u la kem artad iaka. Nangta u la ialam sha la ing ia kata ka taeisamla. U la ri la sumaria ka bad u la shong kurim ia ka. Naduh kata ka por la sin kyrteng ia kane ka samla "Ka Pahsyntiew" namar ba uta u briew u la pah ia ka da u Syntiew khnang ban ioh ia ka. Ia uta u briew uba la wan na ka Shnong Nongjri ra Ri Bhoi la khot u Kongngor Nongiri. U shong ha Nongkseh bad ka kyrteng jong u ka long u Sati Myllem Ngap.

Haba ki la ioh bun ki khun shynrang bad kynthai ka Pahsyntiew ka la leit phai pat

noh biang sha ka juh ka krem ra kaba ka la wan. Naduh kata ka por kam ju wan shuh wat haba la khroh da la u tuga bad ki khun jong ka. Ki khun jong ka ki la nangsang ha ka rnyieng bad ha ka jingstad bad haba ki brierw na kylleng ka ri ki la bna shaphang jengki, ki la ia wan ban jengoh kuj ia ki. Kita ki khun ki la long kiba sngewrit tad ki ba don akor ha khmat kiba halor. Baroh ki brierw ki jeit ia ki bad la niew ia ki kum ki khun ki blei bad ki aiburem ia ki. Kiba khraw batri jong ka Raj Shillong ki la thung Syiem ia ki namar ba la kha ia ki ra ka brierw ba phylla kaba ki rgeit ka dei ka 'Lei Shyllong' Kumta da ka jingngewhun ki la thung ia ki kum ki syiem ka ri Shyllong kynthup ia ka Hima Khyrim bad Hima Mylliem. Kine ki khun ki la kvlla long ka Syiem ba la jer ia ki, ki Syiem Blei jong ka Hima Shyllong.

Naduh kata ka por ki Khasi ki la ju shait pynlong ha ka jingknia at rguh sha u 'Lei Shyllong da kaba tyrwa jingknia ki blang shisien shi snem, ki Khasi ki ngeit ba u 'Lei Shyllong u long uwei na ki ryingkew ki basa ba kham rangbah napdeng jong ki kiba don ha ri Khasi. Ki Khasi ki burom ia ki blei lum blei wah bad ki ryingkew ki basa na kiba ki la ioh ia la ka jait ka kynja kumba la mih ki syiem Shyllong kiba synshar ia ka ri. Baroh ki Khasi bad Jaintia ki niew ia u Lum Shillong kum u lum ba shong bli rangbah bad kumta ki tyrwa jingknia man la ka por Kiwei pat ki ryingkew ki basa ruh

ki don la ki jong ki jong ki kairam ban  
trei ha la ki kyntoit bad ki dong ba ki don.  
Ki Nongshong shnong ka Shillong ki niew  
kyntang ia u Lum Shillong haduh katta ba  
kim u nud wat ban pom dieng pom sij  
ruh na une u Lum namar ba ki ngeit na  
lada ki leh kumta ki blei kin sa pynshitom  
ia ki da ki lun jait ki jingpang.

Ia ka ni m ka rukom kaba ki pynlong  
ha kliar jong u Lum Shillong shisien shisnem  
la ju khot na 'Pom Blang' ba la pynbud iyang-  
kat da ka Shad Suk Mynsiem. Kane ka jing-  
knia ka long lum ka jingairuh ia u Thaw-  
lang, ka Iawbei bad u Suidniajong ki Khasi  
Ka jingairuh ba kham kongsan eh ka long  
sha u Phan u Kyripad kiba hiar pateng na ka  
Pah Syntiew. Ha kane ka jingknia ki pyndon  
kam da ki Sviar bad ki blang kiba ki khot  
ki 'Syiar Sla' bad ki 'lang sla'. Tang lata  
kiba na ka iing syiem ki lah ban ai ia  
kine ki jingknia. Ki bynrap shuh shuh ruh ia  
uwe i uba ki ong 'U Lang Dieng ei' ba la  
ju pynkhreh da ki brew ba shong ha ki thein  
Lum Diengiei lane lada jia ba kim 'ah ban  
ai ia u uwei u Blang ka iing Syiem ka dei  
ban pynkhreh ban ai I meirad Mari Pathaw  
ba la khot i it i Men Mari i ba dang shu khlad  
shen i ju ai uwei u blang man la ka snem  
ban knia ainguh ha u Lum Shyllong. Kane  
ka tymmen ka la long kaba im slem tam  
na ka kur Pathaw bad ka long ruh ka trai  
khyndew ia u Lum Diengiei. Ia uta u blang  
la ju khot u lang diengiei. Kiwei pat ki blang

jong ka Hima Shyllong la ju khot ki 'lang-  
 iong bad ki 'lang nguh Syiem." Ban shu ongbeit  
 ka long kumne ka jinganguh lyngba kane  
 ka jingnia blang ka long ba ki briew kin  
 duwai na ka bynta u Syiem bad na ka byn-  
 ta ka burom ha ka lawei jong ka ling Syiem.  
 Ha ka jingleh iam leh rukom kaba neh kum  
 ba lai haduh san sngi ki briew ki shait iohi  
 ia ki cak ki shin ba u Blei u pdiang ia ki  
 jingtyrwa jong ki.

U Soso Tham, u Myllung ba khraw ka  
 ri Khasi u pynpaw ia ka 'jingniew burom  
 jong u ia u Lum Shyllong ha ka jingrwai  
 jong u ba la ai kyrteng "U Lum Shillong."  
 Ha kane ka jingrwai, u Soso Tham u pynpaw  
 ia ka jingsngeweit ba shisha jong u ia u  
 Lum Shillong. U Myllung hangne u kwah  
 ban peit kylleng sawdong ka ri na kliar u  
 Lum Shyllong. U kwah eh ruh ba lada lah ban  
 im kum u lum Shyllong namar ka ri bad u  
 rohsngew ia ka jingbeh jem jai ka lyer iwbi  
 lyngba ki khlaw bad ki wahduid ryngkat bad  
 ki kshaid ba ryngkoh bad tuid khlem iing-  
 sngewsih shaphang shatei jong ka Brahmaputra  
 bad shatei jong ka wah Surma. Katba ki  
 snem ki wan bad ki leit ka Um Shyrpi bad  
 ka Um Jasai kin dang iai tuid sngur bad kin  
 dang iairwai. U da ong ruh ba u Lum Shyl-  
 long un long uba suk tam ha ka pyrthei  
 namar baroh ki lum ka ri ki ia peit tang  
 sha u kum u syiem jong ki. Ka lyer, u slap,  
 ka ior bad u phria ki shoh ia u, hynrei ki  
 kjat sngi ruh ki iai doh ia u khlem sangeh.

Ha ki sharing jong u Lum Shyllong ki don ki khlaw ba rben ha kaba ki skei ki rieh tngen bad ki thei samla bad ki rang samla ki rep ki riang ha ki sharing lum, ki brieve ba shong ba sah ha ki sharing lum ki long kiba im palei bad kiba tip brieve tip blei.

Ka jingkhlain bor jong ka rukom pyrkhat kaba arban (dualistic view) jong ka juk mynta ka la pynkylia ia ka rukom pyrkhat u Khasi shaphang ka mariang. Ha kine ki por la kumno kumno ha ki jaka sor u peit ia ka mariang kum ia kaei re kaei kaba lah ban pynpaw ha ki jingrwai jong u. Ha "ki sngi Barim u Hynniewtrep" u Seso Tham u batai ia ka jingitynnad jong ka mariang; ki hynniewtrep ki im suk kynjai bad ki dei ki khun u Blei kiba im ha pneh ka Mei-Mariang. U Myllung u ong ba ha ka por ka Aiom ksiar u brieve u lah ban shemphang shaphang ka mariang ba u brieve u sa tip na ka mariang ia ka jingieit bad jingstad Blei. U Blei u la ju iaid bad u brieve. Ka jingitynnad bad jingphuh jingphieng jong ka pyrthei ha kito ki juk barim bajah ki la long ki tyllong ia ka jingsuk bad jingkmien. Baroh ki jingthaw ba khih bad bymkhih ki ia long paralok bad u brieve bad ki sngewthuh ruh ia ka ktien jong u khun bynrive Ka mariang ha ki sngi barim u hynniewtrep ka long kaba phuh baphieng kum kawei ka kper kaba dap da ki bunjait ki syntiew ki skud. Baroh u brieve, u mrad lem bad ki sim ki doh ki im suk im sain lem bad ka mariang.

Kumjuh ruh u Lum Sohpetbneng ha ka surok bah Shillong-Guwahati, shatei na Dam-site (Khwan) u don ka khana pateng shaphang ka jingpynlong kaba ia snoh bad une u lum. Kat kum kane ka khanapateng shaphang u Sohpetbneng la iathuh ba ka jait tynriew khasi ka don ha kaba mynnyngkong khathynniew trep khathynniew skum. Kine ki ia kiew sha bneng bad liar sha ka pyrthei lyngba ka jingkieng ksiar kaba don ha kliar jong une u lum. Haba la pyndkut noh ia kane ka jingkieng, ki Hynniew trep ki Hynriew skum ki sah jynduh noh ha kine ki lum bad ki lhyndai trep ki sah noh ha bneng.

Ha ka juh ka rukom u Lum Diengiei uba don shaphang sepngi khyndiat na ki shnong kum ka Kreit, Nongmadan bad Nongpathaw u don la ka jong ka jingiathuhkhana kaba ia dei bad ka jait bynriew jong ngi. Lah ban iohi bha ia ki sharing lum ba itynnad jong une u lum na sor Shillong, khamtam eh na u Lum Shyllong. Ka don ka khana nong tymmen shaphang u Diengiei, uba don ha kliar jong une u lum ha ki por ba mynhyndai. Ka puriskam ka iathuh ia ngi ba une u diengiei u la nangheh, nangrong bad nangpyiar ia la ki tnat haduh ba la kah dum ia ka ri Khasi baroh kawei. U khun bynriew u la lum ia ka dorbar bah kumno ba ki dei ban lait na kane ka jingtap jong u diengiei. Ki la ia rai lang ban leit ia pom noh bad pynkyllon shisyn don ia u. Ki la ia pom da ki wait bad ki sdie haduh ban da sep ka sngi hynrei sniew

bok ba kim lah ban pyndkut tang ha ka shi sngi. Kumta ki la leit noh sha la ki iing ki sem bad ba kin wan pynkyllon noh ha ka sngi kaba bud. Phewse ynda ki la wan ban pom biang; ka dak ba la pom ka la dap doh biang. Kane ka jingjia kaba iai bteng kumta ka pynshaiong ryngkat bad ka tieng ka smiej ia u khun bynriew.

Ha kawei ka sngi ka phreit kaba long ka sim kaba rit ka la wan her shajan bad ka la ong ba lada u khun bynriew u kular ban ai ha ka ia u soh nyngkong na ki jingthung kan sa iathuh ia ka daw tynrai kaba la pynjia kumta. U khun bynriew da ka jingbymbanse u la kular ban ai ha ka ia kaba ka kwah. Dej namar kane ka jingkular jong u longshuwa ba haduh mynta mynne ka phreit ka ioh nyngkong eh ia u soh nyngkong na ki jingthung kum u kba, kraï rishan bad kiwei de. Ka phreit ka la iathuh ia ka daw ba ka dak ba la pom ka dapdoh biang namar ba u khla u wan ban jliah ia kata ka dak mong ha ka por mynmiet. Ynda u khun bynriew u la lap ia ka daw; u la riam bad pynap da ki wait arliang syrti ha kata ka dak pom bad u khla u la ngat ha kata ka jingriam bad u la iap ha shen. U khun bynriew ryngkat bad ka phreit ki la wan peit ia kata ka shangkawiah bad la shem ba u khla u la iap bad ka snam ka la tuid ha trai jong u dieng. Ka phreit tang shu iohi ia kata ka jingtuid lyngkien jong ka snam ka la i shykhei haduh katta katta bad ka



la iapler hangta. Naduh kata ka por hoduh mynta ka phreit ka sangiap sangim ia ka snam ne ka doh. Lada buh da ka doh ne snam ha ka ruh jong ka phreit khlem ertatien kan iap shisyndon. Hadien ka jing-iap jong u khla, u khun byariew u la jop ha kaba pyrkylion ia u diengiei.

Nalor kitei ki lum ba la pynpaw haneng don ruh kiwei pat ki lum ba sngewtynnad kum u Lum Kyllang, u Lum Mawthadraishan, u Lum Mawtleng bad kiwei kiwei kiba don la ki jong ki jingjia bad ki jingmut ba pher ba pher.

Ka jingiet u Khasi ia ka Mariang bad ka kolshor la pynpaw ruh ha ka jingrwai myllung u bah Kynpham Singh ha ka poitri "Spring" ne 'ka Por Pyrem'. U Nongthoh u tip bha ba ki jingkylla jong ki a om ha u kim da long eh tang ki jingjia shabar na u briew. Hynrei ki long ki jingjin kiba ktah bha ia ka jingim u briew. U Myllung hangne u batai ha ki saw aiom ki saw samoi ki don hapoh jong ka jingpyniaid jong ka kti na jrong. Ki dak jong ka jingsuid rong ktar ha ka pyrtnei bad ki umjer ba phyrnai ha ka por mynstep ki biar kum ki jingkyrkhu na bneng. Ki jingrwai iaroh ha ka por Pyrem bad ki jingsubsieng ba iwbiu jong ki syntiew ba itynnad ki pynkup jain ia ka Mei Mariang.

Ka jinglong kawei jong ka mariaug bad ka kolshor ka long ka pdeng jong ka rukom pyrkhat u khasi. Bun ki Puriskam shaphang ka rukom pyrkhat u khasi ia la ka mariaug

bad ka jingim u briew kiba lah ban ong ba ki long ki bym don jingmut ane k'ba maian hynrei ka long kaba eh ban shu ong ba ki long ki bym shongnia. Lada ngi pyrshang ban batai ia ki puriskam shaphang ka mar'ang kat kum ka science ngin ym lah shemphang. Tang shu pyrkhlad nob ia ka pyrthei jong ki jingthung bad ki mrad na ka pyrthei jong u khun bynriew ka jingiapher kan long ka bym lah shuh ban batai. Ia kane ka rukom pynlakhlad ki khasi hyndai kim shym pdiang. Ia ka jingim ym shym la pyniakhlad ha ki jait ba bapher. La khein ba ka long tang kawei ka metbah kaba ym lah ban pynia-bynta ne pyniakhlad kum ia ka kolshor na ka mariang. Ym shym don u pud uba khraw hapteng ka kolshor bad ka mariang, kine ki ia iaid ryngkat ryngkat, khlem da don shibun ki jingiapher. Kane ka rukom pynshongnia u Khasi hyndai kam shym m'b namar ba um lah ban shemphang ia ki jingiapher jong ki hynrei namar ba u kham long halor ha ka jingshemphang ban ia ki briew mynta. Ka pyn-paw ba u don ka jingshemphang ba maian ia ki jait mrad ki jingthung, bad ki maw ki dieng. Katto katne ki nuksa jong ki jingthung ba la niew da ki khasi ba ki don la ka dor ban trei bad ban iarap ia u khun bynriew ha ka jingim ba man la ka sngi. Lah ban kdew hangne tang katto katne:

1. U kynbat samthiah:- Ka rukom khiih une u synt ew ka iadei eh bad ka sngi. Lada ki sla jong u ki la khylliap ki nongrep ki

tip ba ka sngi ka la sep. Ki sla jong u ki pyiar pat ha ka por mynstep. Une u kvnbat u iarap bha ia ki briew ban peit por ha ka por ba slap.

2 Ki siej lung ki mih ha ka por lyiur bad ki heh ha ka por tlang. Suki suki ki kop jong u siej ki hap noh sha khyndew ynda u siej lung u la nang heh. Lada ki kop ki hap ha tbian bad thiah lyndang ki tymmen ki tip ba kan sa don ka jingryngkhiang ka mariang bad la ju maham lypa-ia ki nongrep. Lada jia pat ba ki sla (sop) ki hap bad dem pyllup ha madan don ka jingjur slap ha uta u snem.

3. Kumjuh ruh ka jingmih lung jong ki sla dieng jri ki iarap ban iathuh ia ka jing-kiew ki dohkha ha ki wah ha kylleng ka ri.

4. Ki tymmen ki pyniasnoh ruh ia ki jingphuh ki tiew diengsong bad ka jingkoit jingkhiah kiba ha jing ha sem. La ju ong bad ka ju urlong ba ha ka por phuh ki tiew diengsong ki bun bha kiba ioh pang baiong khlieh.

Ki khasi kim shym duna ban iobkem ia ka jingshongpher ha kiei kiei kiba jia. Hynrei ha ka jingpynshongnia ia ka Mariang bad ka jingim la pyntroin ia kine ki jingrapher da ka hor jingsngew kaba kham khlain. Ka jingsngewthuh ba ka jingim ka long shitylli kaba pun jingkieng sha ki laiphewjait ki rukom

jinglong. Um shym shim ha lade ia ka jinglong kyrpang na ka jingbuh beit jong ka mariang. Ka jingim ka bat ia kajuh ka jinglong kytang wat ha ki dur ne jinglong kiba khraw ne ba poh. U briew u mrad bad ki jingthung jingtep ki ia long ha kaiuh ka kyr-dan. Nalor kita baroh, don ka jingiadei ba iajan eh hapdeng jongki.

U ksew bad u syiar ki don ka bhah kaba khraw ha ka jingim u khasi. Ka jingriew jong u syiar ka iathuh ba kawei pat ka sngi ka la wan, ka syriem hi kum ka baje kyrsiew thiah ha kane kajuk. U ksew pat de ym dei tangba u long u lok ba iada ia u briew, hynrei u don ka bor sngewthuh kum ia ka jingsblei um bad ka jingiap. U Khasi u ngeit ba haba u ksew u war rngai bad u da phai sawdong ia la u tdong ka pynpaw ba kan sa jia shen ka jingiap ha ka iing ka sem ne ha sbnong ha thaw. Kumjuh ruh ka jingpah jong ka lyngdkhur rit ka iathuh ba ka jing-  
iehnoh khunswet kan sa jia ha ki iing bamar jan. Ka jingwanpaw pat de jong ka 'khapsnem' ka iathuh ia ka jingwan jong ka pyrem, kaba dei ka aiom ban thung ia ki symbai kum u phan, u kba, u pathaw bad kiwei kiwei pat ki jhur. Kumta ka jingim u khasi kam don u pud ba thikna, hynrei ka iar shaduh ki pyrthei bah jong ka Mei Mariang. Ka long haduh katta ba wat u nangkyonjah ruh u nang ban iathuh ba ki nongshun ki la hajan da ka jingpah jong u. Ha kajuh ruh ka rukom la ju maham da ka jingpah jong ka sim

tittiw. Sa kawei pat ka jait sim kaba khot ka 'Phroh jyndem' ka pynbna ia ka jingia-icet khyndaw hapdeng ki khun samla jong ki iing bapher bapher da kaba her ha ki kper jong kito ki iing.

Ka rukom khein jong u khasi ia ka Mariang ka pynlyrgoh lyngngain ia ki philosopher bad ki scientist kiba pynshong nongrim ha kiei kiei kiba long met bad ban ia pyrshah ia kiba kynja mynsiem.

U Soso Tham u pangnud shaphang ka jingduh noh ia la rukom pyrkhath ba shitylli shaphang u briew, u Blei bad ka Mariang. Kumba nga la ong shakhmat, ka Mariang ha u khasi kam ju long kaba khlem nongsynshar ne khlem jingbuh ryntih. U briew um lah ban im shabar na ka mariang. Bun na ki rukom pyrkhath jong ka science ki shem jingeh ban batai ia ka kyrdan u briew ha ka mariang.

Kat kum ki stad pyrkhath ba kynja doh jong ka juk ba mynshuwa, ia baroh ki jing-iapher ha la jinglong (quality) lah ban pynkylla sha ka jingbun (quantity), ia baroh ki ba kynja mynsiem lah ban pynkylla sha kiba kynjadoh bad ki jingjia. Kum ban shu ong noh, ka jingngeit mariang ka long kaju bad ka jingngeit ba kynjadoh ba kynja met bad nangta la pynkylla sha ka rukom jingim briew ba her rukom, ka jingimbeit im hok, ka jing-itynnad bad ka jingim ba don jingmut bad

ki lah ban kylla long kum kiei kiei kiba shu jia ryngkhat khlem don nongsynshar. Ha ki snem ba kham hadien jong ka spah snem kaba khatkhyndai, kiwei pat ki rukom jingngeit mariang ki bym da don jingshisha kum ka jingbatai ka saians ki la mih pyrthei. Ha ka jingiadei bad ka jingdon jong ka tynrai bah jong ka jingshisha kine ki rukom jingngeit kim pdiang ba la don. Kum ban shu ai nuksa, kim shym ngeit ba ki symboh bin bin ki pynlong ia ka methah jong ka jingshisha. Dei kum ia kine ki rukom jingngeit mariang ba la niew ba ki long kham hajrong ban ia kiwei pat. Ha ka jingbatai jong ki ia ka mynsiem u brielw ki iai pyrshang ban pynwan sha kiei kiei kiba kynjadoh. Ka jingmih nangne ka long ba ka la pyniakhlad noh bak lybak ia kaba kynjamet na kaba kynja mynsiem. Kumta kine, haba ki niew jalade kiba kham hajrong ki pyrshang ruh tan thwet ia kiei kiei kiba kham hajrong lyngba kiei kiei kiba kham hapoh; ia ka jinglongbrielw ba paka na ka jinglongbrielw ba malu nala ia kaba kynja mynsiem na kaba kynja doh ne ba kynja jingim.

Ban pyrshah ia kane ka rukom ringnia ki stad peit thuh bad ki stad pynshongnia ki kubur ba ka jingpyrkhat lane ka mynsiem ka kynthup lut ia ka pyrthei ba kynjadoh, ka pyrthei tiphok tipsot, ka pyrthei pyrkhat pyrdain, ka pyrthei jingityndad, ka pyrthei jong ki niam ki rukom, ngi thikna ba ki don shisha. Ka saian ka iathuh beit tang ia kiei

kiba jia, ia ka nia lane ɬa mynsiem ryngkat bad ka pyrtnei ka bym lah ban pynkylla sha kiei kiei kiba longmet ne ba kynja jingim. Pyrsah ia kane ka rukom pyrkhat, u Emile Boutroux, u ong kumne:- "Kito ki Scientis shongshit khleh biet kiba pynkylla ia ka pyrtnei sha kiei kiei kiba khlem don ba shynshar, kiba bub ia kiei kiei baroh hapoh ka jingsynshar jong ka saians bad kiba iai kam ba ka saian ka long tang maka ka tynrai jong ka jingtip bad ba ym don kano kano ka jingshisha kaba da lah ban pynpaw da ki rukom jngkhein (mathematics)." <sup>2</sup>

U Khasi un iamynjur bad u Emile Boutroux haba un shyn ngeit ha kata ka mariang thurmur. Hynrei u niew ba u briew hi u long shibynta na ka mariang. U briew um long uba bang tang ha u hi, hynrei u don la ka bhah ha ki jingpynlong ha ka mariang. Um lah ban tip pura ialade lynda um pyniadei bad ka mariang kaba ker sawdong ia u ha kaba u hap ban shaniah. Kumta kane ka long ka phangrdeng jong ka jingngeit mariang u khasi. Nga kwah ban kdew hangne ia ka jingong jong u Durkheim (uwe i na ki stad pyrkhat ka imlang sahlang).

"Wat kito ki niam kiba kham ha khlieh, wat kito kiba la si ha ki ia ki jingpyrkhat ia ka mynsiem ka bym lah shuh ban thew kim lah khlem da don ka rukom pyrkhat shaphang ka mariang. Kim shym pynkut noh ialade ban hikai ia u briew shaphang ki jing-

suhsat, ki jingpynrung ruh ha u ia ka lad ban peit thuh ia ka pyrthei mariang bad kumno u don ha ka." 3

Kumba long kiwei ki jait niam ka thong jong ka niam khasi ka long ban hikai ia u briew kumno ba u dei ban don ka jingiasyllok bad ka mariang To ngin ia peit khyndiat hangne kumno ki tymmen khasi ki ong.

Kat kum u Rabon Singh, la ju ngeit ba ia ka niam khasi la ai da u Blei sha u Hynniewtrep. Ka niam khasi ka saphriang kylleng kane ka ri lyngba u Hynniewtrep.

Ha ki sngi u Hynniew Trep la ngeit ba u Blei u kren sha ki briew ba ka sur briew hi. U da hikai ia ki kumno ban thung ban tep ha ki aiom bapher bapher, U la bata' pynshai ia ki ain ki ka nun jong ka niam khasi, bad kumno ban pynbeit pynbiang ia ki niam ki rukom. Bad hadien ba ki la tip lut ia baroh ki niam ki rukom bad ka knia ka khriam, U Blei um shym kren markhmat bad u briew, hynrei kin iohi ia U Blei bad ia kren bad u lyngba ki dak ki shin ba paw ha ka knia ka khriam.

U Sib Charan Roy Jait Dkhar u ong ba ka niam khasi ka long ka Niam up-briew-tip-Blei). Ka niam khasi ka don artylli ki jinghikai shong tynrai.

(a) Ka hikai ia ngi kumno ban tip ia u Blei bad da ka jingtip bad jingkohnguh ia



ki jutang jong u ngi lah ban poi sha iing u Blei.

(b) Ka hikai ia rgi ban tip iakde kum ki briew kiba long ki jingthaw jong u Blei. Ka dei namarkata ka kamram jong ngi ban jeit bar borom. ban ia im lang sah lang bad ban arap ia kiwei pat namar ba ngi ia long shipara ha kane ka pyrthei.

Namarkata kito ki bym shym tip ia u Blei bad ia u briew kat kum'ka niam ia u ong ba yn sa bret ia ki sha ki khyndai-pateng niamra kum ka jingpynshitom namar ki kam bynman jong ki ha ka pyrthei.

Tang na ka kyrteng jong ka ruh kum ka niam tip-briew-tip-Blei ka kdew shai ba ka niam khasi kum ka jingpynjanai ia ka jingim ka kyrtthup ia ki roisrim jong ka jingtip ia u Blei. Ka don ka jingthmu ha ki ar bynta, Nyngkong eh. kumba ngi long ki briew, ngi don ka jingiasyllok bad ia ki parabriew. Kaba ar pat de ngi don ka jingiasyllok bad u Blei kum u Nongthaw.

Ka niam khasi ka hikai ia u briew ban tip ia u Blei kum u Nongthaw. Ki longshuwa manshuwa ki batai ba u Blei u don ha ki jaka baroh. U Blei u long u Nongsynshar bad u Nongthaw ia kiei kiei baroh kiba ngi iohi ha kane ka pyrthei U long U Blei Nongbuh Nongthaw, u nongbuh bynta bad u nongpynbuh ryntih uba thaw ia kiei kiei baroh bad uba pyrsad mynsiem ha ki jing

thaw baim baroh. Dei ma u uba ai ia ka jingim bad ia ki dur ki dar ha ka jingiaib teng ia ka jingpy moi bad pynkha. U long u Blei ia baroh shityl up ka pyrthei.

Namar kata ki khasi ki shait duwai ha u Blei kumne:-

“Ko Blei Najrong, Natbian, ko Trai, ko Kynrad, ko Nongthaw, ko Nongsei rnyieng Nongseirta, ko Nongsam bynta Nongbuh bynta, ko Blei shihajar nguh,”<sup>4</sup>

Une u long u Blei uba tang u wei, ha ka pyrthei baroh kawei, u long u Blei uba halor ia baroh la hajrong ue ha tbian. U pyndap ia ka bneng bad ka khyndew naduh ba sdang bad un iailong haduh bymjukut. U Blei u don la hapoh ne shabar jong ka met jong ngi.

Ka niam Khasi kam shym hikai tang ban tip ia u Blei hynrei ka hikai ruh ban tip bad burom ia ki parabriew. Kano kano ka mynsiem kaba don ha ka dur briew la niew ba u dei u parabriew. Ka hikai ruh ba u Blei u la thaw ia u briew bad ia ki jait briew bapher bapher kiba don ha ki jaka bapher bapher jong ka pyrthei. Ha ki Khasi ym ju shah ban iapoikhashi kur, namar ha don ka jingiadei bad ka lawbei. Lait noh kiba na ka kur la jong, lah ban ia poi kha bad kiwei pat ki jait kur kat kum ki riti ki dustur jong ka shongkha shongman ba la

bud da ki kur kiba don ha ki thain bapher jorg ka ri Khasi Jaintia. Ka niam Khasi ka hikai ruh ba ngi dei ban burom ia u Kni, ia ka Meirad bad u Parad.

Kat kum u Kynpham Singh, ka niam ka kynthup ar bynta (1) Ka Niam Tip-Blei (2) ka Niam Tip-briew, Tip kur Tipkha, ka jingithuh ia ki parabriew bad ka iingpdiang ia ka rukom shim jait na ka kmie. Khnang ban pynlah ia u briew ban nangroi irat ka burom ha khmat u Blei Nongthaw Nongbuh, u briew u dei ban nang ban ieit bad burom ia ki parabriew bad ban ri ia la ka riti shaphang u kur u kha, ba kito baroh kiba hiar pateng na ka juh ka Meikha kim dei ban iashong-hapdeng jong ki.

Ka Niam Khasi ka batai shai ia ki jinglong u Blei kumne barum:-

- (i) U Blei u long u Trai, u Kyrrad jong ka pyrthei.
- (ii) U Blei u long u Nongthaw bad ka bor ba kyrsoi ha kane ka pyrthei bah.
- (iii) U Blei uba donbor baroh uba dap lut ia ka bneng bad ka pyrthei (omnipotent and omnipresent).
- (vi) U Blei u Nongai, bad u Nongbuh bynta ia ka jingim.
- (v) U Blei u Nongpyniaid. Ka dei ka bor jong u ban kyrkhu ia ka iing ka sem

bad ia ka jait ka kynja ban roi bad  
kiew shaphrang. U don ka bor ban ai bad  
ka bor ban shim.

(vi) U Blei u long ka bor ba ha khlieh tam  
eh ha uba ia baroh ki jingthaw bad  
jingpynlong ki dei ban dem ha khmat  
jong u.

U Blei u long uba bymjukut bad u bym  
don ka dur ba paw shynra. U don lem bad  
ngi bad sawdeng jong ngi u long u bym  
lah ban thew. Ngim lah ban iohi ia u lymne  
iohsngew ia u. Ka jingsniew kam lah ban  
don ha ngi haba u Mynsiem u Blei u don hapoh  
jong ngi.

Ym lah lan pyniabyata ia Blei. namar  
kata u long uwei. Bad namarba u long tang  
ma u marwei ym lah ban don da kiwei pat  
ki blei.

U Blei u long u Nongthaw bad ngi long  
ki jingthaw jong u. Kum u Nongthaw u long  
u Kpa uba isynei bad ngi long kum ki khun  
jong u. Hynrei kumba u kpa um lah ban  
long u khun bad kumba u khun um lah ban  
long u kpa, kumta ruh ka dei ia u Nong-  
thaw ba um lah ban long u jingthaw.

U Blei u long uba iai iohi bad uba iai  
peit bniah. U don hangne bad ha ki jaka baroh,  
U Blei u kpa ha uba ngi lah ban kyang ban  
kyrpad. Um long kum u nongsynshar leh trai  
khlieh lane u nongbishar, ha uba ngi donkam

ban don ki lyngdoh lane nongiasaid na ka bynta jong ngi. Hynrei ia kano kano ka lait ka let ba ngi leh ka jingmap ka wan na u shisien ba ngi la panmap na u. U Elei u map ia kawei pa kawei ka pop la rit ne khraw. U lah ruh ban seng sympat ia ngi bad pynshitom lada ngim pan map na u.

U Briew u long u jingthaw jong u Blei bad la pun la kha ia u da ka jingkyrkhu u Blei. Ka jingim jong u ha pyrthei ka long ban pynroi ia la ka longbriew manbriew. Ka jingim ba bha ka shu kut tang halade bad kam dei ka lad shu ka thong kaba kut. Ka jingim ka long ka lieng jong ka jingieit ia baroh kaba khuid bad ba shisha. Ka jingim ka long kum ka jingrwai sha u Blei, kum u Nongthaw. Ka jingim babha ka long ka jingknia kaba bha tam sha u Blei, ka long ka jingsngewnguh na ka bynta kiei kiei baroh kiba phylla ba u Blei u la leh. Ka jingim babha ka long ban leh, ban kren bad ban kamai hok.

Kat kum u H. O. Mawrie, ia ka niam khasi la pynshong nongrim ha ka 'Nia' bad ha ka 'Jutang; Ka daw ka long na u Blei hi uba long ka daw, hynrei ka nia ka long ka jong u briew. Dei halor ka daw ba u briew u pynshong nongrim ia ka nja bad kane ka nia ka tep lut ia baroh ka jingiadei jong u bad u Blei. Dei halor ka Na ba u briew u pynshong nongrim ia ka Jutang kaba kynthup ia ki jingiadei baroh bad u Blei. Ki kyntien khmat ha

shuwa ban sdang ia baroh ki niam ki rukom  
bad ki jingknia ki long :-

“Hei’ nga ieng da ka Nia  
Bad da ka Jutang  
Naduh basdang jong ki sngi.”<sup>5</sup>

U khasi ha ka niam jong u um ju leit  
sha u Blei khlem ka nia bad u Blei ruh un  
ym shah shkor ia u khlem ka daw kaba biang.  
Ia kawei pa kawei ka jingduwai la pynshong  
nongrim halor ka nia bad ka Jutang. Kumba  
ju long hi ka phangpdeng jong ka rukom  
ka dustur ka long ba shisien ba la don ka  
jingpynkhein ia ka jutang ka don beit ka  
jingbuh bujli da u Blei ha ka jingim jong  
u briew, ka don ruh ka jingphai lyndet jong  
u Blei uba dei ban siewspah ia kaci ba u la leh.

Ka niam khasi ka hikai ia ngi ba u briew  
u wan beit da ka jingtyrwa ha ka rukom  
ka Jutang un mane ia u Blei bad u Blei hi  
tang ma u bad katba im u briew u dei ban  
leh hok, ia id hok namar u wan sha pyrthei  
ban kamai ia ka hok. Ka hikai ruh ia ka jing-  
hikai shongtynrai jong ki jingsaitpap, kata ka  
long “Ieng Rangbah u Briew, Ap jutang u Blei.”  
To ngin ia phai mynta sha ka jingbatai jong  
u Bah H. O. Mawrie shaphang ka jingiadei  
jong u briew bad ka N’ariang.

“U Khasi u im bad ka Mariang bad ka  
Mariang ka im bad u. Bad ka u khih, u  
ia id u ieng bad ka ruh ka kren, ka iathuh-

khana bad ka cain dur ia ka jingmut jingpyrkhat jong u. Haba u bishar ia kiei kiei baroh kiba don ha ka kum ki mrad ki mreng, ki sim ki doh, ki syntiew ki skud, ki phlang ki kynbat bad kiwei kiwei u iohi ba ki don ki jinglong jingim kiba pher ba pher bad kine ki jinglong jingim jong ki ki ring ia ka jingmut jingpyrkhat jong u namar ba ki phalang ia ki jinglong jingim ba pher ba pher kiba don ha u briew Ki don na ki kiba ai mynsiem hynrei ki don ruh, kiba pyndiaw namar ki pyni ia ka jinghiar kyrdan jong ka jinglongbriew.”<sup>6</sup>

Khnanng ba ngin sngewthuh kham bha shuh shuh shaphang ki jinghikai ba ngi ioh na ka Mariang, ngan iathuh kawei ka khatatang shaphang ka “Iewma” kaba don ha Nong'ang hapoh ka Hima Maharam ha West Khasi Hills District.

La don kawei ka khana pateng kaba pawnam bha ha ki thain jong ka hima Maharam bad ka hima Mawiang jong ka West Khasi Hills bad kata ka long shaphang ka jingialeh thma bakhrav hapdeng u Symper Nongsynrih bad u Symper Kmawin kiba dang reng rymmu'n haduh kine ki sngi. Uwei shaphang Mihngi bad uwei pat shaphang Sepngi jong ka Maharam Syiemship. Ia kine ki radbah la tip kum u Lum Symper Nongsynrih uba don ha ka shnong Nongsynrih kaba don shatei lam sepngi bad u Lum Symper Kmawan uba don ha ka shnong Kmawan kaba don

shatei lam Mihngi jong ka h'ina Maharam.  
 Ka jingdon jong kine ki lum ka la pynphuh  
 pynphieng bad pynpawnam ia kane ka thain  
 barch kawei bad ki long ruh napdeng ki  
 lum ba pawnam jong ka West Khasi Hills  
 District. Kine baroh ariylli ki don ki khlaw  
 ba rben ha ki ranab lum jong ki bad ki  
 sdang da ka juh ka kyrteng "Symper" kaba  
 mut u syntai lum. Ha kine ki thain ki niew  
 ia ki kum ki ryngkew, ki basa bad ki 'lei'  
 khyrdop ki 'lei' kharai kiba long ki nong-  
 iada na ki jingnang ki jingshitom jong u  
 khun bynriew. Ha ki por hyndai hynthai ki  
 briew ki ju buh u phan u kyrpad ha kine  
 ki lum. Haduh mynta mynne ruh la njew kyn-  
 tang ia ki khlaw kiba don ha ranab jong  
 kine ki lum. Ka long ruh kaba khring ia ki  
 nongleit jingleit ban kiew halor jong kine  
 ki lum bad ka long kaba sngewtynnad bha  
 ban iaid pyngngad. Ka jingdon jong kine ki  
 lum ka khring ia bun bah ki briew na kyl-  
 leng ka ri Khasi bad na kiwei ruh ban wan  
 kiew bad peitkai (halor jong kine ki lum)  
 khamtam eh ha ka por Synrai kaba long ka  
 aiom ba sngewtynnad eh ha kine ki thain.  
 La kum ban rwai myllung kumne :-

Ko Symper Kmawan baieit ki blei,  
 Ban peit sha me mynsiem ka shlei;  
 Ko Symper Nongsynrih ba pyngngad,  
 Pyrthei ia me ka peit siar khmat.

Ah lada ngan don thapniang ban her,  
 Kum ka pukni ha ki saw lyer;



Ha kliar ki lum jong ka ri kh'si,  
Jingstad ban wad bad ban iai jngi.

Ki khasi hyndai ki niew ia u Symper  
Kmawan bad ia u Symper Nongsynrih kum  
ki basa ki ryngkew ba kham kongsan ha ka  
ri Khasi. Kire ki lum ki iasyriem ha ka dur  
ka dar bad kiba ieit kylliang uwei ia uwei  
pat bad kim ju ia bishoi. ki trei ki ktah ha  
la ka jorg ka jong ka jaka.

Ha ka jingiaid jong ka' per u Kmawan  
u la pyrkhath sngewthuh ba u la pura karta  
bad u la pyrkhath ban leit iing briew noh. U  
la dap ryngkew bha la kum u 'Nai khadsaw-  
synia bad kumta u la pyrkhath ban don noh  
la ka Nongsumar bad la ka iing ka sem lajong.  
U kpa jong u ruh u la sngewthuh stai ia  
kane ka jingiong kynieh marwei jong u khun.  
Kumta u la sda'g kylli pyrtnew ia kum kano  
ka thei bhabriew kaba biang bad iahap tar  
bad u Kmawan. U kpa u la leit shane shatai  
ban wad jingtip na ki kha ki man, ki kur  
ki jait ki ban iarap ha kane ka kam wad  
silud. Ha kaba khatduh u la ia kynduh ia u  
Kyllai Lyngsngun ba u don ka khun samla  
kaba bhabriew bad kaba iadei dur bad u  
Kmawan. Ka kyrteng jong kata ka khun u  
Kyllai Lyngsngun ka dei ka lewma. Katkum  
ka rukom ka dustur ki kmie ki kpa baroh  
arlang mamla ki la pyniateh ktien ia kine  
arngut ki samla radien ba ki la jakhein ia woh  
ia ki ain ka shongkha shongman ba ym don  
kano kano ka jingwit bad ba ki iadei bakha bha.

Tang hadien kumba artajew ei ei la pyn-  
 iakhain (iathoh samla) ia u Symper Kmawan  
 bad ka Iewma. Ha kane ka jingpyniakhain  
 ia kine arngut ki khun bhabriew ki blei la  
 khot sngewbha lut ia kiba haiing ha sem bad  
 ki lok ki jor jong ki arliang kha, kiba kham  
 pawnam na kita kiba la poi sha ka jingia-  
 teh jutang ki long u Basa Sakwang, ka Lyng-  
 doh Marshilong, u Tynriang, u Mawthadrai-  
 shan, u Iawpaw, ka Rilang, ka Kynshi bad  
 kiwei kiwei de. Ka jingpyniakhain ka long  
 ha ka por sluteng synja ha kaba ka pyrthei  
 mariang ka kynjah jar jar. Ha kum kane ka  
 jingleh niam ki ju don ka jingialeit tan lynti  
 na ka liang ka Iewma bad kiba ha iing ia  
 u Kmawan lem bad ki kur ki jait bad ki  
 kha ki man jong u. Baroh arliang kha ki  
 tem da ki ksing ki nakra, ki iashad bad ki  
 iarwai phawer sngewbha lynter lynti haduh ba  
 kin da poi ha kata ka jaka ba la iakut ban ia  
 shem lang ki da ia kren ia khana shuwa  
 baroh arliang kha, ki da ia songkwai kyliang  
 bad ki da pynmih mar uwei u ksiang ban  
 iasaid nia bad ia smai ia tang ba kam don  
 kano kano ka jingwit ha kane ka shongkha  
 shongman jong kine ki khun samla. Ka kur  
 jong u Krawan ka la pynmih ksiang da u  
 Basa Sakwang hynrei ka kur jong ka Iewma  
 pat da u Iawpaw. Hadien ka jingiakren niam  
 ia kren rukom jong kine arngut ki ksiang ki  
 la ia sngewhun jrut baroh arliang bad ki sa  
 ia leit noh sha iing ka Iewma. Ha lynti na-  
 duh ka them Nonglang kaba khot ka Phud-  
 tyaid haduh ban poi sha iing u Kyllai-

Lyngsngun ka dap tang da ki jingrisa jing-iakmen suda.

Tang shu poi ha iing jong u Kyllai Lyngsngun, ki kparad ki kmierad jong ka Iewma ki la pdiang sngewbha ia u Symper Kmawan lem bad ia ki kongor jongu. Ki la pyndep ia ki niam ki rulom bad ka suit ka shor da ka iadum iadrod ha iing ka Iewma. Ka jingkmien ka jingsngewbha hangne ka bym lah ong shuh haba ki iohi ia ka jingiateh jutang bad ia ai synjat hapdeng u Kmawan bad ka Iewma. Ki iadih ki iatam sngewbha baroh shimiet haduh ban da shai. Kumta la pynbna ha u Symper Kmawan bad ka Iewma ki la ialong shi tnga.

Kumba shi snem tam ei ei u Symper u la iashong iasah lang bad ka Iewma ha iing u kthaw jong u u Kyllai Lyngsngun. Ki la ia kren sngewthuh lang ba namar ka Iewma ka dei ka khun heh te ka la dei ka por ba kin iamih iing nob. U Symper Kmawan u la ialam noh ia ka Iewma ha ka shnong Nonglang hajan Mawkyrwat ki la im suk im sain hangta bad la burom da ki khun bynriew satlak. Ki ruh ki kloi ban iarap ban iada ia ki khun bynriew na ki nongshun bad ki bor basniew. Ha kawei ka sngi u Symper Kmawan u la dei ban leit jngoh ia la u kpa uba la tym-men bha, uba don hapdeng ka jingpang suhot kaba jur eh, khlem da ialam ia kaba icit namar ka dei ban peit ia ka ing ka sem haduh ba un da wan shuwa ma u shisien bad

ynda la ioh nongaping kin sa ia leit lang  
 pat. Shuwa ba un mih na la iing u la ai  
 jingmut ia ka ba kam dei ban leit shong-  
 kai shane shatai bad kam dei ruh ban shah  
 iano iano ban wan shongkai haba ka don  
 tang marwei. Ka lewma kum ka puriblei ka  
 ju kohnguh bad shahshkor barohor ia ka  
 jingpyni jong u tnga jong ka U Kmawan u  
 la mih na la iing da ka jingsngewtmang bad  
 jingsngew artatien hynrei ha la myrsiem u la  
 ong ba u dei ban leit la ka leit katba ka  
 long katba ka jia. Shuwa ba un mih u la synriah  
 kumta ka la nang pynshaiong ia u, hynrei  
 ka jingleit ka long kaba kyrkich um dei ban  
 pyntud ia ka.

U Symper Kmawan u lap ia la u kpa  
 ba u don hapdeng ka jingpang kaba jur bha  
 Baroh ki dawai ki dashin, ki jingknia ki jing-  
 khriam ki long lehnohei, kin lah satia ban  
 pynkoit ia ka jingpang na ka met jong u kpa  
 U Kmawan u ia ioh ban sumar ia la u kpa  
 kumba lai ne saw sngi, bad hadien kata u  
 la khlad noh na kane ka pyrthei. U Kmawan  
 u long u khun marwei jong ka iing, namar-  
 kata, u la dei ban pyniaid bad ban pyndep  
 ma u ia baroh ki kam iing kam sem bad ki  
 niam ki rukom kiba iadei bad ka jingpyn-  
 dep ia ka jingthang ia ka metiap u kpa jong  
 u ryngkat bad kiba ha iing ha sem. Kumta  
 u la sah kumba shitaiew tam ei ei ban pyn-  
 khuid ia ki kam ki jam baroh.

Ha ka jingbymdon u Kmawan, ka tnga  
 jong u ka sngewtmang bad kynjah shibun,

ka b n jingmut jingpyrkhat shaphang la u tnga  
 had la u kthaw kurim kaei ka ban jia. U  
 Symper Nongsynrih u la wan jngoh bad  
 slongkai ha iing ka lewma. Ka lewma ka long  
 ka puri blei ba bhabriew tam Kumta u  
 Nongsynrih u la ibha ia ka. Ka lewma ka la  
 kynmaw ia ka jingsneng jong u tnga jong  
 ka namarkata ka la ialeh ban ym shah ia u  
 Nongsynrih ban rung sha iing. U Symper  
 Nongsynrih u la khroh bad ong ia ka ba u  
 den ka khubor kaba sagewsih shaphang u  
 tnga jong ka. U la ong ba lada ka shah  
 rung sha iing, un sa iathuh ia kata kaba la jia.

Ha ka jinglong kynthei batlot ka la shah  
 ia u Nongsynrih ban rung shapoh iing bad  
 ban iathuh ia kaei kaba la jia baroh. U  
 Nongsynrih u la angnud ban ioh ia ka lewma  
 kumta u la iathuh thok ha ka ba u tnga  
 jong ka u Kmawan u la iap namar ba u la  
 ioh ka jingpang kaba ia bit na u kpa jong  
 u. Ka lewma ka tang shu iohsngew ia kata  
 ka jingjia ka la dum ka bneng bad ka la  
 iam bad lynniar lympat ialade. Kumta u  
 Nongsynrih ha kane ka por u la ioh ka kabu  
 ban pyntngen bad syrpuđ syrpaı ia ka lewma  
 kaba dangiam sagewsih kthang ia la uba iet.  
 Hadien kata, ka lewma ka la pdiang noh  
 ia u Nongsynrih kum u tnga thymmai jong  
 ka uba la pyntngen bad pynhun mynsiem ha  
 kum kane ka jinglanot bad jingkynjah.

Hadien lai sngi jong ka jingiashong jong  
 u Nongsynrih bad ka lewma, u Kmawan u

la wan phai sha ka jaka ba sah ka tnga iong u. Kyndit hangta u la shem ia u Nongsynrih ba u dang dih duma sadlai ha dpei. U Kmawan u la kylli na ka Iewma ia kiei kiei kiba la jia. Haba u la sngewthuh ba u Nongsynrih u la klim ia ka Iewma, da ka jingbitar lep u Kmawan u la kynjat eh na ka ingdong jong u Nongsynrih haduh ba u la thung baji ha dwar bad u sa pbet noh sha la ka jong ka jaka, u da iebroh ia la u smuk ba heh hajan ka krem Iewma bad u ba dang don haduh kine ki sngi. Kumta ka thma ka la sdang bapdeng jong u Kmawan bad u Nongsynrih. Ki la ias dang ban iasiat da ki ryntieh da ki khnam pyrshah uwei ia uwei pat khlem sangeh haduh khyndai sngi bad khyndai miet.

Ha kaba khatduh eh jong ka jingiakhun jong ki, u Symper Kmawan u la jop thiaw ia u Symper Nongsynrih. Ka jingjop ka long jong u Symper Kmawan namar u don ka daw kaba biang katba u Symper Nongsynrih pat u dei hok ban rem namar u don ha ka jingbakla. U Symper Nongsynrih u la shah rem ha ka jingkhlemrain, kumta u la kyllon bad syntuid noh ba trai jong u lum kum uba la shah jop ha khmat ka pyrthei. U Kmawan pat u la leit shong noh ha la ka jong ka iing, u da ieng bad ka khmat kaba phuhsamrkhie wat la u la duh noh ia la kaba ieit.

Ka jingjop jong u Symper Kmawan ka ai mynsiem shibun ia ki briew ba ki dei ban

im hok bad leh hok ha kane ka pyrthei. Katba ka jingkvllon jong u Symper Nongsynrih ka pynkynnaw ia ngi ba ngi dei ban kiar im kiar iap na ki kam dakait kum ka pop klim bad kiwei ki jait jingsniew ki ban pynjah burom bad pynkhlemrain ia ka jingim jong ngi.

U Bah H. O. Mawrie u pynpaw kumno ka Mariang ka hikai bad ialam ia u briew ha ka jingim ba man la ka sngi jong u. U briew um lah da lilei ban ia shongkhlad bad ka Mariang. U ioh jinghikai bad jingnang jingstad na ka, u tip ia ka ban sa jia lyngba ki dak ki shin kiba don ha ka Mariang. Kum ba shu ai nuksa, ka ju don ka jingthohdak 'niangriang ha ki maw bad ki dieng kiba don harud wah ban iathuh lypa ba ka wah kan sa jylliew ne jyndong kat kum ba la thoh da ka niangriang. Kane ka iarap ban tip ba u slap un sa jur ne duna ha kata ka snem. U Bah H. O. Mawrie u ong:

"Ka Mariang ia u Khasi ka biang nadong shadong. Ia u Khasi ka Mariang ka long kum ka skul bah bad ha ka u pule bad shah hikai ialade. Ia ka jinghikai bad ka jingstad kaba u ioh na ka u pyndonkam ha ka jingim jong u kaba man la ka sngi. U peit shin bad u bishar bniah ia kiei kiei kiba don ha ka, u lum bad u kynshew ia kiei kiei kiba u iohi khnang ba kin long ka jingiarap ia u ha ki jingdonkam baroh. Ka Mariang ia u ka long ka hospital bah bad ha ka ki

don ki dawai ki dashin kibi biang ki ban iarap ia u ban pynkoit pynjem ia kino kino ki jingpang bad jingshitom ka met. Ka dawai bad ka nia ki ia ia id ryngkat ryngkat bad um ju dukha ialade. U shong suk kynjai ha la ka Ri bad u im suk im sain ha ka jingkdup jong ka Mariang.”<sup>7</sup>

Kumta ka Mariang ha u Khasi ka long ka baje bad ka kalendar ban peit ia ka por, ki sngi, ki bnai bad ki snem lyngba ki jingthung jingtep bad ki phlang ki kynbat. Ki sngewthuh da ka jingpah jong ki sim ba kim dei ban tur sha kata ka phang namar ba don ki nongshun kum ki nongshohnoh briew ne nonglute. U ioh jingiarap na ka Mariang ha ka pang ka jhia lyngba ki dawai kynbat bad u ioh jingtngen na ka jingdon jong ki dieng ki siej ki khlaw ki btap. Kumta lah ban shem ba ki kti ba sbun jong ka Mei Mariang ka dap lut ia baroh. U briew namarkata, u la dei ban sumar bha ban bud beit ia ki ain ki kanun jong ka Mariang. U la dei ban ieit, ban sngewnguh bad ban burom ia ka Mei Mariang. Ka Mariang ka long ka kti kamon ka kti kadiang jong u. Te u briew u la dei ban long u nongiada, u nongsumar, ne nongpynphuh pynphieng ym kum u nongpynjot ne nongpyntroin ia ka Mariang.

U Khasi naduh ba la kha ia u ha ka pyrthei la pynsan pynrangbah ia u bad haduh ban da khlad noh na ka pyrthei u im ha ki



pneh jong ka Mei Mariang. La kha ia u rangkat bad kiei kiei ki jong la Mariang. U san u plong ha ki jingham jingdih kiba don kyrhai ha ka Mariang. Ka sur ba u kien ki jingpuson ba bun jait, ka jingie it ka jing-sbun bad ka jingiatiplem kiba u don, ka jingstad ba u shem, ka burom ba u ioh, ka jingkyrmen ia ka lawci, ka jugmyllung jong ka mynsiem, ka jingashongkha slongman ba u tud, ka jingnet ha u Blei Trai Kynrad bad ka longrynieng jong u hi kine baroh ki long kiba la pyrsad mynsiem da ka Mariang.

### References

1. Kynpham Singh. **A Collection of Poems**, 'Spring' 1979, p. 7.
2. Lucy S. Crawford, **The Philosophy of Emile Boutroux**, New York, Longmans, Green and Company, 1924, p. 100.
3. Durkheim, **Education and Sociology**, p. 211.
4. Jaitdkhar, S. C. Roy, **Ka Niam ki Khasi**, Ri Khasi Press, 1919, p. 3.
5. Mawrie, H.O., **The Essence of the Khasi Religion**, Ri Khasi Press, 1981, p. 36-37.
6. Mawrie, H.O. **Ka Pyrkhat u Khasi**, Nong-krem, 1972, p. 82.
7. Ibid. p. 91.

## LYNNONG III

### U Hume, Rigveda bad ki Khasi

Ha ka lynnong ba mynshuwa nga la pyrshang ban pyni ia ka jingiatylli hapdeng ka rukom pyrkhath u Khasi ia ka Mariang bad ka Kolshor kaba shong tynrai ha ki khana pateng bad ki jingngeit niam jong u. Ka niam jong u ka ai ia ka nongrim kaba biang khnang ban niew burom ia u briew bad ia ka Mariang. Don katto katne ki stad pyrkhath na ri sepngi kiba la pyrshang ban pynphrung ia ka mariang hapoh ka ryosan baiar jong ka Kolshor. Ka nuksa ba kham paw ka long ba ka mariang ka long ba la pynlong bad thawdur da u Blei hi. Ia kane la batai bniah da u David Hume bad ngan kdew lyngkot hangne khyndiat.

Ha ka kot jong u David Hume kaba la ai kyrteng **Dialogues Concerning Natural Religion**, u Cleanthes u kdew ba ka jingpuson shaphang ka pyrthei mariang (Cosmos) ka hikai ia ngi ba kane ka pyrthei mariang ka long ka kor kaba heh ba la pynbynta ha ki kor kiba kham rit. Kine ki kor ki bor ki treikam ha ka jingbuhbeit bad jingbuhryntih. Ia kine lah ban batai tang lada ngeit ba la ohdur da ka bor jingstad kaba sha lyndet na u briew hynrei ha ka tynrai kam da ia pher na u briew. Ha kane ka rukom ka pyni ba

ka jingdon jong u Blei ka long ka Nongrim ba kongsan haba puson shaphang ka mariang bad une u Blei u long syriem hi kum ka mynsiem briew. Kane ka kdew ba ka niam ba la pynshong nongrim ha ka mariang ka long ba dei ban mane ia uta u nongthaw Nong-pynlong.

Ha ka Dialogues Concerning Natural Religion, u Hume u tih nia bha halor ka nongrim jong ka Niam ba la pynshong lyngngeit ha ka mariang. Kat kum u Hume don ka jingiapher hapdeng ka Niam mariang (Natural Religion) bad ka niam ba la pynpaw (Revealed Religion) kat kum kine ki mat harum :-

Ia ka niam ba la pynshong nongrim ha kiei kiei jong ka mariang la pynshong nongrim halor ka Nia katba ia ka niam ba la pynpaw la pynshong nonerim halor ka jingpynpaw lyngba ki riewkhuid, ki prophets, ki nongiohi jngai bad ki riewblei. Kum ka nuksa, U Blei u la paw ha u Moses halor u lum Sinai. Ka nongrim ha ka niam mariang ka long ba ia ka jingdon u Blei la pynshisha da ka jingtibnia. Kane ka long kaba eh namar ba lada ka jubab ka long 'em' te ym lah ban don Niam Mariang ne ka niam kat kum ka nia (rational Religion). U kdew ia kajuh ka phang ha ka Section jong ka kot jong u kaba kyrteng "Enquiry Concerning Human understanding", bad i kumba u kren da khongpong. Hynrei ha ki dialogues ka long kaba eh ban rai ia ka jubab jong u. Don lai ngut

ki nongkren ba kongsan ha ka Dialogues U Demeo, U Philo bad u Cleanthes. Hynrei U Hume um shym la pynpaw shynna ia lade ba u dei uno na kine ki lai ugut kiba ia shim bynta ha kane ka lypung iatainia. Kumta la don ka jingbymlahrai halor kane ka mat. uno na kine ki lai ugut u dei u nongmih-khmat jong u Hume ha ka dialogue. Katto katne ki shim ba dei u Philo bad katto katne pat ki ngeit ha dei u Cleanthes uba long u Nongkren na ka bynta u Hume. U Philo um lah ban long u nongmih buji ia u Hume namar ba u Philo u ngeit ha u Blei katba u Hume pat um shym ngeit ha u Blei. U Cleanthes ruh um lah ban long u nongmih buji jong u namar ba u ngeit ba u lah ban pynshisha ia ka jingdon u Blei da ka nia kaba biang katba u Hume u kren bein ia kum kane ka jait.

Ka dialogue ka sdang na ka jingtainia (argument) shaphang ki dak ki shin (design) kiba paw ha ka mariang. U Cleanthes u pyrshang ban tihna ba u Blei u don lyrgba ka jingpeit thuh na ki dak ki shin bad ki jingiaid beit iaid ryntih ha ka mariang.

Ha ka part II jong ka Dialogue, u Cleanthes u pynieng nia da kaba buh katto katne ki mat halor ki dak ki shin (design). U pyniasyriem ia ka pyrthei bad ka machine kaba khraw. U kdew ba ki jait jingpynlong baroh ha ka mariang ki ia wan dur hi kum ki jingshna jong u briew. U ringnia ba ki jingmih

(effect) ki ia syriem kawei ia kawei pat kum juh ruh ki daw (causes) ki iasyriem kawei ia kawei pat. Nangne u ringnia ha u Nongthaw ia ka mariang u ia syriem ia ka jingmut jong u briew. U Cleanthes, namarkata u kam ba lah eh ban pynshisha ia ka jingdon u Blei da ka jngianujor bad ki jingthaw jingshna jong u briew.

U Cleanthes u ong ba ka iing ka kdew sha u nongshna, bad u kam leit ba ka jingringnia na ki dak ki shin kam long kaba shu tharai ne shu antad. U Philo u ong ba kane ka jingring nia kam shym long kat kum ka jingpynshougnia halor ki jingshisha. U ainia ba ka jingiaidbeit ia id ryutij ha ka mariang kim lah ban pynshisha ba don u tynrai nongpynlong, dei tang ki jingshisha (experience) lane ki jingshem kiba lah ban pynshisha ba don u tynrai ba kynja mynsiem. Ka ru lom ringnia kat kum u Philo ka long kunne: Baroh ki jingringnia shaphang ka jingshisha la pynshong nongrim halor ki jingshem ia ka jingshisha. Kano kano ka jingring nia ba la seng nongrim halor ka jingshem kan shu long bym thikna. Shuh shuh, ka jingtip ia ka shi bynta kam lah ban ai jingtip ia ka metbah baroh kawei. Kano kano ka jingia-thuh lypa shaphang ka jingshisha ka long tang ka jingshuantad. Nangta shuh shuh u pynieng ia ka jingkylli 'hato lah mo kan pyniasyriem ia ka iing mawit bad ka jingpynlong ia ka pyrtnei?' Ka jinglong jong ka mynsiem briew bad ka jingshemphang jong u Blei ki iapher.

Ki lynti jong u kim dei ki lynti jong ngi. U don ki jinglong ba jauai, ka bym lah ban shemphang, ka bymkut shuh kaiba ngi ngi long kiba kut noh. Barch ki jingshemphang kiba ngi ioh na ki bor tiotuh (senses) ki long kiba lakla bad ba sbet shukor, bad namari ata lah ban don ha ka jingmut jong uba ha khlieh tam eh. Kumta bin pynsyriem ia ka jingmut briew bad ka jingmut Blei ka long kaba bakla.

Ia u Cleanthes ym shyu lah ban pynsangeh da ka jingbymngeit jong u Philo. U ong ba ka nia na ka bynta ka Niam ba la seng ha ka marang ka ioh bor na ka jingbymngeit (scepticism) ha ka jaka ban shah pyntroin. Kat kum ma u ka jingpynlong ia ka khmat bad ka jingiaid be't jong ka ka kdew ia ka jingiaid ryntih bad kaba donbor. U da woh ruh ia ka nia jong u Demea ba ka jinglong jong u Blei kam don ka jingsyriem bad ka jinglong briew.

Ka jingshim jingsyriem ia u briew da u Cleanthes ka pynmih jingeh ia u Philo. U ong ba ka daw tynrai jong ka pyrthei ba kynja doh kam long ka pyrthei ba janai. Ka nia jong u ka ia'id kumne : lada ka pyrthei ba kynja doh ka shong halor ka pyrthei ba kynja mynsiem, kane ka pyrthei ba kynja mynsiem ka dei ban shong halor jong kawei pat bad kumta ter ter khlem kut shuh. U ai jingmut ba ka kham bha ban nym peit shuh sha lyndet ka pyrthei ba kynja doh (material world).

Ban shu ong ba ki jingmut ba pher ba pher kiba pynlong ia ka nia ba don Blei ki hap hapoh ka jingbuhryntih da lade kam don jingmut ei ei ruh em. U ong ba ki don ki sakhi kiba shai ba ki jingmut ki hap hapoh ka jingiaid ryntih khlem kano kano ka daw. U thikna ba kaba long met (matter) ka don kane ka jait jingbuh ryntih. U kubur ba don ki nuksa jong ki jingbymryntih ha ki jingmut (ideas) bad ka met (matter) kum ha ka rukom ka jinglanwir bad ka jingtlor noh (decay).

Katba u Cleanthes u jaiban ia ka nia la jong u thikna ba ka jingryntih bad ka jingiaid beit ha ka mariang ka kdew sha u nongshna bad u nongpynlong uba tbit. U Philo u pyrshah ia ka jingriagnia jong u Cleanthes kaba u ong ba la seng norgrim halor ka nongrim, kumba long ki jingmih (effects) kumta ruh ki daw ki long. U da thir nia bha shaphang ka jingngeit blei kaba da iohmad u da ong ba ka long kaba shu antad khlem da thikna bha. Bad kane, ha u, ka pyntlot bor ia ka jingshimdur na ki briew (anthromorphism) ba la kdup da u Cleanthes. U Philo u thainia ba ki jingshem ba thymmai ka science ka kdew sha ka daw tynrai bah jong baroh kaba ia pher na u briew bad na kino kino ki jingshem ne jingpeit-thuh jong u briew.

Ia ka jingujor pyrshah jong u Philo lah ban kdew na kine ki daw harum : Bun ki



briew ki iasnoh kti lang ban tei ia ka iing. Lada ki jingthaw ba bieit bad ba sniew kum ki briew ki lah ban iatrei lang ban pyniaid ia la kam, katno tam lei lei ki blei kin kham lah bun shah ban thaw ia kane ka pyrtnei. Ia kane lah ban kyntait namar ba katkum ka jingmut dur ba mynshuwa, don tang uwei u Blei bad tang kawti ka daw jong ka jingpynlong. Nalorkta u briew uba dei ban iap u pynthymmai ia la ka jait ka kynja man la ka pateng. Kan jin da la kham bha ban shim ia ka jinglong kum ki briew bad ban ong ba u Blei u long ba kynja doh (corporeal). Kane ka jingmutdur ka pynmh la ka jingantad ba ka pyrtnei marang (universe) ka mih na ki dak ki shin (design) Kane ka pyrtnei ka long ka hym janai, la khein ba ia ka pyrtnei la pynmh ym tang da uwei u blei. Haduh kane ka kynti u Philo u pynmh sa da kawei pat ka jingantad. (hypothesis).

U ong ba ka pyrtnei ka long u mrad bad u Blei u long ka mynsiem. Kane ka jait ba thymmai jong ka jingringnia na ki briew, kat kum u Philo. Dei ban kren shynna ba ka pyrtnei marang ka long syriem kum ka met u brew kaba trei ia kum ki kam u briew hi, lada ka jingpynsyriem dur ka rit katba ka rit ruh, kane ka jingringnia i kumba ka kam ba ka pyrtnei ba kynja doh (material world) ka long ka met jong u Blei.

U Cleanthes u kyntait ia kane ka jingringdur bad u ong lada ka pyrtnei ka kham ia-

syriem 'a u mrad bad ia ki jingthung ban ia ka jingshna jong u briew, te ka daw jingpynlong ba kham lah ban ia syriem ia u mrad ban ia u briew bad ba ka jingseng nonrini ka lah ban long na ka Nia (Reason) ban ia na ki dak ki shin (design).

U Philo u bteng da ka jingiaiban ia ki jingjia ba man ka sugi (experience) jongngi ki long ki bym janai la ha ka jingiar ne ka jingnehslem, kim lah ban ai ia ngi ia ka jingantad kaba biang shaphang ka tynrai bah jong kiei kiei. Don ka jingiaid ryntih ym tang ha ki mrad hynrei ruh ha ki jingthaw bym khih kun ha ki dieng ki siej, hynrei pat ban ong ha kane ka jingiaid ryntih ka mih na ki dak ki shin (design) ka long khlem nongrim (begging the question) ym don nia kaba thikna ban seng nongrim i kane ka phang. Ka jingiaid jong ka mariang, wat la ngi ong ha ka long bym kylla, hynrei i kumba kam long satia kumta, bad don shibun kiei kiei ki bym don jingthikna bad bun kiei kiei kiba pynpulom ia ka jingkhmih lynti jong ngi. Ka jingkoit jingkhiah bad ka jingpang, ka jingjaijai bad jingkhie eriong ryngkat bad kiwei ki jingjia bym lah niewtang kiba ym lah ban ong dei na kano ka daw ki don ka jingktah ba shyrkhei ha kino re kino ki briew. Namarkata, u jingthaw uba tip lut ia kine kiei kiei u lah da la ka mon sagewbha ban pynkylla ia kine kiei kiei sha ka jingpynbha ia u khun bynriew hynreiy m da don eh ka jingkhmih lynti kaba kum kane. Ha

kawei pat ka liang, ka paw ba ka don ka jingtyngkai kaba thikna ha kaba la iasam bynta sha ki jingthaw baroh. Uwei pa uwei u mrad u don ki jingai ba donkam, hynrei ia kine ki jingai la ai ha kata ka rukom kaba don ka jingtyngkai kaba bniah bha haduh ba lada don kano kano ka jingpynrit than eh kan wallam ia ka jingjot jong ki jingthaw. Don ka jingiarher hadeng ki jait briew: kum uba riewspah bad uba duk, uba khlain bad uba tlot, uba jrong bad uba lyngkot, uba beit bad uba kynriang, uba stad bad uba bieit bad kumta ter ter. U Phlo u kdew ruh ba ia ka mariang la pynlong da ka jingkhein kaba bniah bha ia ka jingdonkam jong ki jingthaw, bad kum u Kynrad uba pvrkhing u la ai kham bun ka bor ban ia kiei kiba donkam.

U Nongpynlong ia ka mariang u don ka bor bym lah ban batai, ym don n'a ban batai shaptang ka jingnut jong u ha kaba ia-dei bad ka jingsam bynta sha ki jingthaw baroh.

Nangta pat don katto katne ki bynta jong ka Universe kiba i kumba kum don kano kano ka jingthmu. bad ba lada pynduh noh ia ki ruh i kumta kam don jingktah ei ei ruh em ia ka metbah. Ka long kaba lah eh ban mutdur ba kat kane ka jingpynmih ba khraw kam shym la ichpdiang a ka kti kaba khadduh jong u Nongthaw. Kumta ka lyer ka iarap ia u briew ha ka jingiaid duriauw; hynrei bunsien pat don ki jingkhie eriong kiba pynlong jingma bad jingshyrkhei ia u khun-

bynriew. U slap u long uba donkam ia ka thung ka tep, hynrei pat lada u jur than u pynjot noh ia ka khamtam haba don ki jing-shlei um. Kumta kine ki jingbymiad ryntih lehse kim da khraw than haduh katta haduh ban da pynduh noh ia kino kino ki jait jingthaw, hynrei bunsien ki lah hi ban pynjot ia kiei kiei bad pynmih ia ka lanot.

Kumta lada ngin peit sawdong ia kane ka Universe ka don ka jingbym peiphang shuh la ha ki sabud bad ha ka jinglong jong u Nongthaw. Don ki bor pynjot haba ngi phai sha ka dang bad sha ka mon. Kane ka jingkhleh khaw lang jong ki sakhi kiba paw kim da lah ban pynksan ia ka nia shaphang u Blei uba lah uba iai.

Ban shu ong lyngkot, ka tarajur jong ka jingtainia kata nga la pyrshang ban buh ha khmat ka long ba na kaci kaba paw ha ka mariang ngim lah ban pynskhem ia u nongthaw uba khlem jingkut lane uba jansi. Dang don shuh shuh ka jingiatai ha kine ki por ia kane ka jingringnia na ki dak ki shin da ki Philosophers kum u John Hicks, u Tennant bad u Richard Taylor.

Ia ka jinglong ba pynsniew ka mariang, ka jingthurmur jong ki jingpynjot, ki jing-shlei um bad kiwei kiwei kiba pynjot pynduh kumba la batai da u Philo la kyntait da ki khasi. Lah ban iathew tarajur ia ka jingpynshongnia jong u khasi ia ka mariang kat kum ba nga la kdew ha ka lynong kaba Ar.

Ha u khasi hi, ym don kano kano ka jingtai nia ia ka jingdon lyngba ki jing-iaid ryntih ha ka mariang. Kat kum ka khana pateng ka don ka jingiadei kaba jan eh hapdeng u Blei, u briew bad ka mariang bad kaba bat ia kinc lai ha ka jingngeit ki khasi dei ka hok kaba iadei bad ka Rta lane ka ain jong ka Rigveda.

Katto katne ki ong bi kiba bun na ki jingrwai jong ka Rigveda ki jong ki jingrwai khot kyrpad bad pyndonburom ia ka blei ha ki por ba dei. Ka phang jong ki ka long da kaba theh lut ia la ka mynsiem, ka jingduwai ia kita ki Jingthaw bymjukut, bad ka jingkyrpad ruh ban pdiang ia ki jinganguh jong ki. Lyngba kinc, u Blei un sngew bad shahshkor ia ki jingduwai ka dohnud jong ki nongrwai. Kum ban ai nuksa, ki shispah arphewwei tylli ki jingrwai kiba don ha ka Ashtaka kaba nyngkong, laiphew hynniew tylli la rwai sha ka Agni marwei, sawphewsan la rwai sha ka Indra, khatar sha ka Maruts lane ka Iyer, khatwei sha ka Aswins, saw sha ka Step-phyrngap bad kiba sah kiwei kiwei pat.

Ki blei (kynthei bad shynrang) ba kongsan ba la shem ha ki jingrwai jong ka Rigveda ki long Surya (ka sngi), Sama (U bnai) Agni (ka ding), Dyans (ka suin bneng), Maruts (Eriong), Vayu (ka Iyer) Apas (ka um), Usas (ka step phyrngap) bad Prthivi (ka khyn-dew). Ia kine ki kyrteng la kren ha ka khana puriskam jong ka Rigveda. Ki kyrteng jong

kiwei pat ki blei ia kiba la burom kum ki  
 jingthaw bakhraw bad ba ha khlieh lyngba  
 ki kambah jongki ki long ka Aditi, Vishnu,  
 Pusan, ki arngut ki Asvins, ka Rudra bad  
 ka Purjanya. Nangta ka Savitar (ka nongai  
 ia ka jingim) bad ka Vivasvat (kaba phyrnai)  
 ki long ki kyrteng jong kiwei pat ki blei.  
 Katto katne ki blei ki la kylla long ki blei  
 ynda haba la ngam jylliew ia ki jingrwai kiba  
 hadien, kum u Visvakarman U Nongthaw ia  
 ka pyrtnei (Prajapati), Sradha (ka jingngait)  
 Manju (ka jingbitar) bad kiwei pat ki dur ba  
 pynlong briew. Na kine ki blei ba bun jait  
 ngan batai bniah ia kine ki ar tylli harum: u  
 Indra bad u Agni. U Indra u long u Blei  
 jong ki riwethma, katba u Agni pat u long  
 u Blei jong ki nongsumar iing uba iada ia  
 ka tnga bad ki khun bad uba pynroi ia ka  
 iing ka sem. U Agni u long u Kongsan ha  
 kawei pa kawei ka iing. u Agni u long ruh  
 uba iait ia ki thei samlu u lok jong ki kyn-  
 thei. Ha ka por jong ka jingknia ding u  
 Agni u long u kyrteng hadeng ki blei bad  
 u nongiap. Ia u Agni teng teng la khot u  
 Masidab uba don ki tyngam kiba nep uba  
 nguid tylli ia ki khlaw ki btap, u ot noh ia ki  
 shniuh (ki phlang ki kynbat) jong ka khyndew.  
 u Agni u don lai tylli ki jaka, ha sunbneng  
 u long ka ding jong ka sngi, ha khyndew la  
 wallam da ki nongiap artylli ki lyngkhot  
 dieng bad ha um la kha ia u kum ka Lei-lieh.  
 Ia u Agni ha ka Rigveda la khot u khun  
 jong ka jingkhlain bor.

Kane harum ka long ka jingduwai ba la duwai ha u Blei Indra ban iarp ia ki briew ban roi ha ka jingim bad ban lait na bafoh ki bor jingsniew kum, ka nemsniew, ka khlam bad ki jingpang ba lai phewjait.

“Lada nga ka Indra, ngan long kum mame u Trai jong baroh ki jingbha, u nongmane jong nga un nym duh ia u paid ban khot la u jong.

Ki jingknia ngan tyrwa ha u ha u nongrwai ba stad to theh ki jingkyrkhu. Lada nga ngan long kum mame, u Trai jong ka bor u Kynrad jong ki jingri jingdup baroh.”<sup>1</sup>

Kumjuh ruh, u nongrwai iarah sha u Agni, uba la niew ba u long u Kongsan jong kawei pa kawei ka iing, u khun jong ka bor bad uba iada ia ki briew na ki jingduk jingkyrduh bad na ki jingma kumne harum:

“Lada me long uba iap ko Agni, bad nga long u bym iap me long u khun jong ka bor, kum u Mitra, ha uba ngi ai jingknia. Ia me ngan nym tyrwa ia ka jingkoit, u blei u bha. u nongmane jong nga um dei ban shah ha ka jingduk. lane ban lyndet ne pynma.”<sup>2</sup>

Kawei pat ka jingrwai ba la rwai ha u Varuna, u blei jong ka um bad ka duriaw, bad uba pynshitom ia ki nongpop da ki jingpang at top.

"Ko Syiem Varuna wat pat shah ia nga  
ban leit noh sha ka iing dewbyrtha  
To isynei bad pynsah ia ka mynsiem jong  
nga, ah Trai.

Lyingba eriong, nga iid lyingba kum ka  
snep ba la pynshad kynting ha ka lyer.  
Ah Blei ba pynshai bad ba don bor,  
namar ka jintlotber nga la iaid bakla;

U nongmane jong me u shem jingthrang  
wat hapdeng ki jingshlei um bah;

Ko Varuna, wat la khraw ki palat jong  
ngi kiba ngi leh pyrshah ia u paidbah bneng  
Hapdeng jinglot hukum jongme ngi pyn-  
khein,

Ki ain jong me kim shym pynshitom ia ngi,  
Na kita ki jingryngkang jong ngi Ah Blei." 3

Ka jingrwai pat de kaba la rwai ha ka  
Step Phyrngap kum kata kaba don ka jing-  
shai ban pynshai ia baroh ki lynti bad ban  
pynsuk ia baroh ki jingthaw. Ka jingrwai ka  
kyrpad ia ka blei ban kyrkhu ia ki briew da  
ka spah ka hajar bad baniada ia ki na ba-  
roh ki jait jingshitom. Ka long ka por kaba  
dei eh ia ki briew ban mane ia kane ka  
blei ha shuwa ba kin mih na la jing:

"Ki Step-phyrnai ki mih noh kum ka  
ka burom, ki jingthata ta lieh kum ki  
jingat phyllung ki um.

Ka pynsuk ia baroh ki lynti, ban beit  
ka jingleit,



Bad katno khraw ka jingieit ka pynpaw.  
Ki lynti jongpha ki long kiba suk ha ki  
lum,

Pha don ka bor bym shah jop. ha tyng-  
shain ha ki um

Pha ka blei ha hajrong eh ryngkat bad  
ki lynti bajanai,

Ka khun jong ka bneng, to wallam ia  
ka srah sha ngi ban pynsuk—

Ko Step rhyrnap, wallam ia ka spah  
khlem khulai.

Ryngkat bad ki Masidab jong pha ban  
pynriewspah da la ka mon sngewbha.

Pha ka blei khun jong ka bneng, pha  
pynpaw

Ia la jinglong marwei haba ngi kyang  
dangstep." 4

Ka Rigveda ka niew ba kiei kiei kiba  
long met ki long ki tynrai nyngkong nyng-  
shap kiba don ha ka pyrthei. Ia ka pyrthei  
la niew ba ka long kum ka jingpynkha ia  
ka pylleng kaba per halor ki um ha man-  
shuwa eh. La ong ba kita li um ki don ha  
ki u kyrja khniang (germ) ha nyngkong eh,  
ka pylleng na kaba la mih u Visvakarma, u  
nongthaw bad u nongpynlong ia ka pyrthei,  
ki um ki la don naduh shuwa ban pynlong  
ia ka pyrthei bad la ong ba ki um ki pyn-  
kha ia u Agni. Kiwei pat ki bynta kum ka  
ding, ka lyer bad kiwei kiwei ki lynja ha  
long met, la niew ba ki long ki tynrai ba

nyngkong jong ka Universe. Nangta ki jing-khih, ka haw haw, ka por ka miet bad kiwei kiwei ki mih hadien. Na ki jingkhieh (chaos) ka Erabos bad ka miet ba iong ki mih, bad na ka Miet mih ka Sngi (day) bad ki bin bin um sngur (ether) Ha ka Rigvedic Theory ia ka jingpynlong, ia ki tynrai jingpynlong (creation process) teng teng la niew kum ki tynrai ha shuwa ka jingpynlong (procreative process) Lah ban lap ia ki ktien kum jan, sai, garbha, metas etc. U Bneng ne u Kpa jong ka suinbneng bad ka khyndew ne ka Meiramew ia kire la niew kum ki kmie ki kpa ka pyrtbei Katto kattne ki dkhoh ha ka Rigveda la khein ia ki kum ka jingtreikam (function) jong ka jingpynlong ha ka rukom kum u misteri lane u kamar lane u nongthaw khiew ba kumta u hap ban shaniah ha ka jingdon jong ki tiar bad ha ka jingstad jong uta u nongshna.

Ia ka Bneng bad ka khyndew kat kum ka Rigveda la niew ba ki long ki kmie ki kpa ym tang jong ki blei, hynrei jong ki briew kumjuh. U Myllung ha kaba sdang jong ka Rigveda, u kwah ban tip kumno la pynmih ia ka bneng bad ka khyndew. U kylli, "ka khlaw aiu, u dieng aiu, na kiba la sain dur ia ka bneng bad ka khyndew," ? Ha ka jubab la batai ia u Indra kum u nongthaw, uba la thaw dur pynitynoad lyngba ka bor bad ka jingstad. La ong ruh ba ia ka Bneng bad ia ka khyndew la thaw da kiwei pat ki blei kum u Soma. u Pusan, Dhatr, u Hiranyagarbha etc.

Ka Blei Aditi ka long jong baroh bad ka pynmih ia baroh da lade. La kam ba ka long ka tyllong ne metbah jong baroh ki kynja ba long met, ba kynja bneng, ne ba kynja pyrthei ba kynja blei bad ba kynja briew. Ka long ruh ka kmie jong ki Adityas kum u Varuna etc. La ong ba ka pyrthei ka mih na u Uttanapad, na ka khyndew pat nih ki thain: Ka Daksa ka mih na ka Aditi bad ka Aditi ka mih na ka Daksa.

Ngan batai lyngkot ia ki jinglong jong ki blei jong ka Rigveda kiba la iatrei lang ha ka jingpynlong ia ka pyrthei. Kumba la kdew, u Indra U long u Blei Nongthaw nongbuh ia uba la niew kum u nongthaw ia ka bneng bad ia ka khyndew, u nongkyrshan bad u nongbat ia ki lum buh, ki them, ki um bad ia ki bneng. Kumjuh ruh u Varuna, u nongiada ia ka ain. Ha kawei ka jaka u Surya, u blei sngi u long u nongbat u nongkyishan ia ka Suinbneng, katba ha kawei pat ka kyntien la ong u Visvakarman, u nongthaw ia ka Universe. Ia u Pusan la niew kum u nongpynmih u nongkyrsoi ia ka bneng bad ia ka pyrthei. Kumjuh ruh, ka Usa ka long kum ka blei kmie, ka nongialeh pyrshah jong u Aditi. U Agni, u blei ka dirg la ju org ba u long u Nongthaw, u nongkyrshan ia ka khyndew bad ia ka Suinbneng, bad u nongthaw ia ki bynta ha ka pyrthei bad ia ki metbneng. U Tvastr, u nongrep bad u Misteri uba tbit, la niew ia ki kum u Nongthaw ia ka pyrthei. U Visva

karman, u nongohdur ba khraw la batai ba u long u blei ba donbor ha ki rukom sain dur ba pher bapher, u blei srgi Surya u don kawei pat ka kyrteng ba la sin kum u Visvakarman. Ia ka jingong 'U Misteri ba tbit' ka thew ruh ia u Indra. Ha ki lynnong ba shadien jong ka Rigveda, u Visvakarman u kylla long kum ka dur briew. La ong ba u long kum u Blei ba iohi lut uba don ki khmat ha baroh ki liang, ki dur ki dar ki ksangti bad ki kjat. U pynmih ia ka bneng bad ia ka pyrtnei bad u bret noh ia ki da ki ksangti bad ki thapniang jong u. La niew ia u kum u kpa u nongthaw nongbuk: u tip lut ia ka pyrtnei bad ia ki kyrteng jong ki blei bapher bapher: bad u long uba im junom. Ia u Visvakarman la batai ba u long tang ma u u tvnrai ia ka jingpynlong ia ka bneng bad ia ka pyrtnei.

U Hiran-yag-arbha la ong ba u wan mih nyngkong na ka umbah kaba tap lup ia ka Universe bad kumta u thaw ia ka pyrtnei ia kiei kiei kiba la don lypa. Ka kyrteng Prajapati ka don ka jingthew sha u. La ju batai ba u long u kynrad jong baroh ki jingthaw uba kyrshan ia ka bneng bad ia ka pyrtnei, uba ai ka jingim bad ka jingring mynsiem uba long u blei jong baroh ki blei bad u hukum ia ki baroh. Ia u Savatr teng teng la ju khot u khun jong ki um. Ka Rigveda ka seng nongrim tang ia ka um kum kaei kaei kaba la don lypa naduh nyngkong nyngshap eh kaba kiwei kawei pat ki la wan

mih suki suki ha ka jaka jong ki 5 tylli ki theory jong ki Philosophy kiba bud dien.

Ha ka Purusa sukta jong ka Rigveda ngi iohi ruh ia ka jingpynshongnia shaphang u mynsiem shynrang uba la pynkylla ia lade sha ka pyrthei. Ka jingpyrkhat jong ka Rigveda shaphang U Purusa ka la sdang ban paw ha kaba nyinglong lem bad ka Prana lane ka jingring mynsiem, da ka jong ka jingim, bad nangta katto katne ki tyrnai jingpyrkhat shaphang ka mynsiem salonsar. Ia u Purusa la batai ba u don 1000 ki khlieh, ki khmat bad ki kjat kiba ia ryngkat bad ka Universe. Ki jaka bapher ki la mih na une u Purusa uba ia klum lang ryngkat bad baroh kiwei kiwei ki jingthaw ba lm bad ki jingthaw bymkhih. Ha ka bynta baar jong ka Purusa-sukta la ong ba ki blei ki tyrwa ia u Purusa kum u Langknia. Ia ka met jong u la phiah ha ki bun bynta. Ki Brahmin ki long ki shyatur jong u, ki Kshatriyas ki ksangkti jong u, ki Vaisya ki long ki lbong jong u, bad ki Sudra ki long ki kjat jong u. U Bnai u mih na ka mynsiem jong u: ka sngi na ki khmat jong u, u Indra bad u Agni na ka shyntur jong u: u Vayu na ka jingpynhiar mynsiem jong u, ka Atmosphere na u sohpet jong u: ka suinbneng na ka khlieh jong u, ka khyndew na ki kjat jong u, bad ki saw lyer na ki shkor jong u.

Ha ki katto katne ki dkhot jong ka jingrwai Nasadiya jong ka Rigveda la ong

ba ha ki rta kiba mynshuwa eh, kaba don ka mih noh na ka bym shym la don, ha kaba sdang ym shym don Atmosphere, lymne suinbneng bad ka bneng bad ka khyndew la ong ba ki long kiba la shu mih hi. La ong ba ym shym don jingiap lane jingbymiap, lymne ka sngi bad ka miet. Kiei kiei baroh ki long kumjuh tang kum ka kynja um (fluid). Ka long ka ba eh ban ong kumro la pynlong ia ka Universe. Ym don uwei ruh ha ka pyrthei bad u nongthaw jong ka. Wat u nongthaw ba ha khlieh eh jong ki bneng ruh un nym lah ban tip lut ia kiei kiei baroh.

Ngan kdew ruh hangne ia ki katto katne ki kyrteng jong ki jinglong (aspects) jong u Blei ha ka jingpyrkhat bad ka jingngeit jong ki Khasi Pnar kum ka jingpyniasyriem ia ki kyrteng jong ki blei kiba ngi shem ha ka Rigveda jong ki Hindu. Kam mut hangne ba ka don ka jingiasyriem thik ia ka Theology hapdeng ki Khasi bad ki Hindu. hynrei ka long tang ban shu pynshai ia ki kyrteng jong ki blei kiba ngi shem ha kine ar ki rukom pyrkhat. U Khasi u ngeit tang ha uwei u Blei bad ka jingdon ka jong u Blei ka paw ha ki jinglong ba pher bapher ha kaba u ju burom bad khot kyrpad ia ki. Ha ki Khasi ia ka ktien Blei la ju pyndonkam tang ha ka rukom kaba dei, ba hok, ba bha, ba shisha bad ba beit ba ryntih (positive aspects). Lada ka ia pyrshah ia kata ka jingmut ka kylla noh da kawei pat ka ktien, kum ka nuksa 'ksuid' kaba mut ka bym dei, bymhok, ba shukor

bad kiwei de (negative aspects). Kine ki long ki katto katne ki kyrteng b'lei kiba paw ha ka rukom ngeit bad pyrkhat u Khasi:

1. U Lei muluk u lei jaka, u blei nongiada ia ka hima kum u 'Lei Shyllong, ha uba ki duwai ha ka por thma ha un iada ia la ka ri.

2. U 'Lei umdih u 'lei umtong, u blei jong ka um bad ka 'Lei Sam-um, ka blei jong ka wah kum ka 'Lei Kupli, ka 'Lei Rilang, ka 'Lei Kynshi, ka 'Lei Umiam, etc.

3. U 'Lei long spah u 'Lei longphew, u blei jong la spah.

4. Ki Ryngekew ki Basa, ki blei jong ki jaka lane ki nongiada ia ka shnong ka thaw, e.g. U 'Lei Kyllang, u 'Lei Symper, ka 'Lei Iawpawka 'Lei Rapleng etc.

5. U Phan u kyipad, u nongiada ia ka long iing long sem, ia ka shnong ka thaw ne ka hima. Uba pyllait ia ki briew na ka bor jng-sniw ne na ki nusip jot ne ka pang ka jhia.

6. Ka 'Lei synshar, ka blei kaba synshar ia ka jinglong tipbriew tipblei bad ka jing-iaid beiti aid ryntih jong ki briew bad kumjuh ruh ka Universe.

7. U 'Lei long kur Long Jait, u Blei jong ka kur bad ka jait bad u 'Lei longling longsem.

8. Ki Khasi Pnar ki burom ia u Thawlang bad ka Iawbei bad u Suidnia kum ki nong iarap ia ka kur jong ki.

9. Ki Khasi ki ngeit ba ha kaba mynnyng-kong u Nongthaw u la thaw ia ka Meiramew bad ia u tnga jong ka u Basa. U Blei u la kyrkhu ia ki da kaba ai ia ki san ngut ki khun 'Ka Sngi, u Bnai, ka Um, ka Lyer bad ka Ding.

Nga la mait phang halor kitei haneng namar wat la ka puriskam shaphang ki Hyn-niew trep ka shim ia ka bynta kaba ha khlieh eh shaphang ka jingpynlong, lah ban shem ia ki jingbatai lang shaphang ka jingsdang jong ka Universe ha ka Rigveda bad hapdeng ki Khasi hyadai.

La kumno kumno ka phang kaba ha khmat eh ha kane ka lynnong ka long ban tai nia ia ka jingmut jong kane ka *Rta* namar nga iohi ia ki jingiasyriem hapdeng jong ka bad ka pyrkhath u Khasi shaphang ka *Hok*.

Ka jingmut jong ka *Rta* ka long ka jingmut ba la rim tam eh ba ka rukom pyrkhath jong ki Vedas. Ia ka *Rta* la shim na ka ktien tynrai kaba mut *ban leit*. Hynrei ka ktien r ka shai ha ki jingpyndonkam kiba hadien, kaba mut ka jaid jingleit kata ka long kaba jaid beit beit khlem sangeh, lane na ka lynti ba la buh beit. Kumta ka *Rta* kaba mih na ka ktien r ka mut kano kano ka jaka ba la buh beit kat kum ka por ba la buh. Kat kum u Rudolf Otto ka *RTA* ka wan na ka tynrai Ar, ban buh beit ban hukum ban pyniaid beit (Ki hukum jong ki Nong German).



Kum ka nongrim jong ka hukum dei ban shem ha ka jingim, ha ka iing ka sem bad ka jaid ka kynja Ka jingiar jong ka jingpyn-donkam ia ka *RFA* ka shai ha ka jingmut ba ia ki blei bad ia ki briew ruh la teh da ka.

Ka Rta ka long ka ktien kaba don ka jingiadei bad ka pyrthei mariang, kaba kdew ia ka ain ka mariang kaba trei kam ha ka jingpyniaid ia ki met bneng, ka jingiabud jong ka miet bad ka sngi bad ka jingtawiar ki aiom. Kum ka tynrai jingbuh ryntih ia ka Universe, ka pynkup ia baroh ki jingpynlong ka mariang da ka dur ba beit bad ba itynnad. Da ka jngitynnad bad jingiaid beit ka bneng bad ka pyrthei la niew ba ka long kaba wan rah ia ka jingkohaguh ia ka ain jong ka mar ang.

Ia ka *theory of Karma* la iohi ba ka paw lypa kum ka syrngiew ha ka Rta jong ka Rigveda Kumta ka Rta ka mut ka lynti ba iaid beit jong kiei kiei, ka jingmih bad jingsep jong ka sngi, ka jinglong bad jing-ngen jong u baai, ka jingiaid beit jong ki aiom bad kiwei kiwei. Ia ka jingmut jong ka la pyniar ha ki Mantras kum ban tap ym tang ia ka jingiaid beit ka mariang hynrei ia ka jingiaid beit ka longbriew manbriew ruh. Ia ki blei la khot ki nongiada ia ka Rta bad ki nongpyntrei kam ia ka Rta ki ai nong ia kiba bha bad pynshitom ia kiba sniew. kiba bha ki long kita kiba bud ia ki bynta jong ka Rta bad kiba bat ia la ki jingsmai.

U Varuna u long u blei uba peit ia ka hok ka sot jong ka Rigveda, u long u nongbat ia ka pyrthei ba kynja doh kumjuh ruh ia ka hok ka sot, U long u nongpyntrei kam ia ka hok.

Suki suki ka jingmut ba kynja pyrthei jong ka Rta kum ka ain mariang ka kylla long kum ka ain Tipbriew tipblei (Moral Law) Kane ka mut ba ia ka hok (virtue) la pyniaryngkat kyrdan ha ka pyrthei. Ka imlang sahlang ka long ka ain pyrthei mariang (physical world). Ka ain tipbriew tipblei kum ka ain mariang ka long ka tynrai ba shisha. Ka ai ia ka jingiai ialeh ba khlem kut jong ka jinglong briew ryngkat bad ka bor tipthuh ia kaba bha ne ia kaba sniew ha kajuh ka rukom kumba long ka Rta, kaba la ju niew ba ka pynmih ia ka jingitynnad bad jingryntih ha ka pyrthei ba kulmar.

Ka Rta kum ka hok ka kylla long ka dur ba shal jong ka rukom pyrkhath ha ka Vedas. Dei na ka daw jong kane ka rukom pyrkhath kaba klumlang ia ki jingiattylli jong ki rukom pyrkhath ki myllung. Baroh ki ia mynjour lang :-

"U briew u dei ban pyrkhath halor ka spah, bad pyrshang ban jop ia ka da kaba burom ia ka lynti bad ka jingiaid ryntih, ia sylla ia lade bad ka jingpyrkhath ba shapoh jong u hi ban bat khak ia ka bor ba kham kordor da ka mynsiem jong u."<sup>5</sup>

Don shibun ki sakhi kiba kdew ia ka jingshisha ba ka Rta ka long ka jingjanai ba ha khliehtam eh ha kaba ia ka niam bad ia ka Society jong ki Vedas la saindur.

U Radhakhrishnan bad u C.A. Moore ki la batai ia ka Rta kum kata kaba:

“Wanrah ia ka kyrdan jong ka jinglong tiphok tipsot. Ka Rta ka ieng kum ka jingryntih, jingiaid beit had ka zin ka hymjukut jong ka Universe. Hangne ka Rta ka ieng na ka bynta ka nongrim jong ka rukom im u briew. Ka jingm ba iaid beit iaid ryntih ka long ka dur ba koegsan eh jong ka jingim ba bha. Ka jugthormur kaba mih paw kum ka jingbakla ka long ka jingsniew ba khravtam eh. Ka Hok ka bud ryngkhi ia ka jingiaid beit ka Mariang.”<sup>6</sup>

Ka jingtreikam jong ka Rta ha ka jingpyrkhat ki Veda ka paw ha ka bor ba shhem kaba ka pynmih ha ka dur jong ka jingbha jong ka jingim ha pyrthei. Baroh ki jingjia ha ka mariang b d ha ka History lah ban sngewthuh bha biang biang. Ka jingniewkor ia ka Rta ka phrung ia ka jingsngew jan ha ka pyrthei. Ka pyrthei kam dei ka jaka ha kaba ym dei ban don ki bor matlah, ne ki bor khyllah, hynrei ka long ka jaka sah kaba pynbha pynsuk ha kaba u briew u lah ban mad ia kiei kiei kiba bha ha ka jingim, la ha ka met ne ha ka mynsicm.

Ka long lyngba ka Rta ba ki wah ki tuid bad halor ki lyngkor ka Rta ba u Bnai bad ki khlur ki iaineh ha la ki lynti. Dei ruh lyngba ki lyngkor jong ka Rta ba ia ka ding ban knia la kynthah, da ka Rta u mylung u lah ban pyndep ia la ka jingrwai, bad ia ka kamra jingknia la ai burom ai nam ha ka Rta. Kine kiba la kdew hangne malu mala ki long ki jingtrei kam jong ka Rta kum ka Hukum jong ka Mariang kana ktah ia ka jingiadei hapdeng u briew bad ki blei. Hyorei kine ki artylli ki jingmut ha kaba ia kane ka ktlen la pyndonkam kim da iapher eh kawei na kawei pat lymne na ka jingmut kaba lai jong ka ain tipbriew tipblei.

Ka jinglong ba iaid be t jong ki blei ka mih na ka jingiasylla jong ki bad ka Rta kana ktah shikaddei eh ia ki blei ha ka liang ka jingiaid beit laid hok. Namar ba ka Rta ka long ka ain ba bymjukut baroh ki hap hapoh jong ka. Ia baroh ki blei la niew ba ki long ki nongkyrshan ia ka ain bad ki nongpyniaid shaphrang ia ka Rta. Ia u Agni la niew ba u long u nongsynshar ia ki jingknia, u nongiada ia ka ain ba bymjukut bad uba tyngshain. Ia u Vishnu la niew ba u long u khniang tyurai jong ka Hukum naduh ba la dang kha. Ka Ain ba bymjukut ka thaw ia u Indra uba donbor bad ba phuh ba phieng. U Brhaspati, kum u blei thma, la khot ia u u nongainong u nong pynhiarkput uba pynjot ia ki bymman bad uba ri ia ka ain ba donbor.

Ki blei ba kongsan napdeng ki nongkyrshan jong ka Rta ki long u Varuna bad u Mitra. Ki long ki nongri ia ka Rta ha ki bneng ba ha jrong tam eh. La ong ruh ba u Varuna da lade u long u nongihaw ia ka Rta, kum u pud jong ka jingpynlong ha ka-ba ka Mariang ka iaid beit iaid ryntih; ia ki met bneng ruh la buh ha lynti ba iaineh da ka Rta. U Varuna u pyniakhlad ia ka Rta na ka *aurta* - ka lynti bashisha na ka lynti ba bakla, lane ka sngi na ka miet, U Myllung u pynpaw sngewkmen ia ka jing-ialam jong ki ha ka lynti ba beit ba hok.

“Uta uba da ka ain u bat ia ka ain,  
ki trai jong ka jingshai kaba da ka ain  
Nga khot u Mitra bad u Varuna.” 7

Kumta ki blei Varuna bad Mitra ki long ki nongbat ia ka jingiaid ryntih ka pyrthei marlang.

Lada ngi twad shuh shuh ia kaei kaba kynthup ha ka Rta shaphang ka jingiaidbeit iaid hok, ngi lap ba ka Rta ka long ryngkat bad ka jingshisha. ‘Ka jingbakla baroh, u Mitra bad Varuna, ki jop bad ki mait shaduh ka Ain bymjukut.’ Jngai bah na ka jingsarong ka kyrteng jong u ka iaisah ha ka Ain ba khuid. U Varuna bad u Mitra la niew ia ki kiba iaineh ha ka Ain, ki nongpynpbriang ia ka ain bad ki nongshun ia ka jngbymshisha.

Kat haba pyndonkam ia ka Satya (ka jingshisha) bad ka Rta, ia ka pop la thew tarajur. Haba thew ia ka dei ka lait ha kaba iadei ia u Varuna bad u Mitra, ka pop ka long asatya (jingbymhok). Ia ki nongpop namar kata la tip kum ki aurtu (khlem Rta) bad asatya (khlem shisha).

Ki Myllung jong ki Vedas ha ka jingwad jong ki ia ka jingkoit jingkhiah bad ia kiei kiei kiba bha kum ka kam kaba kyn'ang, ki shim ruh ia ka mariang baroh kawei kynthup ia ki mrad ki mreng bad ki jingthaw baroh kum ki jingthaw ba kyntang. Ki blei, ki briew, ki mrad bad ki jingthaw bym don jings igewthuh ki dei jong ka Rta, bad kumta ka jing-iadei ka longdoh longsnam. Ka mariang ka long kaba dap kyrhai bad ka tyrwa ia ki briew da ki laiphew jait ki jingai ba kordor ka jingshai, ka jingshit, ka lyer, ka leilieh, ka sngi, ka step phyrngab, bad shihun kiwei kiwei pat. Kumta ia kine lah ban mutdur ba ki long ba kynja blei bad ba dei iaroh, ba dei ban mane bad ban kyrpad kum ka jing-iaroh ia ka jingim ba dap biang.

Ka jingnang lyndet ia ka mantras ka long khlem jingmut naba ia nujor bad ka jingtip ia uta uba ha khlieh tam eh uba shong ha ka dohnud, bad uba kyrshan ia kito baroh kiba hapoh ka jingtrei kam ka Rta. Ki kam niam jong kiba bun ki long ban pynhun ia ka jingagnud jong ki briew. Katba ka kamram u briew ka long ban shakri ia

ki blei, ka kamram jong ki blei ka long ban iarap ia ki nongmane ban kot sha ka thong ba ha khleh eh, kata ban ialong kawei bad u Blei.

Ka dak jong u brierw ba shisha ka long ka jinglong ba beit. Kum ia kata u brierw u lah ban shaniah ba u leh ia kata kaba la thmu lpa namar u bud ia ka lynti jong ka Rta. Kaei kaei baroh kaba u leh ka long kaba shisha bad ia id beit. Baroh kaba ki *rishis* (ki nongiohi) ki khmih lynti ia ki shah hikai ka long ka jingaiti ha ki jingpile jong ki bad ka jingbymshong kurim. Ka shongkha shongman kam kut tang shi lynti hynrei ka long ka lad ban im hapoh ka jingialam jong ka Rta.

Ka Dharma ka long kawei na ki sohpdung pynshongnia jong ki nong India. Ki riewstad ki thwet bniah shaduh ki tynrai jong ki Vedas da kaba kynroi na ka Rta. Ka history kaba jrong jong kane ka phang ka pynpaw ba ia ka tyllong wad bniah la sdang pynshongnia naduh hyndai hynthai. Ka Dharma ka long kata kaba la slem bha kum ka Rta hi. Ha ka por ki Veda, la pyniapher ia kine ki ktien kawei na kawei pat. Hynrei suki suki kane ka ktien Rta ka nang duna noh ka jinglong ba kongsan jong ka. Kane ka siat sha ka Jingshisha ha ki jingthoh jingtar kiba hadjen hynrei ia ka jingkongsan jong ka kat kum ka jingniew ki Vedas ka la duh noh. Ia ka jingdon jong ka jinglong beit long hok jong ka, ka la tynruh hapoh ka Dharma kaba kham kongsan bad kham don jingmut.

Ka long ka kam kaba eh ban thwet ba ka-no ka rukom ka jingmut jong ka Rta ka iaklum lang bad ka Dharma hynrei ka jingaklum lang ka long kaba don dor namar ka ai ka bhah tip hok tip sot sha ka Dharma. Ha ka por jong ki Vedas ka ktien Dharma ka thew tang ka hukum bad ka jingbuh beit buh ryntih hynrei namar ba ka iasnoh noh lang bad ka Rta ka don ruh ka jingthew ia ka jingim beit jingim hok. Ka Satapatha Brahmana ka iaiban ia ka jingong ba naduh ba ka iasnoh lang bad ka Rta, ka Dharma ka ioh ia ka dor tip hok tip sot. Ia ka Dharma la niew da ki toad philosophy ba pher jong ka ri India ba ka long kawei na ka Purusarthas ba kongsan eh. Wat la katto katne ki stad pyrkhat ki pyrkhat da kumwei pat, hynrei baroh hi na ki ki niew ba ka Dharma ka don ka dor tiphok tipsot ha ka. Kumta bun na ki stad pyrkhat jong kane ka juh kum ki jong u Aurobindo, Radhakrishna, M. Hiriyana ki mynjur shaphang ka jinglong tiphok tip sot jong ka Dharma.

Kumba ka long ka Dharma, ka Karma ruh ka long kaba la rim bha kaba lah ban shem kumba shiteng shiliang ba ka jingpyn-donkam ia ka ktien Rta. Ka seng nongrim ia ka Universe kaba shah pyniaid ha ka ain. Kajuh ka hukum bymjukylla kaba buh bynta ia ki lynti jong ka sngi bad u bnai ha sahit bneng kiba iaiaid thik khlem jingbakla. Ym don kaba la bet ia kaba ym shym la ot, bad ym don kaba la ot khlem kaba la bet. Ka jingleh



bad ka bainong ki long artylli ki phang jong  
ka Karma. Ia kane ka jingpynkylla la thew la  
woh bha ba ka dei hi ka hok jong ka Universe.

Ki jinghikai ba bha (Ethics) baroh jong  
ki Hindu ki shong tynrai ha ka Rta namar  
ba ka jingiasyrdoh lang ka la don lypa, kaba  
ngim donkam ban da thew ne shoa, hynrei  
tang ban lap ia ka. Namar ha u Brahman  
bad ka mariang ki long kawei, ngi dei ban  
iohi ia u jingthaw ba ha khlieh tam eh ha  
ka pyrthei baroh kawei, bad ka pyrthei ba-  
roh kawei ka long hapoh jong u.

U Myllung kumta u rwai:—

“Ka bor jong pha khlem kut ka Rta Blei  
Dharma

kaba pynwai noh ia ki jingleh pyrshah  
baroh;

ka jingpuson ia ka Rta, ka beh noh phar  
ia ka pop.

Ka jingiaroh ia ka Rta, kaba tyngshain  
kaba pynkhuid ia ki jingthaw ba im ka  
ngam shapoh bad pyrsad mynsiem wad  
ia ki shkor.”<sup>8</sup>

Ki ain jong ka Rta ki long kiba iaineh  
skhem bymjukut. Na ka bynta ka jingbha jong  
ki jingthaw baim ka Rta ka shim ia ka dur  
khlem don pud bad ba itynnad. Uta uba  
bat skhem ia ka Rta uta hi un ioh ia ka  
Rta, ka bor jong ka Rta ka long kaba iar  
haduh katta ba ka wallam ia ka jingstad ha

kito kiba kwah ia ka. Ka bneng bad ka khyn-dew, ki iar haduh katta katta bad ki jylliew, kine ki mih na ka Rta.

Kat kum u Max Muller, ia ka Rta la niew ba ka long :

“U lain ba beiti, hapdeng kiba bun ki jingiabidai ba shipor kiba lap ha kylleng satlak ka mariang. Ngi khot ia ka Rta u lain ba beiti thik, haba ngi pynrei kam ha ka pyrthei ba beiti ba bha, ngi pyrshang ban pynpaw ia kajuh ka ain ha kaba ia ka jingim jong ngi la seng nongrim, ka ain ba byinjukut jong ka Hok bad ka Nia, lane ka lah ban long ba dei kata kaba pynlong ia ka Hok ba shapoh bad shalor... (ka Rta ka long) ka ain kaba phrung lut ha baroh, ka ain ha kaba ngi dei ban shanjah, la ka jia katba jia, ka hukum kaba kren hapoh jong ngi ryngkat bad ka ber blei jong ka jingiatiplem bad ka bthah ia ngi ba ‘kane’ ka long kaba ‘shisha’, ‘kaba dei’ bad ‘kaba rit’ katba dei ka kyr-dan jong ki longshuwa jong ngi, kane wat ka sur jong ki blei ba tyngshain jong ngi, ki lah ban ong da kumwei pat”<sup>9</sup>

Ka tynrai jingshisha ka long ka Hok (the principle of righteousness) kaba iajan ha ka jingmut bad ka Rta jong ka Rigveda.

Ka hok ka long ka tynrai jingshisha. U Maw nongrim jong kiei kiei baroh. Ka hok ka long kum u Blei hi uba ngim lah ban ichi.

Ka hok kam dei ka *abstract term*, ka dei ka *concrete term*, kaba khih ba ksaid bad ba shisha. Wat la ngim lah ban shemphang ia ka da ki bor tipthuh (sense organs) jong ngi, hynrei ka don. Ia ka hok ym shym la thaw da u Blei. Ka dei kawei pat ka ktien kaba ieng na ka bynta u Blei. Kumta u Blei u long ka hok bad ka hok ka long u Blei. Kane ka long kaba dei banda tain'a. Ngan phai pat kham hadien ia kane U Khasi u ong "Nga wan sha ka pyrthei ban kamai ia ka Hok." Halor kane ka nongrim jong ka hok, nga trei, nga pyrkhat bad nga im. Ka hok ka long ka nongkynti jong uwei pa uwei u briew. Haba ngi ia kamai ia ka hok ha kane ka pyrthei ngi lah ban leit sha dwar u Blei. Ka Hok ka ieng na ka bynta ka jingshisha. Ka dei ka nongrah nongrong ia ka mynsiem briew sha bneng. Ki Khasi borabor ki pyndonkam ia ka Hok ha ka jaka u Blei, namar ka kyrteng 'Blei' ka long kyntang ralat kaba ngim dei ban pyndonkam thala. Ka Hok ka kynthup ia ka jingbishar hok justice) ka nongkynti (right) bad ka hok (righteousness). Ka don ruh shibun ki toad jingpyndonkam. Ngim lah ban ioh kano kano kawei pat ka ktien ban buji ia ka Hok ha ka ktien phareng. Ka hok ka kham thew ia kiba kynja nysiem. Ka sdang na u Blei Bunsien ngi pyndonkam ia ka kyntien, "Ka Hok ka Kynti", "ka hok ka riti." Ka nam ka rukom ka long ban pynteh pynsah ia ka Hok. Ka Hok ka long ka Hukum ha baroh kawei ka pyrthei mariang bad ka ain

tiphok tipsot. Ka Hok ka long kaba bha ha lade.

Kum ka Rta, ka Hok kam long tang ka hukum tiphok tipsot, hynrei ruh ka ain ha ka mariang. Ki blei jong u Khasi ruh ki bud ia ka ain jong ka Hok Bun na ki tymmen khasi wat la ki iohi ia ka jingiadei tang hapdeng ka hok bad ka hukum u Blei kim kwah ban pynrit ia kawei da kawei pat. Ka hukum u Blei ka long kata ka Hukum kaba ia id borabor ha ka lynti jong ka Hok, lah ruh ban niew ia ka ba ka long ka jingpynpaw ia ka hynrei kam dei ban shah pynrit. U Blei u bthah ia u briew ban kamai ia ka hok kaba long ka phang jingpuson jong u briew, kumta ba u lah ban poi sha dwar u Blei hadien ka jingiap. La kumno kumno, wat la ngim kohnguh ia ka hukum u Blei kum ka ain tipbriew tipblei, ngi lah ban ioh jingpynim tang da kaba bud ia ka jinglong kyntang jong ka Hok. Ka Hukum u Blei ka long kaba donkam eh namar ba don ki briew kiba ia id kynriang na ka lynti jong ka hok bad kein noh ban bud ia ka Hok.



## References

1. Rigveda VII. 14: 1,2.
2. Ibid VIII. 19, 25-26.
3. Ibid VII. 89
4. Ibid X. 10
5. Ibid X. XXX. 1,2 in R.T.H. Griffith Trans.,  
The Hymns of Rigveda, Benaras, 1926,  
Vol. II, p. 425.
6. Radhakrishnan and Moore, C.A. (ed), **A  
Source Book of Indian Philosophy**, 1973,  
p. 25.
7. Rigveda I. XXIII. 5.
8. Golapacharya, Mahuli R. **The Heart of  
Rigveda**, New Delhi 1971 p. 144.
9. Muller Max, **Hibbert Lectures: India, What  
can it Teach us**, quoted in G.H. Mees:  
**Dharma and Society**, p. 9-10.

## LYNNONG IV

### Ka Jingpynshongnia

Ha ka lynnong ba ar nga la batai ba don ka jingiadei kaba jan eh kaba ym lah ban pyniakhlad hapteng ka mariang bad ka kolshor ha kawei ka pateng sha kawei pat lyngba ki khanatang, ki jingrwai bad ki nuksa ba bun jait ha u Khasi. U Blei u long u tynrai jingshisha ryngkat bad ka Merramew bad u briew. Ha ka jingpynshongnia u Khasi shaphang ka jingpynlong ia ka long katha long ruh, ka mat ba kongsan hangne ka long ba u briew ryngkat bad ki jingthaw baroh kynthup ia ki mrad ki mreng ki long ki bynta kiba im ba san ha ka mariang ha kaba U Blei Nongbuh Nongpynlong u pynurlong ia kiei kiei baroh, u Blei um kwah ia u briew ban jop bad ban pynjot ia ka mariang hynrei ban jeit bad sumar ia ka namar ka don ka jingiaai bad ia shim makylliaag hapteng u briew bad ka mariang.

U briew ia u long u riwshai ne u riwkhlaw u dei u khun ka mariang, um long lut u kynrad jong ka mariang. U dei ban pyniahap ia lade bad ki ain ki hukum jong ka mariang lada u dei ban bar ia ka jingsynshar halor ki sawdong sawkun jong u. Lada u briew u pyrshang ban pynghub noh ia ki ain jong ka Mariang u pyn-

duh noh ia ki sawdong sawkun. Bad haba ki sawdong sawkun ki la duna bad nangsniew ka longbriew manbriew ruh ka nang tlot bor noh. Kumta u briew u dei ban shaniah tylli ha ka Mei mariang. Kane ka pynkynmaw ia kine ki kyntien sneng jong u Tom Dale, "U riwshai u la jan long borabor u kynrad jong ka *environment* ha ki katto katne ki khep. Ki jingeh ba kongsan jong u ki wan na ki jingpynthame ba ka jinglong kynrad ba shipor jong u kin wan long ba neh, jonom. U pyrkhat ia lade ba u long u kynrad halor ka mariang katba um lah pat de ban peiphang lut ia ki zin ki hukum jong ka mariang." 1

Ia kane ka jingiasreh ba skhem hapdeng ka Kolshor bad ka Mariang la pynjynsor da ka jingwantur jong ka jinglong riwshai, ka pule puth, ka jingstad saians bad technology. ka riam ka beit, ka ich ka kot ka kamai kajih bad kiwei de ki jinglong ba rher ba pher kiba long kiba thymmai suda jong kane ka juk ba mynta. Kine kiei kiei kiba thymmai kiba wan tuid na shabar jong ka jait bynriew khasi suki suki ka phrung bad ka tyrnian jubor hapoh jong ka. Kane ka jingwan tuid shapoh jong kawei pat ka jait bynriew ka ktah mian mian ia ka rukom pyrkhat, ka rukom im, ka trei la ktah, ka kamai kajih, ia ka jingngeit, ia ka niam ka rukom bad ia ka kolshor u Khasi. Kane ka jingpdiang noh ia kiei kiei kiba thymmai bad ka jingiehnoh ia kiei kiei kiba rim ka pyrtlot noh ia ka jingiasnoh bad ka jingiashaniah mar-

kylliang hapdeng ka kolshor bad ka mariang. Ka mariang ka la shah iehnoh marwei, kam ia ryngkat kyrdan shuh ia u briew bad ka kolshor. Ngam shym la iohi ne lap ia kano kano ka daw ba kumno ia ka jingpynneh pynsah ia ka Mariang lah ban jop tang da ka kolshor.

Kiei kiei baroh ki pynkynmaw biang ia nga ia ka jingkynthoh jong u Tom Dale shaphang u riewshai (Civilised man) kumne :

“U ailad ia ka jingtwa bad jingrongnoh jong ka um ia ka khyndew ha seiso. U shah ia ka khyndew ba twa ban den ia ki wah bad ban pyndap ia ka pungum jong u, ia ki nur um bad ia ki kadlieng la pyndap da ka khyndew ba lang. Ha ki khép ki khép u pyndonkam bad pynlehohei ia kiba bun ki mar ba la tih napoh khyndew. Te nangta rat ka longbriew manbriew ka la nangtroin namar ka jingpynjulor ia ki jingpynlong bad ka jingkynriah shnong sha ki jaka ba dang thymmai. La don kumba shiphew haduh laiphew ki jait bynriew kiba la bud ia kane ka lynti sha ka jingjot.”<sup>2</sup>

Shisien ba ia ka bor jong ka hok la pyn-duna noh ha ka jingadei parabriew ne ka jingadei n briew bad u Blei, ngi ju pyrkhat ba ka Mariang ka long kaba khlem jingim bad ka bym don dor ei ei. Lah ban batai shai ia kane ka point kumne : Ban ioh ia ka jingpynim ngam dei ban peit sha ka Mei-



ramew (ka science ka la dep batai lypa ja ka jingsdang jong ka khlem ka niam ka rukom). Katha nga dang iai duwai ha u Blei bad ba ngam shukor ia ki parabriew, nga long uba bha. Kumba nga la kdew ha ki bynta ba sha khmat ba dei ka hok kaba la bat ia ka jingiasnoh lang jong ka Mariang bad ka kolshor ha ka jingngent bad ka jingpyrkhat u khasi. Lada ka hok ka pyllait noh ia ka hok jorgka Mariang bad ki bor jong ka; te ka jingthmu ha kongsan jong ka kolshor u khasi, ki khana pateng ki ain ki dustur, ki niam ki rukom bad kiwei kiwei de ki jinglong ba kyrpang ki nang duh bad nangtroin na kawei ka por sha kawei pat.

To ngin ia pyrkhat mynta ia kati kaba u E.F. Schumacher u batai shapheng u briew bad ka jingiadei jong u bad ki jingthaw ba im kiba don ha ka Mariang :

"U briew kum uba ha khlieh duh na ki jingthaw baroh, la ai ha u ka jing-ynshar ym dei ia ka hok ban lehhein bad ban pynduh noh ia ki. Kam myntoi ei ei ban kren ia ka burom u briew lada u khlem pdiang ba ka burom ka akor ka dei ban don la ki kyon don ban teh. Lada u briew u buh ialade ha ka jingiadei ba bakla ia ki mrad bad khamtam eh ia kiba la rislem da u, la ju ong borabor ha ki jinghikai pateng la pateng, ba ka long kaei kaei kaba shyrkhei bad kaba ma ban leh kumta. Ym ju don ki riewkhuid la ha ka history jongno jongno kiba leh runar

ia ki mrad lane kiba peit ibein ia ki hynei  
tang ia ki jingpyndonkam, bad bun bah ki  
khanatang ki ki khun ranab sha ka jinglong  
kyntang jong ki bad ka jingsbun ia ki jing-  
thaw ba kham hapoh." 3

Shwa ba ngan pynkut noh ia kane ka  
lynnong nga sngewdei ban pynpaw hangne ia  
kaei kaba ki khraw pyrkhat bad ki myllung  
jong ka Ri Khasi kiba la ialuh bad ia phy'-  
liew mynsiem bad ka Mariang ki pashat jing-  
shai sha ngi. Ngan kdew tang kum ka nuksa  
ia ki khlur ka ri kiba la iohma ia ka jing-  
ieit bad ka jingapiam jong ki bad ka Ma-  
riang. U Soso Iham u la long uwei na ki myl-  
lung ba khraw jong ngi uba la ngat ha ka  
shangkawiah ka jingkdup bad jing u mynsiem  
jong ka Mariang. Lada ngi pule bniah ia ki  
poetry jong une u Myllung ngin shem ba la  
jan baroh ki jingrwai ki long kaba la pyrsad  
mysiem da ka Mariang. Ki jingrwai jong une  
u Myllung la ha ka 'Duitara ksiar' ne ha  
'ki Sagi Barim u Hynniew Trep' ngi lap ba  
u iapmat shikatdei eh ia ka jingitynnad ka  
Mariang. Ki mrad ki mreng, ki jingthurg ki  
jingtep, ki syntiew ki skud; bad u khun byn-  
riew katno u kmen ban don hapdeng jong  
ki; khamtam eh ha ka por synrai haba u  
peit ia ki lum ba pynngad, ki kshaid ba sngur  
khlir khlir bad ki them ba ithiang ki pynshlei  
da ka jingkmen ia ka mynsiem myllung jong u:

"Ha ki lum, ki lajluid ki masi ki blang,  
Bad ki briew hapoh kseh ki la sangeh  
shiphang;

Sha ki hali ki peit ba u koweh u kba,  
Hangno ka jingdap ka dohnud kat kata!"

U Myllung Soso Tham u dap da ka jingkmén  
haba u iohi ia ka jinglong ba shida jong u  
nongrep uba shaniah tylli ha ka jingpyniaid  
ka Mariang. U nongrep kum u khun trai  
jong ka Mariang u klet iohi ia ki jingshitom  
bad ka jingrit mynsiem jong ka Lyr r haba u la  
iohi ia ki soh bad ki symbai ba un sa kheit bad  
lum sha la ki thiar. Ka syrtai ka dei ka  
aiom ta sugewtynnad tam ha kate ka ri jongngi.  
U Myllung haba u peit ia ki sawdong sawkun  
jong ka Mariang kiba dap tang da ki rong  
ki ruo ba itynad s da ka ai mynsiem ia  
u han nang icit shuh shuh ia jingrwai la  
ka jong ka ri. U myjuh ruh ka aiom Pyiem jong  
ka ri ka pynnylung ia u da ka jingkhie lung  
jong ki diang ki siej, ka jingsya d jong ka segi  
bad ka jingkmén jong ki sim ki doh hadien  
jong ka jingkhinat tasam jong ka Tlang. Kumta  
kine kiei kiei kiba la paw ha ka jingrwai  
jong une u Myllung ki pynshisha ba u dei uwei  
ra kiba ka Mariang ka la aibunt aiber ia u  
bad ba ma u ruh u icit kylliang ia ka.

companion 5-8

U Myllung Victor G. Barch ruh u la  
long uwei na ki myllung jong ka ri uba la  
iohmad ia ka jingien bad jingiaphylliew myn-  
siem bad ka Meimariang Lada ngi pule ia  
ki poetry baroh ba la thoh da une u myl-  
lung ka ri ngin shem ba ka Mariang ym  
tang ba ka pynsad mynsiem ia u lynrei u da  
shaniah tylli ia la ka jong ka jingim ba ka

jingialam bad jingpyniaid jong ka. Ha ka jing-rwai "ka Lynti Umiam," u Myllung u pynpaw shai ba ka Mariang ka tan bent ia ki kjat jong u ban ioh mad ia ki jingjarjar bad ka jing-kmen jong ki them ka wah Umiam. Ka khwai dohkha ha u sh met ka long tang ban pyn-byrngia bad pynthymmai bor ia ka jingmut jingpyrkhat bad thamtam eh ban asyllok bad ka Mariang. U Myllung u nang iohbor ban thaw ia ki pce try haba u don ha pneh jong ka Meimariang. U pynpaw ruh ba ia ka jing-suk ba shisha lah ban ioh ta g 'ada u brierw u leit ia syllok bad ka Mariang. U pynskhem ia kane da kaba ong.

"La jynjar ba ngan klet,  
Shane pleng dei ban phet." 4

U Bah Victor G. Bareh um artatien ei ei ba ka Mariang ka long ka skul pule ban pynnep bad pynproh ia ka bor pyrkhat kumno ba lah ban shna ia ki jingrwai bad ban ieit ia la ka ri. U don ruh ka jingneit ba shkem ba u bun ka mynsiem ban phet na ki jingkiwkiw kaw kaw bad ki kynrum kyn-ram kiba don ha sor Shillong bad ban jngi ha ki thwei ba jylliew jong ka jingieit ka Mariang wat hadien ba kane ruh ba sop ka la hap noh na ka met ka jinglong rangli.

Katno ka long kaba sngewbang bad sngew-suk ban pyrkhat ia ki jaka rieh tngen kiba une u myllung u leit ban shong ban sah ba ki khlaw ba kynjah jong ka por tlang; bad hangta u ioh mynsiem shuh shuh ban shna

ia ki jingrwai ba shoh jingieit ka Mariang. U Myllung u ngeit ba uwei pa uwei u briew un long uba palei ka dohnud lada u don hapdeng ka jingkyjah bad ka jingjarjar jong ki khlaw. Ka Mariang ka dei ka nongiasyllok ia u briew ba un long uba jemnud, uba teit ri bad uba shemphang ia ki ain baroh lada u shahshkor ia ki jinghikai jong ka. Lada uno uno uba la mad ia ki jingeh bad jingpang mynsiem kiba u ia kynduh ha kane ka jingim ruma jong kane ka juk, u kyntu ban teit sha ki jaka ba kynjah bad ia syllok hangta. Ka mariang ka wengroh ia kita kiei kiei bad kan pynsuk bad pynpalei ia ka mynsiem.

U Myllung V.G. Bareh u kwah ban shong thait bad shongduh junom ha ki pueh ba kynoi jong ka Mei mariang. U kyrmen ruh ba ka lawei jong ka jingim u briew ka shong eh ha ki jinghikai shong tynrai jong ka mariang namir ba ka Mariang kam ju hikai ia ki lynt ba kynriang ne ba bakla hynrei borabor ka hikai kiei kiei kiba dei, ba hok, ba shisha bad kiba dei iaroh. U ngeit ruh ba ka jingim u briew ha ka pyrthei kam shong eh tang ha ka jingdon jingem lane ha ka burom pyrthei hynrei ka shong lyngngeit ha ki jingbuhbeit u Blei ia kiei kiei kiba don ha ka Mariang.

Dei kine ki jingrwai jong une u myllung kiba la pynlong ia u rof. R.S. Lyngdoh ban kyntboh kumne: "Da ka jingkyrmen I Bah Victor i iohi ia ka bor ba maian jong ka

mariang kaba lah ban aibor aibuit, ban ialam lynti, ban sumar suker, ban pynkhiah, ban pynkylla kaba mut bad ai jingsuk ia kito ki briew kiba dang wan phai pat ban ia syllok bad ka. Ka mariang kam ju shet kylla iano iano, hynrei ka lah ban ai ia ngi ia ka jingsuk ha ka pyrthei bad ban iohi ia ka burom ba kynja Blei. Kane ka long namar ba don ka jingiadei kaba iajan eh hapdeng u briew bad ki laiphew jingthaw. Ka mariang ka pynpaw ia ka bor Blei, ia ka hok bad ka jingshisha." 5

Ki briew ha ki kynhun ba pher ba pher ki seng bhalang, ki jylla, ka ri bad ki ri ka pyrthei ki la pyrshang da ki bun ki lad ban pynim pat kum ban buh tyngkai ia ki mrad ki mreng, ki jingthung jingtep bad ki khlaw ki btap ha ki kyntoit bad ki jaka ba pher jong ka ri. U Khasi ha ka jingstad ia ki ain ka Mariang u palat liam ia ka jirgstad jong ki saiantist jong ka environment ha kane ka juk. U Khasi hyndai u buh ia ki khlaw kintang jong ka kur ne ka shnong ne jong ka hima khnang ba u briew um dei ban pom pathar ia ki dieng ki siej ne pyniap kulmar ia ki mrad kiba shong ha ki. U buh ia ki khlaw ki btap khnang ban iada ia u briew na ki jingpang jingshitom, kaba long kajuh ka jingthmu bad ka jingktah ia ka koit ka khiah kumba buh ka saians ha kine ki juk.

Shuh shuh ka jingstad jong u khasi ka long ba u para briew um lah ban ap pahara

ia kine ki law kyntang. U shanhah ha kito ki ryngkew ki basa ba kin sumar bad iada na ka jingpynjot. Ka jingiapher mynta ka long ba ia ki reserved forests la sumar da ki nong-ap khlaw. Kine ki ryngkew ki basa ki pynshitom ia kino kino kiba wan pynjot bad pom pathar ia ki namar ba u khasi u la teh da ka nia ka jutang ia ki. Hooïd u Khasi ruh u pom ia ki dieng ki siej ban pyndonkam ia kine ban rep ban riang. U Khasi u ngeit ruh ba haba ki leit beh mrad un nym ioh mrad lada ka nia ka jutang kam beit. U da knia da khriam bad duwai phirat shwa ban mih na shnong ban leit beh mrad. U ngeit ba lada ka knia ka khriam kam bha ne dei kin ym ioh mrad wat lada ki leit beh ruh. U khasi um ju tharg ding ia ki khlaw namar ka pynduh lut ia shibun ki jingthaw baim kiba don ha ki khlaw.

Ki briew ha ka pyrthei ha kine ki khyn-diat spah snem ki la tip ba ka jingpynduh ia ki sawdong sawkun jong ka mariang kan ktah shibun ia ka jingim jong u briew. Hyn-rei ym lah lait, namar la shna ia ki surok ban iaid ki kali, ki rel bad kiwei de; la seng ia ki karkhana ha kaba lada ym don dieng don siej kim long ei ei. Ka jingpom ia ki dieng na ka bynta ki karkhana ka ktah ia ki mrad ki mreng kiba shong ha ki. Ki briew ki la tip ba lada ym don dieng kim lah ban shna ia ki miej ki shuki, ki iing ki sem bad kiwei kiwei de ki jait tjar. Khlem ki dawai dashin na ki phlang ki kynbat ruh ym lah

ban long bad ki donkam ruh wat ia ki snieh bad u shñiuh jong ki mrad. Kumta ki briew ki dap lut ha ki jaka baroh. Ki trei ba ki ri shyiap, ha ki khlaw barben, ha duriaw, ha ñiamra bad ha ki par jong ka khyndew. Ka la don ka jingong jongno re ba u briew um ai jaka shong ia ki ksuid ki khrei namar ia ki diengbah u pynkyllon, ia ki mawbah u pynpra, ia ki krem ki kroh u rung bad u khura lut ia ka ramew. Kumta ka durbar jong ki ksuid ki khrei ka la rai ba namar ym don jaka shuh ban shong ka la dei ia ki ban leit shong noh ha ka dohnud u briew. U briew ruh katba nangiaid ka por, u la nang sniew, nangjot bad nangduh jirgkyrmen namar imat ka la dei shisha ba u ksuid u khrei u la rung hapoh ka dohnud u briew ha ka jaka ban leit shong ha ki maw ki dieng.

Wat la ka long kumno kumno ruh ngi tip skhem ba u briew u long u jingthaw ba kyrpang jong u Blei uba don ha ka Mariang. Ka la dei namarkata ba u briew u dei ban im bad ban sumar ia ka jirgiaid beit jong ki ain ka mariang. u Immanuel Kant, u Philosopher ba khraw u ong ba kano kano ka kam ba u briew u leh ne trei ka dei ban long ka ain ba pdiang lut da ki briew baroh bad ba ka long ruh ka ain kaba iadei bad ka mariang (universal Law of nature), u briew namarkata u la dei ba iait ia ki sawdong sawkun jong ka mariang. Um dei ban long u nongpynjot jong ka hynrei u dei ban iarap ia ka mariang kum uwei u dkhot u ban ia kyrshan



lang ia ki kor ki bor jong ka. Haba u briew u iarap ia ka mariang u iarap ialade namar ka mariang kam biang khlem u briew bad u briew um lah ban im khlem ka mariang. To ngin kyndiah noh na ka jingpynjulor ia ki lum ki wah, ki khlaw ki btap bad ki jingthaw ba im ba par ki jong ka mariang khnang ba ngi ruh ngin im suk im sain bad naangman roi kyrhai ha kane ka pyrthei.

Ka lynnong ba khatduh jong kane ka kot ka pyni ia ka rukom pyrkhath bad ringdur jong u khasi ia kiei kiei kiba don ha ka mariang lyngba ki jingiathuhkhana pateng. U khasi haba u kwah ban hikai ia kano kano ka jinghikai shongtynrai u hikai ia ki khun ki pyrsa da ki nuksa lyngba ki puriskam khnang ba kin ym klet shuh. Nangta pat u khasi haba u hikai u ai ia ka jingmut ba long kyllum bad iar (general idea), um ju long *particular* ne pyrkhath tang ia kawei bad bunsien u kren bad hikai ha ka rukom ki pharshi. Nga shim tang ki nuksa ha kane ka lynnong ba san ba kine ki puriskam ki long kiba don jingmut bad ai jinghikai ia ngi kum ka jait bynriew khasi pnar. Ngai la dei ban ri khop bad pyndonkam ia ki ha ki jingim jong ngi ba man ka ngi.

### References

1. Dale, Tom and Carter, Verman Gill, **Topsoil and Civilization**, University of Oklahoma Press, USA, 1955.
2. Ibid
3. Schumacher, E.F., **Small is Beautiful**, Great Britain, 1973.
4. Bareh, Victor G. **Ki Poetry Khasi, Ka Lynti Umiam**, Shillong, 1987.
5. Ibid **“Ka Ktien Lamphrang”**

## LYNNONG V

### Ki Purinam-Puriskam ba nga ieit

#### 1. Ka Lyngdoh Marshilong bad U Tyngriang

Hyndai kulong kumah shwa ban dkut u Sohpetbneng, ha ka juk jong ka Aiom Ksiar, mynba ha Hok ka dang ieng rasong ha kaba baroh ki jingthaw kiba don ha ka pyrthei ki dang ia sngewthuh ban iakren ia ka juh ka ktien. Ha kata ka por, ki blei ki dken ki ryngkew ki basa ki la pynlong kawei ka dorbar bah ha u lum Shillong. Ka sohpdung jong ka jingiakren ha kata ka dorbar ka long shaphang u pud u sam jong ka it ka hima jong ki. Kumta baroh ki blei ki dken. ki ryngkew ki basa jong ka ri Khasi Jaintia kiba na shatei sha thain Ri Bhoi, kiba na shathie sha thain Ri War, kiba na mihngi jong ka thain Ri Jaintia, kiba na sepngi jong ka thain Ri Lyngngam bad kito kiba shong ha ka thain pdeng jong ka ri Lum Khasi, ki la iapoi lang ha kata ka dorbar *bah pyllun* ha ka jaka jong u 'lei Shyllong.

Ia kata ka dorbar la pyniaid da u 'lei Shyllong uba long ruh ha kajuha ka por u 'lei rangbah. Ka jingiakren bad ka jingiasyllok ha kata ka por shaphang ka jingiakajia pud ka long kaba shongshit bad ba khluid bha. Hynrei hadien ka jingiakren ba sani bha ryntih

lang kawei baroh ki la ia mynjur ia ka rai  
 ba kim dei ban tam ne jam palat sha shi-  
 liang pud jong kiwei khlem da ioh ka jingbit  
 lypa. Ha kajuh ka por, ki la sngewdei ruh  
 ban ia kren ia ka jingiadei jong ki bad u  
 khun bynriew shi snieh pyrthei. Ha kata ka  
 jingiakren ki la hap jingmut lang ba ki dei  
 ban ia ai ka jingiarap bad ka jingiada ia u  
 khun byuriew katba u dang bat ia ka Hok  
 bad u dang burom ia ki ryngkew ki basa,  
 bad katba u dang pynsah ia ki niam ki ru-  
 kom, bad ia ki 'law Kyntang.

Ynda la wai ka dorbar, ki la leit phai  
 noh sha la ki jong ki jong ki jaka shong  
 jaka sah da ka jinghun mynsiem namar ba  
 ki la poi sha ka thong jong ka jingangnud  
 jong ki kaba la slem bah. Ki la don sannut  
 shiparalok kiba la ia wan phai ryngkat na  
 kajuh ka lynti sha kine ki thain lum pdeng  
 jong ka ri Khasi, kita ki long Ka Lyngdoh  
 Marshilong jong ka 'Lawkyntang Marshilong  
 Ka Pian (ka blei jong ka wah Rilang), u 'Lei  
 Nongsynrih, u 'Lei Mawthadrishan bad u Basa  
 Sakwang. Napdeng kine ki paralok ba ia leit  
 phai lang, ka Lyngdoh Marshilong kam lah  
 shuh ban iaid ryngkat ryngkat bad ki, ka la  
 shu bud noh nadien namar ka jingthait bad  
 ka jingkhiah jong ka jingarmet.

Ki paralok jong ka ki la iaap bad shong-  
 thait lynter lynti wat la ka slem ka por ha-  
 duh ba kan da lap ia ki. Ka Lyngdoh Mar-  
 shilong ka la leh kumta haduh ban da poi

ha ki thain la jong, ki paralok jong ka ruh  
 ki la nang kam noh sha khmet ki pyrkhat  
 ba kam lei lei shuh namar ba la jan poi sha  
 iing la jong. Ka Lyngdoh Marshilong ka la  
 dei ki ia bad ki bnai ban kha khun. Katba ka  
 dang shong thait marwei ha trai jong u lum  
 Lyngriang, ka la lap kynsan kynsan ka jing-  
 suh jirgthar bymlah batai shuh. Ka la wad  
 jaka shongthait kaba kham bit kham biang ioh  
 lehse lada kha khun kan long kaba pynsuk  
 ia ka bad ia u khun ba kan kha. Ka la  
 shiew ding bad ka la tiew umsum hapoh ka  
 synrang maw khnang bin syaid ha ka miet  
 tlang bad ruh khnang ban pynsum pynsait ia  
 u khun bad ialade. Ka Lyngdoh Marshilong  
 ka la kha ia u khun shynrang bad ka la khot  
 kyrteng u Mawtynrong. Une u Mawtynrong  
 u da ieng phuh mut phuh mat haduh kine  
 ki sngi hajan ka 'law lyngdoh jong ka shnong  
 Marshilong.

Ka jingjia kaba sngewsih ia ka Lyngdoh  
 Marshilong bad ia uta u khyllung ba dang  
 shu kha ka long ba ki khun bad ki shakri sbakor  
 jong u Tynriang ki la byrngem byrsit ia ka  
 ba kan phet noh na kata ka jaka jong ki  
 khlem da pyns'em. Ki la byrthen ba lada  
 kam phet k'oi na ka jaka jong ki ynda ki  
 la hukum lai sien lai wat kin sa wan ban  
 pyniap lang ia ka bad kmie bad khun. Kane  
 ka jingbyrngem jong ki khun bad ki nongtrei  
 jong u Tynriang ka la pynsmiej bad pynsuh-  
 jer ia ka Lyngdoh Marshilong kaba pli. Ka  
 la dei ban mih noh nangta khlem da ioh lad

ban pynsum ia la u khun bad ban pynkhuid  
 ia lade. Ka Lyngdoh Marshilong ryngkat  
 bad la i khun ka da mih noh naneta da  
 ka jingbitar bad jingsngewrem ia kata ka  
 jingshab lehbein. Ka da iehnoh ia kata ka  
 ding kaba rhem bad ka um kaba dang thnam  
 bha ha kata ka jaka ha kata haduh mynta  
 mynne ka ding ka dang iaimieh bad ka um  
 ka dang iai thnam lynter. Ia kane ka um  
 thnam la khot ka umkhuid ne umshit jaktem  
 kaba don ha ranab jong u Lum Tynriang ha-  
 jan eh jong ka shnong Umjarain ba mynia.

Ka Lyngdoh Marshilong bad la i khun  
 ki la poi suk sha la iing. Ka la iathuh ha  
 kiba ha iing ha sem bad ia ki lok kijor ia  
 kaba la jia baroh ha kata ka janmiet ha kijat  
 jong u Lum Tynriang. Ka la kut jingmut ban  
 ai jingsneng tynggeh ia kane ka jingleh khlem  
 akor jong u Tynriang, ki khun bad ki shakri  
 shakor jong u ia ka Lyngdoh Marshilong hapdeng  
 ka saw ka sian bad ka jingma. Ki lok ki  
 jor jong ka khamtam eh kito ki lok kiba la  
 ia wan lang bad ka na ka darbar ha u Lum  
 Shyllong, ki la ai mynsiem ia ka ba kin ia  
 trei lang bad iarap ia ka pyrshah ia u Tyn-  
 riang. Kumta ka Lyngdoh Marshilong ka la  
 phah kyrwoh sha u Tynriang ba ma ka bad  
 ki nongkyrshan jong ka kin hiar thma bad  
 pynhiar kput ia ki kam khlem akor khlem  
 mynsiem jong ki khun ki shakri jong u ha  
 kata ka janmiet katba ka dang don ha ka  
 jaka jong ki shipor namar ki daw bymlah  
 kiar. Ka la kynnoh ruh ba ki khun bad ki

nongtrei jong u kim don jingisynei ia kiha shem jynjar shem lanot, khamtam eh ha ka por kha khyllung kaba long ka por kaba ma bad kabi syter bha ia ka jingim ki riew-kynthei hynrei wat ha kum kine ki por ruh kim pyrkhat satia ia kiwei, ki pyrkhat tang ialade shimet. Ka la ong ruh ba kan ym sangheh ia ka thma haduh ban da ioh ban pynshutom ia ki kumba ma ki ki la leh ia ka bad ka la buh por tang shitaiew ban ia sdang noh ia ka thma.

U Tynriang u la her syrngiew tang shu ioh pdiang ia ka kyrwoh na ka Lyngdoh Marshilong kaba la pynpaw ban hiar da ka thma pyrshah ia u. U Tynriang ha kata ka janriet um don ha la iing namar u leit donkain sha kawei pat ka jaka sha Rambrai. Shisyndon u la khot lang ia ki khun bad ki shakri jong u bad u la kylli bad tohkit ia kaba la jia ha kata ka miet ia ka jingleh khlem akor jorg ki ia ka Lyngdoh Marshilong kaba pli. U la shem ruh ia ka jingshisha ba ki la leh kumta kumba la mudui pyrshah ia u. U la sneng u la sympat ia ki khun bad ia ki shakri namar ki daw ka jingleh bein khlem pyrkhat ia ka riwarmet bad nongkha khyllung. Te u Tynriang u la pynpaw ia ka jingsngewsih kaba khraw bad u da leit pan map na ka Lyngdoh Marshilong bad ki paralok jong ka na ka bynta ka jingshahleh bein jong ka ha ki nongbud jong u. U da ong ba kane ka long namar ka jingbymdon jong u ha shnong bad u la ong

ruh ba kane ka dei shisha ka jingbakla na ka liang jong u bad u la kyntu ba kim dei ban sngew eiei bad ban map ia kane ka jingbakla Ka Lyngdoh Marshilong bad ki paralok jong ka ruh ki la pdiang ia ka jingpan map u Tynriang bad naduh kata ka por ki la iashong suk shong sain para marjan marpa. Namarkata, haduh mynta mynne ruh kata ka um ha ranab jong u Lum Tynriang ka iai thnam bad khluid sah ha kata ka jaka ba ka Lyngdoh Marshilong ka iehnoh ia ka ha ka jingsheptieng.

## 2. U Mawlieng

U Mawlieng u don ha ka Shnong Mawlieh kaba jngai kumba 4 K.M. na Nongumdang. Une u Maw u ieng halor uwei u Lum bad u long u Maw uba itynnad bad ba pynggad bha lada peit bad kiew halor jong u. Nalor une u Lum lah ruh ban jphi ia shibun ki jaka, ki Lum bad ki Wah jong ka thain Lyngngam. U long ruh u maw uba heh bad jrong tam hapoh ka hima Nongstoin. Hyndai kulong kumah, ki briew jong kane ka thain ki ju khein ia u kum u Mawblei bad ki ju ai knia ai khriam bad burom ia u kum uwei na ki basa ki syngkew kiba iarap bad iada ia u khun bynriew ha kato ka thain.

La don ka khana pateng shaphang une u Mawlieng kaba iathuh kumno une u maw u mih bad u long haduh kine ki sngi. Ha kawei ka por la don arngut shipara ba kawei ka Nongrit. Ki kyrteng jong kine ki arngut shi-



para ki long ka Pangleng ka hynmen bad ka para jong ka ka Pangniang na ka jait Lyn-shiang. Ka la jia ha kawei ka sngi ba baroh arngut shipara ki la leit ia tong dohkha baroh shi sngi ha ka wah Riwiang, bad ki la loh tang katto katne ki dohkha. Ynda la janmiet katha ki dang iaid ban leit phai noh sha la iing, ki la ia poi hamar shiteng lynti jong kawei ka wah duud kaba lyrteng ka Bokshiat. Ki la lap ia uwei u mawrit u ba i phylla haduh katta katta na kiwei ki jait maw. Uta u Mawrit ula am (snoh) kynsan kynsan ia ka kjat kmie jong ka Pangleng. Ka Pangleng da ka jingkyndit ka la kylli na ka para jong ka, "u maw phylla aiu ure u ba shu wan snoh ha ka briew?" Ka kynther de artad. Ynda haba ka la kynther eh uta u maw u la rynsied bad leit snoh ha ka kjat kmie ka Pangniang, ka para jong ka. Ka ruh ka la kylli da kajuh ka jing vlli bad ka kynther ha kajuh ka rukom. Kane ka jingsnoh jong une u maw ia kine ki samla arngut ka la long haduh laisjen lai wat. Ha kaha khatduh eh u la am duh ha ka kjat ka Pangleng. Wat la ki la ialeh ban kynther bad sei ia uta u maw hynrei ym lah satia. Ki la mut ban leit noh la ka lynti, hynrei uta u maw u la nangheh nangheh suki, ynda li la iaid kumba shi pdah maw ei ei uta u maw u la khia kumba shimon ei ei. Te ka Pangleng kam lah iaid shuh bad ka por ruh ka la dum.

Ka Pangniang la la ong ia la ka hynmen ban nangsah hangta, ka pat kan leit ia-

thuh ia ki kmie ki kpa sha iing ban wan iarap ia ka hymen. Ki kmie ki tang shu tip ki la ia wer ia ki paidbah ka Shnong ban leit kloi kloi sha kata ka jaka. Ynda ki la poi ki shem ba uta u maw u la nangheh nangheh bad u la poi haduh ryndang. Tang shu iohi ia la ka kmie bad u kpa ka la kren ia kine ki ktien ba khatduh "Mei ia nga la kha phngar kumne. Nga ngeit phi don lad ban ialeh ban pylait ia nga". Ki kmie ki kpa bad kita kiba ia don ryngkat hangta ki la ialeh shitom ban sei bad pyllait ia ka baroh shimiet, hynrei uta u maw u la klun ia ka Pangleng baroh shiryenieng.

Kum la shai dang step phyrngap u kpa u la leit wad jingtip na ki nongthoh maw kiba stad bad na ki misteri maw na kylleng ka ri ban pynpait pynpra ia uta u maw. Ynda ki la wan ki la rah bad ki da ki shalyngka nar, ki shniah, ki snar, ki tyrnem, ki sdie, ki moh khiew bad kiwei kiwei de ki tiar ban tih bad pynpait ia uta u maw. Haba ki la shoh ki tiar ki ngam (stah) shapoh bad haba ki mut bao sei biang ia ki tiar jong ki, ki sahkut bad dam bit ha uta u maw. Te ki la pyrshang da bun ki lad hynrei baroh ki long lehnohei. U kpa jong ka u la pynlut ka spah ka phew katba u don, u la pynlut ruh 12 thiar u kba. Uta u maw u la nangheh shuh haduh ba u la palat ia ki diengbah bad ki siej bajrong. Ki kmie ki kpa ki la shu pangnud bad iam sngewsih namar ba ki la duh ia ka khun phrang sngi jong ki.

Hadien ar snem uta u maw u la heh bha bad hapoh jong u ka la long ka iing paki iing dulan kaba heh bad itynnad bha. La ong hana ba ka Pangleng ka la pun khun bad ka la kha ia u khun shynrang. Ki la jer kvrteng ia u da u Ramsingh. Haba uta u khyllung u la dap 3 bnai tam eiei, u Mawlieng u la shah sngewbha ia la ka lok ban leit peit bad ia kynduh ia kiba ha iing ha sem jong ka sha la shnong ryngkat bad la u khun namar ba ka ju kynmaw leit horabor ia ki. U la ong kumne, "Pha lah ban iakren ia khaa, ia bam ia dih bad la ki kmie ki kpa bad kiba ha iing ha sem baroh, tangba pha dei ban kynmaw ba horkit hordang pham dei ban shah iano iano ban pyndei kti ne ktah ia une u khun lada dei kynthei ne shynrang." Te ka Pangleng pat ka la kylli ia u, "Nangno ngan mih shabar"? U Mawlieng u la pyni ba kane ka dei ka jingkhong kaba plie na shaphang mihngi bad dei tang na kata ka jingkhong ba ka lah ban mih shabar. Ka Pangleng ynda ka la mih shabar ka la iohi ia kata ka phang ba ka dei ka jaka jong ka hi. Ka la leit la ka lynti shaduh Shnong.

Ka la ia kynduh ia la ki kmie ki kpa, kiba ha iing ha sem, ki kba ki man bad ki para shnong para thaw baroh. Ki kmie ki kpa ki la ia dap da ka jingkmien kaba bhaw namar ka khun ba la jah ka la wan phai pat. Ki la pynlong ka jingkhawai sngewbha hapdeng kiba ha iing bad ki para Shnong baroh haduh lai sngi lynter. Ha ka Sngi ba tud,

ka la long ka sngi pyrem kaba shit bha bad ka Pangleng ka la ong ba kan leit sum noh sha shyngiar. Shuwa ba kan mih ka la pynthiah ia u khyllung bad ka la maham ba kim dei ban ktah ne iah ia u wat lada u la kyndit naba thiah ne wat lada u iam katno katno ruh, haduh ban da wan ma ka. Te katbaka Pangleng ka dang sum, uta u khun u la kyndit na kaba thiah bad u la iam u lyniar haduh katta katta. Ka Kmierad jong ka Pangleng kam lah shah shuh ban shu iehnoh ia uta u ksaw ka la kum klet ia ki kyntien maham jong ka Pangleng. Ka la leit kdup ban kynoi ia uta u khyllung. Uta u khyllung kyndit kyndit u la shu jah bad u la hap hapoh khrum kum u maw marble. Ki la ia wad hapoh khrum hynrei kim lap sita.

Ka Pangleng kum ka kmie tang shu poi ha iing ka la kylli, "Shano u khyllung?" Ka kmierad da ka jingsngewsih ka la iathuh ba ka la kum klet ia ki kyntien jong ka bad ka la kdup bad kynoi ia u namar ba u la lyniar palat. Kynsan kynsan uta u khyllung u la shu jah la ka jah hi bad u la hap hapoh khrum kum u maw pyllon. Ka kmie tang shu iohsngew ia kata ka la lyniar kthang ha ka dohnud jong ka namar ba ka la pynsngewsih ia u kpa jong u khun. Kumta ka la phah phet noh shisyndon ia ki kmie ki kpa bad ia kiwei kiwei kynthup ruh ia ka meirad jong ka na shnong namar u kpa jong uta u khyllung un sa wan wad ia la u khun. Tang shu la dep kren kumta, ka la leit noh. Kumta

ki kmie ki kpa ka Pangleng ki shnong ki thaw  
 ki la ia khreh kyrkieh bad ki la kynriah noh  
 na kata ka shnong.

Ha ka por janmiet kumba 7 baje tam,  
 la wan ka eriong kaba khraw ka la beh jur  
 bad ka la jynrat naphang l'n bad dieng bad  
 sej bad iing bad sem haduh ba la lut phar,  
 la sah sa tang ka khyndew suda. Ha kata  
 ka por la iohsngew biang ia ka jingiam ka  
 sur jong u'a u khyllung. Shi syndon kata  
 ka eriong ka la jah noh.

Naduh kata ka por u Mawlieng um shah  
 shuh ia ka Pangle-g b'n leit ia kynduh ia  
 kiba ha iing ha sem. Haduh mynta mynne  
 une u maw u dang ieng rymmuin ha ka shnong  
 Mawlieh. U Mawlieng u don uwei u khun  
 ba khot u Ramsing, une ruh u dang ieng sa-  
 rong haduh kine ki sngi. Don sa uwei u  
 maw uba ki khot u Kongbah, une u dei u  
 Shakri jong u Mawlieng. Lada ngi kwah ban  
 leit kiew halor u Mawlieng ne u Ramsing  
 ngi dei ban iaid lyngba u Kongbah.

Ki briew ki lah ban kiew halor u Mawlieng  
 tangb'ym dei b'n biah ne byrthiew ei ei ne  
 bret jakhlia. Ha ki por mynshuwa lada ki briew  
 ki pynjakhlia halor une u maw kin ioh ka jin-  
 pynshitom da ki jingpang jingshitom ba bun jait.

### 3. Ka Tyut, U Shrieh bad U Myrsiang

Ha ki sngi jong ka sotti juk haba ka  
 ktien ka thylliej ka dang long tang kawei,

la don laingut ki paralok kiba iashong ia sah ha kawei ka shnong, kita ki long ka Tyut, u Shrieh bad u Myrsiang. Kine ki la ia ieit iathoin bha kum shipara. Khnang ban kham kloi ka trei ka ktah bad khnang ban kham shngain ka lum ka wah, baroh laingut ki la shu ia kut ban ia shaw sngi ne nong kylliang, kata ban leit trei lang ka jong iwei shi sngi bad ha jong iwei pat shi sngi bad kumta ter ter.

Haba ia shaw sngi ne trei kylliang, ka ju long ka rukom Khasi ba ki trai lyngkha ki dei ban khreh jingbam sngi kum ka ja, ne u phankaro ne ka shriew ne da u phan ban ia bam lang ha ka por shiteng sngi. Kum-ju ba wat ia ka jingbam miet ruh don kiba khreh da ki trai ba iawer kylliang ba kata ka sngi. Ki trai shwa ban sdang ka jingtrei ki da song da u kwai, shi kyntien ne ar kyntien ne dih duma shwa lada dei ki shynrang. Ka jingtrei borabor ka long kaba sngew-tynnad haba don kiba ia wan ai la ki nong-kylliang jong ki bad ka jingtrei ruh ka dep bun namar ki sngewkmen ban ia trei lang shiparalok. Haba don kiba biria bad leh thamura kum u Myrsiang bad u Shrieh lei lei te ka Tyut ba pli ka la shu bat kpoh bat snier bad teng teng ka la kum iapler. Haba ki la iatrei kumba lai ne saw kynta, ka trai lyngkha ka ju leit sha iing ban khreh jingbam sngi.

Ha kata ka sngi la dei ka pali ba wer nong ka Tyut, te ka la leit khreh jingbam

sngi noh ia u Shrieh bad u Myrsiang tang shu dei ka por. Ka Tyut ka la wan rah ia ka jingbam bad ki la iabam lang baroh lai ngut. Ki paralok jong ka ki la iabam bad wut bad wut namar ka jingbang eh ka ja sngi ka Tyut. Kine baroh arngut ki dei de artad ki lalot ki bym ju ioh kum kata ka jingbam.

Ha kawei pat ka sngi la dei sa ka pali ban leit on nong ia u Shrieh. U Shrieh ruh u la leh shitom ban shet ka 'ja sngi kaba bang ia la ki paralok. Hynrei ka jong u Shrieh ba pli kam bang satia haba ia nujor bad ka ja sngi ka Tyut. Namar ka long ka akor ban shu bam beat ia kaei ba ki trai ki la ai bad pynkhreh ia ki, ym dei ban bein ne iathuhkhana eiei.

Kumta lashai ka sngi la dei ban ia leit trej ha ka lyngkha u Myrsiang. U Myrsiang namar ba u kwah ba ki paralok kin da ia-roh bha ia u, u la khreh bha ha kata ka sngi ia ka ja sngi na ka bynta ki paralok jong u. Kumta u la khreh shitom hynrei ka jingbam sngi jong u kam long eiei ban ia nujor bad ka jong ka Tyut. Wat la katta ruh ki bam la ka bam bad ki trej khlem jingbynniaw satia.

Ha kawei pat ka sngi la dei biang sa ka pali ban leit ia trej ha lyngkha jong ka Tyut. Ka Tyut bapli ka sngewshitom jingmut namar ba ka tlot bor ban pynkhreh jingbam ia kine ki radbah khlain bam. La katta ruh jait ba ki

kham khlain ka trei ka la shu ia biang hi bad ka jingbam jong ki. Haden ba ki la ia trei shitom bha ki la ia shongthait noh shiphang. Ki la iohi ia u lwai ba soh ha kawei ka dieng. U Shrieh bad u Myrsiang ki la ia kylli ia ka Tyut. 'Kaei sha katai kaba pyllun kum ka ball kaba heh ?' Ka Tyut ka la ong "Katei te ka dei ka nakra ba ju tem ki Syiem; yn ym shah iano iano ban leit tem ia ka bad lada lap yn pyrshitom ia uba la leit ktah ia ka." Ha kata ka por ka Tyut ka la leit khreh jingbam noh sha la iing.

Tang shu leit ka Tyut, u Shrieh bad u Myrsiang ki la sngewdaitbuid ki kti ki kjat ban ioh tem bad mastieh kai shiphang Ki la ia mareh sha trai jong ka dieng, ki iohsngew ia ka jingsawa wu-wung jong u lwai bad ki la sngewphylla shikatdei eh ba ka dei shisha ka nakra jong ki Syiem. U Shrieh u la ong ba un leit kiew ma u bad un tem da ki kti bad u Myrsiang pat un nang mastieh bad shad khalek sha trai. Joit u Shrieh u kiew sha toad dieng bad u la tem ksing ia u lwai bad u Myrsiang shisien arsien u la sdang lehrong. Wung wung la byrngem u lwai bad u la kynthah ia ki baroh arngut haduh ba ki la syllang bha. Wat la ki mareh katno katno ruh kita ki lwai kim iehnoh satia, ki la poi shi lum ar lum ruh khlem thait bad ha kaba kha'duh ki la rypsied, hapoh um bad ki lwai ki la iehnoh ia u Shrieh bad u Myrsiang.



Ki la mih noh na kata ka thwei bad ki la ialeit sha ka jaka trei. Ki la thait bad lwait bha bad ka 'hriat ruh katta, ki la ngat ha ka apot sriew ha kata ka sngi. Ka Tyut ka la lap ia ki ba kim shym ia trei eiei naduh ba ka leit khreh jingbam. Ki la iathuh ha ka ia kaba la jia baroh. Ka ruh ka la sngewsynei ia ki bad ka la ong ba: "wat sngew eiei namar ba phi khlem kohnguh ia ka jingong jong nga." Kumta ka la khat ja ia ki ban bam shuwa ba kin taleit noh. U Shrieh bad u Myrsiang ki la klet noh ia ka jngshitom ia ka jingthait ki ia bam jingbam noh. Kata ka jingbam sngi jong la Tyut ka la nang bang arshah ban ia kata mynshwa. Hangta lei lei u Shrieh bad u Myrsiang ki la ia khun ban bam haduh tan da shlei bad haduh ba ka Tyut ka la thait ban khat ja ia ki. Haba ki la kdang bha, ki la iashong kai bad ki iathubkhana shaphang ka jingnang ban shet jingshet jong ka Tyut. Ki la kyrpad ia ka Tyut ban bthah lem ia ka buit kumno ka shet ba ka ja ka jingtah ka bang kumne. Ka Tyut ka la iathuh hok ba ka tiw ia ka nar ha ding haduh ba ka la saw bha nangta ka sa kiew ha tyngir bad kha pylleng bad sa shet lang bad u khaw ne ki jhur katba don. Ka iathuh ruh ba mynta ka sngi ka la kha artylli ki pylleng bad ka ja ka la kham bang. U Shrieh bad u Myrsiang ruh ki la sngewdei ia kata ka jingbthah jong ka Tyut. Ki la ia ong ba ki ruh kin sa leh kumjuh, ki la ia leit phai noh sha la ki jong ki iing.

Ha kawei pat ka sngi ki la dei ban leit  
trei ha ka kper u Shrieh. Ynda ki la ia  
trei katto katre por, u Shrieh u la leit khreh  
jingbam ia ki paralok. U Myrsiang namar  
ba u kwah ban iohi ia ka rukom kha pylleng  
jong u Shrieh, u la ong ia ka Tyut ba kan  
nangtrei, ma u pat un dang leit shabar ba  
u sngew suh kpoh eh. U Shrieh u la bun  
kam ha iing ha kaba sliew-ding, tong um  
bad dung khaw ban shet ja noh. Ynda u la  
dep pynkhreh lut nadong shadong, u Shrieh  
u sa tiew ia ka nar shet jyntah haduh ba  
kan da saw bha hain, nangta u sa kiew sha  
tyngir ban kha pylleng. U Myrsiang pat u  
nang peit suh na shakiar iing. U Myrsiang  
u la iohi ba u Shrieh u kha pylleng da ka  
eit ha ka nar jyntah. Te u Myrsiang u la  
rkhie bad kynhied ia u Shrieh balei ba u eit  
ha ka nar. U Shrieh ha ka jingkyndit u la  
hap ha ka nar saw bad u la ing thap lut  
ka jingshong. U la lyniar bym don pyrthei  
shuh. U Myrsiang u la iapap sei ia u bad  
u la lait im. U Myrsiang u la isynei shibun  
ia u Shrieh bapli bad ka rkhie iapler iapang  
artad ia kata ka jingleh khyllah jait jong u  
Shrieh. Ha kata ka sngi ki la shu ia leit  
noh sha la iing khlem da ioh bameiei. Na-  
duh kata ka por ka jingshong jong u Shrieh  
ka long kum ka doh ba mong baduh kine  
ki sngi. Kane ka jingiathuhkhana puriskam ka  
pynshisha ba u Shrieh namar ka jingpynbud  
tynneng ia ka Tyut u la ioh ia ka soh-  
khylliang ka jingshong jong u.

#### 4. Ka Kriah Sapja

Hyndai kulong kumah ha kine ki Lum Khasi jong ngi la don ka jingiathuhkhana shaphang arngut shi para, ba la tip kum ka Kynshi bad ka Rilang. Kine baroh arngut shi para ki im suk im sain ha kine ki rynsan lum ba ithiang. La ong ba ha kawei ka sngi. u Syiem na ki thain Ranikor bad lawpaw u la rynlong kawei ka jingiakop ban ia mareh thong (Race competition) hapdeng ka Kynshi bad ka Rilang, maro ban poi shwa sha Ranikor (Ka jaka shajan khap jong ka Khasi Hills bad ka Bangladesh). U la kular ban ai ia ka bainong bad ia ka nam lahduh kat kiba poi nyngkong sha ka thong. Ka Kynshi ka dei ka hynmen bad ka don ruh ka rynieng kaba kham jrong ban ia ka para jong ka ka Rilang. Baroh arngut shi para ki la kut jingmut ban ia shim bynta ha kane ka jingiamareh thong. Ka Kynshi ka sdang na ki thain Sohiong bad Mawmaram katba ka Rilang pat ka sdang ia ka jingmareh na ki thain Lawbyrtun bad Tieh Nongbah.

Ha kane ka jingiaksaid ban poi nyngkong sha ka thong, ka Rilang ka la sdang mareh na ka jaka kaba kham jan ka da pyrkhut ban poi kloj, ka noh ia ki ranab lum bad ka da thom ia ki mawsiang, ki krem ki kroh bad ki dieng ki siej khlem da kyrtiang dien. Hynrei ka Kynshi pat da kaba khmih lynti ba kan jop ia ka jingiakhun da kaba suk, ka mareh suki jai na ki jaka bad ki them

kiba kham madan. Ha kane ka jingialeh jong ki, ka para ka la poi sha khmat ia ka hynmen jong ka.

Haba ka Kynshi ka la poi harud nong jong ka Shnong Nongsynrih bad ka Shong Nong-lyngkien, ka la s'gewthngan kum ban tyrsaw bad ka la bam ja song hangta. Kyndit kyndit ka la ioh sngew ia ka jingsawa kaba kyrhuh jong ka Rilang kaba sha khmat ia ka, ka la sngew lynggoh shikatdei eh bad ka la mareh kyrkieh kyrkieh. Ha kum kata ka jingjia, ka la kum iehnoh ia ka kriaH Sapja (Songja) jong ka ha kata ka jaka, hadien pat ka la kylla long ka pung ba itynnad bad ba ipheng. Ia kane ka pung haduh mynta mynne la khot "KriaH Sapja." Nangta pat ka la phai la ka khmat sha ki phang Sepngi hajan Nong toin lyngba ka Nonglwai. Hadien pat, ka sa sngewthuh ia la ka jingbakla ban jied ia ka lynti kaba kyllain ka bymdei bad ka la phai biang shaphang mihngi bad ka sa leit beit sha Ranikor.

Namar kitei ki daw ba la kdew haneng, ka Rilang ka la poi nyngkong bad ka Kynshi pat hadien. U Syiem ka thain Iawpaw bad Ranikor u la pynbna ia ka Rilang kum ka Nongjop kaba khlain. U Syiem u la ai ia ka khusnam ba lahduh ha ka Rilang. Haduh kine ki sngi ha ka jaka ia kynduh jong kine ar ki wah ba la khot ka Sdad Rilang kaba hajan Ranikor, ka um jong ka Wah Rilang ka kham khlain bad kham eh ban ia ka bynta jongka Wah Kynshi kaba long kham

jem bad ba lah ban kieng lieng. Kane ka long ka jingiathuh nongtymmen jong ki briew ha ka thain sepngi ka ri Khasi shaphang ka jingiamareh thong hapteng ka Kynshi bad ka Rilang. Hynrei kaei kaba kham kongsan ha kane ka khana ka long shaphang ka tyrai jong ka *Thwei 'Kriah Sapja'*.

Ka ktien 'kriah' ka mut ka shang ba la thain na u siej bad 'sopja' ka mut ka jingsong ne jingbuh ban rah jingbam. Ka kriah sopja ka dei ka thwei kaba don hapteng jong ki lum ka shnong Nongsynrih bad ka shnong Nonglyngkien. Ia kine ka thwei la ker baroh sawdong da ki japung, ki phlang syntem, k dieng rit bad ki syntiew ki skud. Wat la ia kane ka pung la ong ba la pynlong da ka jingbam ja sngi jong ka wah Kynshi, ym shym la don kano kano ka jingpyniasoh na shabar hapteng ka Kriah Sapja bad ka wah Kynshi. Ka jingjngat hapteng jong kine ar ka long kumba 5 kilometer ei ei. Hynrei kaei kaba pynsgewtyniad ia ngi ka long ba ka don ka jingiadei ba kyrpang hapteng ka wah Kynshi bad ka Kriah Sopja. La ong ba ki dak ki shin jong ka jingiadei jong kine ar, ka dang don wat haduh kine ki sngi. Ha ka por lyiur ba jur bha u slap, haba ka wah Kynshi ka shlei da ka umsaw ka rong jong ka um ha Kriah Sopja ruh ka long kaba saw iasyriem hi thik ia ka dur jong ka um ha wah Kynshi.

Ki Khasi hyndai ki ju leh niam shisien shisnem ha ka Kriah Sopja. Ki briew

na Nonglyngklen, ki riewtymmen, ki nongknia nongkhriam, ki long kni bad ki paidbah ki ju lehniam ha kane ka jaka; ki thaw kawei ka krong ban rah ia u diengsning na ka rud jong la shnong Mawthong. Ki pom ia u diengsning ha kata ka rukom ba ki tnad bad ki sla jong uta u dieng ban pyndonkam ha ka jingknia jingkhriam kim dei ban pyn-dei ne pyntyngkhuh ha khyndew. U Dieng-sning u dei ban hap leit halor jong kata ka krong ba la pynap ha trai jong u dieng. Ynda ki la dep pom ki sa leit rah ia uta u dieng-sning sha ka Kriah Sapja. Ka jingrah ia u diengsning shaduh Kriah Sapja ka lorg ka lynti kaba dap tang da ka jingkmien, jing-duhoi, jingrisa, jingphawer ryngkat bad ki jingtem jingput kum ki ksing ki nakra, ki tangmuri, ki tanakronet bad kiwei de ki jingtem ban pynjahap tar bad kata ka jingialehniam. Don napdeng jong ki kiba stad mastieh da ki waitlam ki taluwar ryngkat bad ka riam ka beit kaba pynphieng ia ka rukom lehniam jong ki.

Haba ki la poi ha ka pung Kriah Sapja ki iaieng tawiar baroh sawdong ia kata ka pung katba ki nongknia nongkhriam pat ki hap pyrdep ia la ka kam da ka suit ka shor, da ka 'iadum 'iadrod, shad pylleng, knia syiar bad kiwei kiwei ki jingkyrpad ia ka Meiramew Meimariang ba kan pynmanbha ia ka rep ka riang, ia u kba u khaw shuwa ban poi ka por lum por lang bad por ot. Katba ki paidbah hangta ki nang ia kmen ia risa bha ryng-

kat bad ka jingshad bad jingrisa ka rung ka khh  
 phaloh da kaba pynmih thnam um phruid phruid  
 hamar ka bynta pdeng jong ka; kane ka pyn-  
 paw ba ka Kriah Sapja ruh ka ia shim bynta  
 lang ha kata ka jingialehkmen. Don tang  
 katto katne ngut ki briew na kita ki paid-  
 bah ba bun kiba eh rnieu ki ju iobi uwei  
 u mrad um, u lakjakor uba don tang kawei  
 ka reng u ju pykhh phalok ia kata ka um  
 ha ka por ka jingleh niam.

Nangta shuwa ban sep ka spgi, ki paid-  
 bah ki ia leit noh sha kawei ka Law Kyn-  
 tang kaba don harud jong ka shnong Nong-  
 lyngkien ka bym da jngai eh na ka Kriah  
 Sapja Hangne ki pyndep ia ka jingknia kaha  
 khatdub, ki da buh ki phan ki kyrpad ban  
 iada ia ki na ki jingsniew. jingma, jingiap-  
 thngan bad kiwei kiwei ki jingsniew.

## BIBLIOGRAPHY

Bacchiarello, J. **Ki Dienjat Jong ki Long-Shuwa**, Don Bosco Book Depot, Shillong, 1930.

Bareh, H. **Khasi Fables and Folk Tales**, Firma K. L. Mukhopadhyay, Calcutta, 1971.

Bareh, H. **History and Culture of the Khasi People**, Spectrum Publications, Guwahati, 1962.

Bareh, V. G. **Ki Khasi Poetry**, Northern Printers, Shillong, 1957.

Chappell, V. C. (ed) **The Philosophy of David Hume**, Random House, New York, 1963.

Chattopadhyaya, Kamaladevi, **Tribalism in India**, Vikas Publishing House, New Delhi, 1978.

Chowdhury, J.N. **The Khasi Canvas**, Navana Printing Works, Calcutta, 1978.

Commins Saxe & Linscoff, Robert No. (ed.) **Man and Man: The Social Philosophers** Random House, New York, 1947.

Costa, G. **Ka Riti Jong ka Ri Laiphew Syiem**, Don Bosco Press, Shillong, 1971.

Dale, Tom and Carter, Vernon Gill. **Topsoil and Civilization**, University of Oklahoma Press, USA 1958.

Deb Roy, H L. **Tribe in Transition : The Jaintias of Meghalaya**, Cosmo Publications, New Delhi, 1981.

Dkhar, E.W. **Ki Khana Nongtymmen na Ki Tnum Soppring u Hynniew Trep**, Khasi Jaintia Press, Shillong, 1985.



Edwards, Paul (Editor-in-chief). **Encyclopedia of Philosophy**, Macmillan Publishing Co. Inc., and Free Press, New York, 1958

Ehas, H. **Ki Khanatang u Barim**, Don Bosco Press, Shillong, 1963.

Gopalacharya, Mahuli R. **The Heart of the Rigveda**, Somaiya Publications, New Delhi, 1971.

Gurdon, P.R.T. **The Khasis**, Cosmo Publications, New Delhi, 1907.

Hicks, John. **Argument for the Existence of God**. Macmillan London, 1970

Hume, David. **A Treatise of Human Nature**, edited by L.A. Selby-Biggs, Clarendon Press, Oxford, 1888.

Jaitdkhar, Sib Charan Roy. **Ka Niam Ki Khasi · Ka Niam Tipbriew Tipblei**, Ri Khasi Press, Shillong 1919.

Kynpham-Singh. **A collection of Writings about Khasi Hills and Khasis & A collection of Poems**, Ri Khasi Press, Shillong, 1979.

Lyngdoh, H. **Ka Niam Khasi**, Ri Khasi Press, Shillong, 1937, Mahadednān, T.M.P. **Outlines of Hinduism**, Chetana Ltd. Bombay, 1956.

Mawrie, H.O. **The Khasi Milieu**, Concept Publishing Company, New Delhi, 1981.

Mawrie, H.O. **The Essence of the Khasi Religion**, Ri Khasi Press, Shillong, 1981.



